

ФАРЗАНДЛАР НИГОХИДАГИ

ТУЙҒУ

Ёзувчи ва публицист Гаффор ҲОТАМОВ билан сұхбат

Таниқли адіб Гаффор Ҳотамовнинг адабиётта кирил келганига салқам ўттис үйл бўлди. Ёзувчининг дастлабки “Хат ташувчи бола”, “Қайтиш”, “Кудук тенпасидаги ой” асарларидан тортиб мустақилликнинг дастлабки йилларида битилган “Азал ва абад”, “Кунтуғмишининг кулмаган баҳти” қиссаларигача адабий жамоатчилик насримиздаги воқеа сифатида қабул килишган, бу асарлар қизғин мухокамаларга сабаб бўлган. Атоқли адіб ва олимлар матбуот саҳифаларида ушбу асарлар юзасидан таҳлилий, кўламли мақолалар билан чиқишган ва бу жараён ҳамон давом этайти.

Ғ.Ҳотамовнинг қисса ва бадиалари ўндан ортиқ йирик илмий ишлар ҳамда номзодлик, докторлик диссертацияларига асосий обьект бўлиб хизмат қилган.

Мустақиллик йилларида Ғ.Ҳотамов жамиятимизда рўй берәётган йирик ўзгариш ва жараёнларни кенг таҳлил этувчи ўнлаб мақолаларни марказий нашрларда эълон қилди. Бинобарин, истеъододли ёзувчи Ўзбекистонимиз ҳаётидаги энг муҳим қирраларни журналист сифатида ҳам кенг ёзувчилар оммасига англата олиш курдатини намоён эта билди. “Кеча ва бугуннинг сабоқлари”, “Озодликнинг машақатли йўли”, “Ёвузликка қарши турмаган...” китоблари мана шу меҳнатларнинг самараси ўлароқ дунёга келди. У кишининг муаллифлигида экран юзини кўрган бир неча хужжатли фильмларда озод юртимизнинг осойишталигига раҳна солувчи қора кучларнинг башарлари фош этилди, огоҳликка даъват этилди.

1999 йилда “Ўзбекистон Республикасида хизмат кўрсатган журналист” фахрий унвони билан тақдирланди.

Ғ.Ҳотамов 1985 йилдан 1993 йилнинг охиригача “Ёшлиқ” журнали таҳририятида бўлим бошлиғи, бош мұхаррир ўринбосари, бош мұхаррир вазифаларида тер тўкиб хизмат қилди. У кишининг таҳрир қалами остида ўнлаб йирик насрый асарлар, юзлаб хикоялар дунё юзини кўрди. Назар Эшонкул, Тўхтамурод Рустам, Шодиқул Ҳамроев, Абдуқаюм Йўлдошев, Собир Ўнар, Муҳаммад Исмоил, Луқмон Бўриҳон, Ислом Ҳамро, Абдунаби Ҳамроев сингари кўплаб ёш ёзувчи ва шоирлар Гаффор акани ҳақли равища устозимиз деб билишади.

Бугун, айни кўклам фасли Гаффор Ҳотамов эллик ёшга тўлди. Таҳrir ҳайъати, жамоатчилик кенгаши, ижодий жамоамиз номидан устозни бу кутлуг ёш билан чин дилдан кутлаймиз, сихат-саломатлик, ижода барака тилаймиз.

Таҳририят.

— Мамлакатимизда рўй берәётган бутунги иқтисодий-ижтимоий ва сиёсий ўзгаришларни элнинг ўйғоқ руҳи бир адаби сифатида қандай талқин этасиз? Агарки, ана шу жараёнларда бутун айрим камчиликларга ҳам дуч келинаётган бўлса, уларнинг асл сабаблари нимада, деб ҳисоблайсиз?

— Агар сиз ўтган юз йилликка назар ташласангиз, олтминчичи йилларда истеъмол қилингандан сўнг саксонинчи йилларрига қадар бир мунча таъминотли эттанини, сўнг яна бу борада бебошланганини кўрасиз. Етмиш уч сурган шўро тузумининг қолган қисми қирғин ва қатағонлар, уруш ва кулфатлардан иборат бўлган. Деярли ҳар бир оиласдан кимдир қатағон этилган, “кулок” қилинган, “халқ душмани” сифатида отиб ташланган, ёки бўлмаса, “пахта иши” туфайли жабр чеккан. Шундай сиёсат юритилганки, ҳеч ким менинг бобом ёки отам “халқ душмани эмас” деб айта олмаган, аксинча, отилган ёки қамалган одамнинг душман эканига ҳатто ишонган. Чунки бу жамиятда шубҳа ўйғотиши мумкин бўлган иккичи фикр ҳеч қачон ошкор этилмаган, бунга йўл қўйилмаган. Шунинг учун ҳам у “ёпиқ жамият” деб айтилган.

Ҳаёт шуни кўрсатдики, одамзот ҳамма нарсага кўнишиб кетар экан.

Саксонинчи йилларда “пахта иши” бўйича одамлар қамала бошлаганида биз, ёшлар “адолат тантана қилипти”, деб ўйлаганмиз. Чунки ҳаётда фавқулодда ўзгаришлар камдан-кам рўй берар, унинг бир хил оқимидан безиб, доимо бирон-бир янгилик бўлишини кутиб яшар эдик.

Ёдимда, ўн олтинчи пленумдан сўнг бир неча кун ўтгач, ҳаётнинг паст-баландини кўрган оқсоқол адабнинг иш столида деярли ҳар қатори қизил қалам билан чизиб чиқилган газетага кўзим тушган. Бу - ўша пленумда сўзланган, кескин танқиддан иборат бўлган маъруза эди.



Адиб ўйга ботган ҳолда менга тикилиб қаради, ёшларга хос беўйлик туфайли туғилган мамнуниятни юзларимдан уқибми, асабий чимирилди, сўнг:

- Тилла топган гадога ўхшаб нега бунча хурсанд бўляпсиз? - деб сўради.

- Энди, қачондир, кимдир шу ҳақиқатни айтиши керак эди-ку! - дедим мен.

- Бу - ҳақиқат эмас, балки миллатнинг бошига тушажак мусибатнинг кўланкаси, - деди у. - Бу - қирғинбарот, деган гап, ука. Тарих тақорланмоқда: ўттиз еттинчи, эллигинчи йилларда ҳам, ундан илгари ҳам аввалига мана шундай маломат қўлинган, сўнг душман қидирилган ва шу баҳонада миллатнинг пешқадам вакиллари қириб ташланган. Халқнинг бошига ёғилган бу қақшатқич кулфатлар ўз кўлами билан чингизийлар босқинидан асло қолишимайди, бу жараён миллий тафаккурни ҳам, миллатнинг уйғониши ва ўсишини ҳам юз йиллар орқага итқитиб ташлайди. Бунинг учун кулиши эмас, балки қон йиғлаш керак...

Мен ўшанда миллий қирғин ҳақида куюниб айтилган бу гапларга ортиқча аҳамият бермаганман. Чунки биз бундай кўргуликни бошимиздан ўтказмаганмиз, шу боис миллий қирғин нима эканини ҳам билмасдик.

Кейинчалик, Бухорода жамоа хўжалик раҳбарларидан бири - қамалиши муқаррар тус олгач, “Менинг қамалишим оиласи шаънига иснод келтирмасин, ўтил-қизларим бадном бўлмасин”, деб ҳатто ўз жонига қасд қилгани ёдимда. Лекин бу давр келиб, “пахта иши” бўйича биридан ваҳимали гаплар ёйла бошлаган, мана шу сиёсат одамларни ўз доимига тортиб кетган. Шу боис аксарият кўпчилик бу фожия замираига жиддий назар ташламаган.

Ўша “тозалаш” ва “қама-қама”лар навбатдаги сиёсий қатағон экани ниҳоят ойдинлашди. Аммо буни англаш учун учун йиллар керак бўлди.

* Худди шу каби ҳаётда биз англаб етмаган фавқулодда ҳақиқатлар мавжудки, уларни идрок этиш учун вақт ўтиши, эврилиш ва ўйқотишлар оқибатида инсоннинг кўзи очилиши керак бўлади.

Тарихнинг аччиқ сабоқларидан келиб чиқиб айтадиган бўлсақ, ҳалқимизнинг озодликка чиқиши мисли кўрилмаган ноёб ҳодисасидир. Амир Темур олиб чиқкан рўшноликдан сўнг олти юз йил ўтгач, бундай саодат ҳалқимизга қайта насиб этди. Лекин ҳаёт шуну уқтироқдаки, энг аввало, ҳар бир инсоннинг ўзи мустақилликка муносиб бўлиши даркор.

Бу - нима дегани?

Ким эрку ҳаёт деб жон берса агар,

Эрку озодликка ўша муносиб, - дейди Иогани Гётем.

Энг мураккаб масала - инсоннинг яшашга тайёр бўлишибўлумаслиги, мустақил фикрлаш-фикрламаслигидир.

Аксарият кўпчилик одамлар тайёр фикрга ўч бўлади, нимани эшитса, шунга ишонади, ҳатто уни муҳокама қилиб кўрмайди ҳам.

Яқинда бир шоир, олдин ҳаёт бошқача эди, ҳозир бошқача, деб фикр билдири.

Ҳақиқатан ҳам шундай. Олдин ҳаётда кўтаринки романтик руҳ ҳукмрон бўлган. Биз, болалар эртакларга ишонгани каби йўқ нарсаларга ишониб яшаганмиз. “Аргументы и факты” газетаси шу йил апрел сонида Юрий Гагарин, Зоя Космодемьянская, Алексей Маресьев каби шахслар аслида қандай одам бўлганини ҳеч ким, ҳеч қаҷон била олмайди, чунки совет сиёсати уларни афсонавий ўйдирмаларга ўраб-чирмаб тақдим этган, деб ёзди.

Бутун эса ҳаётта муносабат кескин ўзгариб бормоқда. Одамлар дунёга очиқ кўз билан қарай бошлади. Воқелик юзидаги пардалар олиб ташланди. Яхши яшаш учун қаттиқ ишлаш керак. Бу эса олдинги кайфиятда юрган одамга, табиийки, ёқмайди. Лекин бозор муносабатлари, бари бир, ўз ҳукмини ўтказади.

Нимага десангиз, инсоний муносабатларнинг мана шу ўйли кишилик жамияти тараққиётини белгилаб келган.

Бозор муносабатлари ҳалолликни талаб этади.

Биз ўтган асрнинг бошларида, яъни шўро тузуми ўрнатилгунча (қарант, ҳатто оқ подшо ҳукмронлиги даврида) дар-



возаларга кулф илинмагани, бозорда эса дўкондор бирор бир юмуш билан уйига кетса, дўконни очиқ қолдиргани ҳақида кўп эшитганмиз. Демак, одамлар бир-бирига ишонганд, бирорнинг молига кўз олайтирган, бирорнинг ҳақига хиёнат этишдан хазар қилган. Кўли эгри, нопок ва мунофиқ кимсалар тезда элдан чиқиб қолган.

Минг афсуски, ўтган етмиш йил ичиди бу тушунчалар бузилиб кетди, туйгулар емирилди.

Бунинг яна қарор топиши осонликча бўлмайди, албатта.

Ўзгаришларга тўсиқ бўлаётган - эскича кайфият ва нафс балоси, фикрий ва жисмоний танбаллик, десак, ўйлайманки, хато бўлмайди. Таъмагирлик, суиистъемолчилик шундан келиб чиқади.

Нега бу иллатлар барҳам топмаяпти, дерсиз. Бунинг сабаби шуки, мамлакатимизда ҳукуқий давлат қарор топмоқда. Бундай шароитда таъмагирни тутиб олиб, эски замонлардаги каби қақшатқич жазо бериш демократик тушунча ва тамоилларга мувофиқ келмайди.

Демократик ҳукуқий давлатда ҳар бир одам ўз ҳукуқини ҳимоя қила олиши, бунинг учун эса қонунни билиши ва унга амал қилиши, бир сўз билан айтганда, қонун устувор бўлиши лозим. Биз шу мақсад йўлида ҳаракат қимлоқдамиз. Шаклланиб келаётган янгича қарашлар билан бирга эскича кайфият ҳам яшаб келмоқда. Шу боис тоғо лавозим эгаси бўлган айрим пастназар кимсалар ўз ваколатларини суиистъемол қиласди, устига устак, мен қилаётган бу қильвирилни ҳеч ким билмайди, деб ўйлади.

Лекин бу “касал”лик вақти-соати билан йўқ бўлиб кетади.

- Сизни биз аввало каттакон адаб сифатида таниганимиз. Шу аснода айтишим жоиз, “Тоҳир ва Зуҳранинг кулмаган баҳти”, “Азал ва абад”, “Мен - ўша мен”, “Ота”, “Эврилиш”, “Абадият нафаси” асарларингиз аллақачон мухлислингизнинг қалб мулкларига айланган. Лекин бари бир биз, биринчи галда “Кудук тепасидаги ой” қиссангиз орқали етук ёзувчи сифатида қабул қилганимиз. Ва унинг бетакрор тасвир услубио ўқувчига берадиган улуғвор руҳиясини бутун ҳам унугтанимиз йўқ. Хулас, сұхбатимизнинг эндиги ўйналишини бөвосита адабиёту ижод томонига йўналтирасак, деган эдим. Айни кунларда қандай бадиий асарлар устида ишлайсиз?

- Бадиий асар вақт талаб қиласди. Бутуннинг гапини одамларга етказиша публицистиканинг имкониятлари чекланмаган. Жамият ҳаётида туб ўзгаришлар бўлган давдра бу жанрга талаб foят кучаяди. Яқинда “Озодликнинг машақатли йўли”, “Миллат хотириаси”, “Ёвузликка қарши турмаган...” деган китобларим нашр этилди, улар мана шу соҳадаги изланишлар натижасидир. Шу билан бирга, “Тинчлик учун

кураш”, “Ийлар армони”, “Мен нечун севаман Ёзбекистонни...” каби қатор ҳужжатли фильмлар устида иш олиб борилди.

Ҳужжатларга ва ҳаётнинг ўзига таяниб ишлаш дунёни англашга кўмак беради.

1997 йили “Янги ой чикқан кеч” деган романимнинг журнал варианти (“Ёшлик” журналида) чоп этилган. Ҳозир уни қайта ишлаб, нашрга тайёрлайтман. Бундан ташқари, танланган қисса ва ҳикояларга тартиб бериб, нашриётта топшириш ниятидаман...

- Сизнинг севган мавзуларингиз? Бугунги адабий жараён ҳақидаги фикрларингиз?

- Бутун адабиётта талаб ҳам, унга муносабат ҳам ўзгарган. Кўпчилик китобхонлар бир қадар енгил, саргузашт асарларга ўч бўлиб бормоқда. Ва бу ҳам табиий жараёндир. Лекин жаҳон тажрибаси шуни кўрсатадики, бу - жиддий адабиётнинг барҳам топишини билдирамайди.

Ҳозир шеърият ҳам, наср ҳам парвозга тайёргарлик кўраётган лочинга ўхшайди. У куч йифмоқда...

- Сиз нафақат талантли ёзувчи, иқтидорли публицист, республикага хизмат кўрсатган журналист ҳамсиз. Шу аснода 50 ёшин қоралаган бир адаб сифатида Сизни ўйлантираётган муаммолар нималардан иборат? Ёшларга қандай тиляклинигиз бор?

- Мана, сиз эллик йиллик умр ҳақида гап очдингиз, мен эса инсон бу даврда бошқача яшаши, ўзидан бошқача из қолдириши ҳам мумкин, деб ўйлайман.

Дунёдаги энг тенгсиз неъмат - умр, энг бебаҳо бойлик - инсон умрининг лаҳзаларидир. Аммо уни агадиятта муҳрлаш, афсуски, ҳаммага ҳам насиб этавермайди. Вақт эса дарёнинг оқар суви янглиғ бир маромда ўтиб кетаверади...

Саксонинчи йилларда “Литературная газета”да москвалик ёзувчининг бадиаси босилган. Ёзувчи олтмишинчи йилларда хизмат юзасидан Эфиопияга борганини ҳикоя қиласди.

У уйдан чиқиб, лифтнинг олдига борса, “Ишламайди”, деган ёзув. Шундан сўнг зинадан пастга тушади. Кўчага чиқиши билан: “Хой, кўзингта қара, қудукнинг қопқоғи йўқ”, деган ҳайқириқдан хўшёр торгади. Қараса, ҳақиқатан ҳам “кудуқ”нинг қопқоғи йўқ.

Қопқоқни жойига қўйиши лозим бўлган учта ишчи эса йўл четида ичб ўтирибди.

Орадан йигирма йил ўтади. Эфиопияда, яйдоқ чўлда йирик шаҳарлар ва улкан саноат корхоналари барпо этилади. Бутун мамлакат ўзариги кетади.

Сафари қаригач, ўша ёзувчи яна Москвага қайтади. Ўз уйига яқинлашганида: “Хой кўзингта қара!..” - деган ҳайқириқ қулогига чалинади. Қараса, қудукнинг қопқоғи йўқ, учта ишчи эса йўл четида ичб ўтирибди. Лифтда: “Ишламайди”, деган ёзув...

Бу ҳикояда аламли истеҳзо яширин.

Эҳтимол, ҳаётда шундай воқеа бўлмагандир, лекин узоқ вақт шунга монанд кайфият ҳукм сургани тарихий ҳақиқатдир. Шунинг учун ҳам ўша йиллар “турғунлик даври” деб ном олган.

Хўш, мана шу йиллар асорати табиатимизда сакланиб қолмагани? Ҳаёт фақат қозон қайнатишдан иборатми?

Бу ҳақда ҳам ўйлаб кўриши керак.

Мен бир пайтлар Лев Толстой ёш ёзувчи Иван Бунинга қарата: - Ҳаётда баҳтнинг ўзи йўқ, унинг учқунларигина бор, холос. Шуни қадрланг, - деганини ўқиб ҳайрон қолганман. Нимага десангиз, Толстой нафақат улуғ ёзувчи, балки Русиядаги энг бадавлат граф бўлган. Аммо шундай одам ҳам баҳти мукаммал ҳолида тасаввур этмаган. Ёши бир жойга борганида ўз уйини, мол-мулкини, қасрларни ташлаб, бош олиб чиқиб кетган...

Умрнинг ҳар бир лаҳзаси шоирона кечинмаларга йўғрилган ҳолда кечмайди. Ҳаётда байрамлар кам бўлади. Ноёб жаҳоирлар янглиғ саодатли дамлар ҳам минг мashaққат билан кўлга киритилади, шунинг учун ҳам у тансиқдир.

Нима бўлганда ҳам инсон ўзини енгиги яшай олиши кепрак.

- Шу фикрни янада ойдинроқ ифода этсангиз.

- Биласизми, бу дунёда тирик жон борки, яшайди, кун кўради. Лекин яшаш билан яшашинг ўртасида ер билан осмонча фарқ бор. Бугун тараққий топган ҳалқлар жуда илгари-лаб кетди. Ҳар бир ҳалқ жаҳон ҳамжамиятидаги ўз ўрнини йўқотиб қўймаслиги учун муттасил тараққиётга интилиши лозим, бу ҳақиқат тарихда ўз тасдигини топган.

Агар аждодларимиз соҳибкорон Амир Темур давридаги ҳамжиҳатлик ва ўсиш-улғайишни кўлдан бой бермаганида, ҳозир қандай ҳалқ, қандай давлат бўлишимизни бир тасаввур этинг!..

Гоҳо телевизор орқали қирқ йилдан буён ўз ҳақ-хуқуқи учун курашаётган жағоқаш ҳалқ ҳаракатини намойиш этади, улар ўзларига қўшини бўлган мамлакатнинг ўта замона-вий курол-аслаҳасига қарши палоҳмондан тош отишиади...

Ўйлайдиган одам учун бунда чукур ҳикмат бор.

- Сиз учун энг улуғ ва ардоқли фазилат нима?

- Инсоннинг ўз салоҳиятини тўла рўёбга чиқара олиши. Мана шундай оловқабларни астойдил қўллаб-куватлаш.

Фазилат деганда биз одамийликни тушунамиз. Мехроқибат, ҳиммат ва саҳоват, мурувват ва савобталаблик, кечирилмиллик, хуллас, бу гўзал хислатнинг турлари беҳисоб ва унинг ҳар бири ўз ўрнида азиз ва мўътабардир. Миллат ва Ватан озодлиги хавф остида қолган маҳалда ватанпарварликка тент келадиган инсонни фазилатни қидириб топши мумкини? Кимдир сабоб истаб боф яратади, кимдир йиқилгани турғазиб қўяди, кимдир етимларнинг бошини силайдай ва яна кимдир... Биласизми, олижаноб фазилатни инсонлар бўлмаганида, бу дунё чок-чокидан сўтилиб кетар эди.

Ха, инсон умрининг кечимиши ажаб,

Гоҳ тўнгар, гоҳо у яшнар қулф уриб.

О, балки бирон-бир фидоий сабаб

Юрибсан сен ҳаёт нашъасин сурб...

Буни билган билади, билмаган билмайди.

Мен оққўнгил, бағри кенг, ҳаммага яхшилик тилаб яшайдиган, событ ва иродали инсонларга ҳавас қиласман. Бундай одамлар тиниқ фикрлайди, ҳаёт зарбалари олдида эсанкираб қолмайди, ўзини йўқотмасдан яна дадил олга интилади ва ўз мақсадига эришади.


Асфалтни ёриб чиқиши гиёҳни ҳеч кўрганмисиз? Азбаройи, у ёруғликка ташна бўлгани учун шунга интилган, ўзида куч йигиб, сабр-тоқат ва машаққат билан тош-метинни ёриб чиқиши. Дунёда ана шундай файритабиий қувватта эта одамлар бор. Турмуш ташвишлари муттасил уларни шоширса-да, ипсиз боғлаб қўйса-да, бари бир, юзага чиқади.

Тақдирнинг зарбалари ҳар қанча эзиб ташламасин, бари бир, улар йўқ бўлиб кетмайди. Енгилмайди. Афтидан Яратганинг ўзи уларга марҳамат қиласган, шу боис улар тутдай тўкилиб кетмайди.

Мана шундай ажойиб тақдирли одамлар ҳаётда кўплаб учрайди.

- Эллик ёш, унинг ҳикмату неъматларини нимада кўяп-сиз?

- Сизнинг саволларингиз мени бир лаҳза тин олиб, бошиб ўтган ҳаёт йўлим, яхши-ёмон кунларим, топгандарим ва йўқотганларим, яқинларим, уларнинг муносабатлари





ҳақида ўй ўйлашга даъват этди.

Болалигимиз ўтган қир ва адирлар, ҳарф ўргатган биринчи муаллимим, синфимизни туркиратиб ўтирган ўттис олти ўкувчи, ўсмири қалбимизга ўт соглан сулув қизлар худди сурат каби кўз олдимда турибди.

Булар хотира сифатида ҳамиша азиз ва қадрлидир.

Мен шу тобда ўзим беминнат яхшилик кўрган ва бир умр қарздор бўлган улуф инсонлар қосида хаёлан бош эгдим; кеча бирга бўлган, бутун тириклар сафидан ситилиб чиқиб кетган кўнглумга яқин одамларнинг унутилмас хотирасини ёд этдим.

Абадиятта даҳлдор асарларни қўлга олиб, ҳаёт пайдо бўлганидан бўён яшаб келаётган мўъжизаларни бир-бир хаёлдан ўтказдим.

Қаранг, Байрон нима деб ёзган:

*Одам Ато давридан токи бу кунга қадар
Бахтсиз бўлмаган, ахир, доим инсон боласи.
Ёруғ жаҳон жаннати битмагандир сарбасар,
Уни намоён этар севгининг илк бўсаси...*

Бу сатрлар баҳор эпкинлари каби кўнглингизда олам-жаҳон таассурот уйғотади. Беихтиёр бошингизни кўтариб, дера-за оша барқ уриб келаётган ям-яшил хиёбонга тикиласиз. Бир-бирига тўймай термулаётган қиз билан йигитга кўзингиз тушади.

Бу сатрлар худди улар ҳақида ҳозиргина ёзилгандек бўлиб туюлади. Аслида бу шеър битилганидан бўён неча юз йил ўтиб кетди. Аммо сатрлар қатида силқиб турган юрак ҳарорати оҳорли ва таъсиричан. Шундай бўлгач, унинг қаҷон ёзилганинг нима аҳамияти бор?

Кишини ҳайрата соладиган бундай мумтоз асарлар озми? Faqat уни яратган одамлар бир тикматни жуда яхши англашган: инсон бармоқларида туйгул рни абадиятга муҳрлайдиган иқтидор яширин.

Мен бутун юртимизда бўлаётган ўзгаришларда мана шу иқтидор муҳрини кўраман. Табиийки, шу юртнинг бир миннатдор фарзанди сифатида эртанги кундан умидларим катта...

Суҳбатимизни куйидагича якунласам, деган эдим. 1986 или биз Адриатика денгизи соҳилида бўлганимиз, ўшанда чиройли кийинган ширинтой ўкувчилар бизнинг олдимиздан чиқишган. Улар табиат дарсини табиат қўйнида ўтишар экан.

Этак - майсазор, нав-ниҳол кўчатлар киприқдай тизилиб турибди, ундан нари - тог, ям-яшил арча билан қопланган.

Кўккисдан бир сайдукун ниҳолни босиб-янчиб майсазорга ўтди, шунда уч-тўрт ўкувчи бирваракайига югуриб келиб, ёхтиётлаб ниҳолнинг қаддини ростлашди.

Уларнинг сайёҳ хатти-ҳаракатидан хафа бўлишгани, ўша ниҳолга жони ачишгани яққол сезилиб турар эди, улар бизга: - Бундай қиласлик керак! - дегандай ёзириб қарацди.

Бу - азиз туйгу. Мен ўзгалар, айниқса, фарзандлар нигоҳида мана шундай туйгуни кўришни истайман.

Азим СУЮН

ЭЙ ДЎСТ

(1001 битик)

341.

Эй дўст!

Баҳор ўзганини, куз ўзингни, Кулоқ ўзганини, кўз ўзингни. Чибин ҳам лакманинг оғзини пойлар, Тилинг ўзганини, сўз ўзингни.

342.

Эй дўст!

- Ушиб чиқар бир қуш ўз ошенидан, Унга қайтиб кирмас, қандай қушдир у? Бу қушнинг номини айтсан, жонидан, Уни "Сўз" дейдилар, жавобимиз шу!



343.

Эй дўст!
Одамким одамга ганимат эрур,
Барча билгай буни, лекин ким билур?
Мана, баҳор ўтди, ёз ҳам ўтибди,
Куз ҳам ўтажакдир, қишиш - кафтда туур.

344.

Эй дўст!
Кунлар гоҳ совуқ, гоҳ иссиқ, илиқидир,
Осмон чақмоқ чақар, эгар бошларни.
Буғдор донининг ҳам қорни тилиқидир,
Дарё суриб борар тилло тошларни.

345.

Эй дўст!
Маним дўстим санинг ғаниминг экан,
Санинг дўстинг манинг ғаним экан.
О, қандоқ яшаймиз телба дунёда,
Барчаси санингу ва маним экан.

346.

Эй дўст!
Дўст ким, сендан унга зиён етмаса дўст,
Мол, мартабанг олий мақом - кетмаса дўст.
Сувда, қумда - бирдек кўзи очиқ балиқ,
Не деюрсиз, бундай дўстлар дўстмас-а, дўст.

347.

Эй дўст!
Яшасин адолат - азалий дараҳт!
Яшнасин адолат - абадий дараҳт!
Кимдир бешик ясар гўдакка ундан!
Кимдир ундан ясар жаллодга кунда!

348.

Эй дўст!
Қолмади одамзот кирмаган гўша,
Еру кўкда, сувда ҳозир ҳамиши:
О, фақат ёнма-ён турару инсон,
Бир-бирин қалбига киролмай сарсон.



349.

Эй дўст!
Олтин отлиқ Бойни қашф этди башар,
Бугун унга ўзи кул бўлиб яшар.
Ўрмонга ўт кетган, ёнар қуруқ, хўл,
Қутулганлар бору кўз ёшлилар мўл.

350.

Эй дўст!
Бу оламга ҳеч ким эмас ҳукмдор,
Азал-абад ахир ўз Эгаси бор.
Башар кўриб-билиб талашар уни,
Даъвогар, даъвогар қулу давлатдор.

351.

Эй дўст!
Аҳлоқ - буюк қонун - ёмон-яхшига,
Аллоҳ ривож бергай ибрат ишига.
Дунёни сақлагай турлик оғатдан,
Гар ул ёлғиз сарвар бўлса кишига.

352.

Эй дўст!
Жанг-жадалга рагбат жону қонда бор,
Дейлик, қўй сўймаса қонсирап қассоб.
Майл устувор ё ақл устувор,
На Ер жавоб берар, на Ой, на Офтоб.

353.

Эй дўст!
Инсон узилмоқда ўзагидан,
Дарё чиқиб кетди ўзанидан.
Чавандозин судраб учар учқур от,
Оёқ чиқмай қолган узангидан.



354.

Эй дўст!
Улувлар тушимга киради бот-бот,
Кеча тонг тушимда юрибди Суқрот.
“Қаерликсиз?..” - ногоҳ сўрабман ундан, -
“Ерликман!..” - деб жавоб берди буюк зот.

КИШЛОҚДАН МАКТУБ

Инсон умрини оқар дарёга қиёслашади. Бу нечоғлик ҳақиқатта, якин билмадим-у, ҳаётнинг қадри, яшашнинг маъно-мазмуни умр дафтарини одамийлик сифатлари билан безай билмоқлик эканлиги бор гап. Ўзаро ишонч ва ҳурмат асосига қурилган дўстлик ҳам инсон умрини безайди. Садоқатли дўст ҳаётнинг баланд-паст сўқмоқларида, тирикликтининг бешафқат курашларида ёрдамга келади. Ана шунинг учун ҳам дўстликни инсониятнинг энг эзгу “қашфиёти” дегим келади.

Мен шоир Азим Суюн билан бирга туғилиб ўсганман. Умримнинг салмоқли қисми ҳаётини эзгулик ва ватан хизматига бағишилган ана шундай фидойи инсон, садоқатли дўст билан боғлиқлигидан бениҳоя фахрланаман. Наинки мен, шоир туғилиб ўсан, Нуротатов орасида жойлашган Накурт қишлоғи ахли ҳам ана шундай истеъододли фарзанд билан гуурланади. Юртимизнинг олий бурчакларида ҳам халқимизнинг Азимбойга бўлган эҳтиромига кўп бора гувоҳ бўлганман.

Бугун Азим Суюн китоблари кириб бормаган гўша йўқ, десам хато қилмаган бўламан. Инсоннинг қадр-қиммати у эришган муваффақиятлар билангина эмас, унинг инсонийликка, ўз миллий қиёфасига ва ҳаётий эътиқодига нечоғлик содик қола олганлиги билан ҳам баҳоланади. Ана шу мезон асосида олиб қараганда, айтиш мумкинки, Азимбой аждодлари, шажараси анъана-удумларига, яқинларига, уни шоир қилган ва ижодий парвозларга ундан бетакрор табиатли қишлоғи, бир сўз билан айтганда, одамийликка содик қола олган инсон. Бешбармоқота чўққиларининг улуғвор салобати, Накуртсойнинг жўшқинлиги, қишлоқ одамларининг тўпори феъл-атвори Азим Суюн шахси билан уйғунашиб кетган. Унинг самимийлик билан сугорилган ижодигина эмас, шахсий характеристи, ҳар бир ҳаракати, ҳар бир сўзи тоф одамларини ёдга солади.

Эсимда, 1992 йилнинг кўкламида Азимбой она қишлоғига Ўзбекистон Қаҳрамони Эркин Воҳидов, Ўзбекистон халқ ёзувчиси Ўткир Ҳошимов, таниқли адабиётшунос ИброҳимFaфуров ва ёзувчи Дадаҳон Нурийларни бошлаб келди. Қишлоқ табиати, одамлар турмуш тарзи билан танишилгандан сўнг, дастурхон

355.

Эй дүст!

Дәхқон галла эккай - эккай адолат,
Униб чиқмоқлиги - роҳат-фарофат.
Үрмоқликини эгри ўроққа қолдир,
Тўғри қилич учун йўқ бунда ҳожат.

356.

Эй дүст!

Бўй етган қиз эмиш мартаба-амал,
Кўлдаги муз эмиш давлат-бойлик, мол.
Керилма! Бариси ташлаб кетармиш,
Кузги дарахтларнинг барглари мисол.

357.

Эй дүст!

Бу айтим жуда кўп эскидан қолғон:
Бургут билан чумчуқ дўстлиги ёлғон.
Тилло тошлар билан ётар қоришиқ,
Лекин кўр ҳам уни жратиб олғон.

358.

Эй дүст!

Эл ҳикматин жойладим дилга,
Сўзларимга ҳайрон турмагил:
Ўғлинг бўлса кулма ўғрига,
Қизинг бўлса гарга кулмагил.

359.

Эй дүст!

Бир қашқир, тишлари қолган қамашиб,
Ўтиб қолди бир кўй ёнидан сарсон.
Аммо кўй кўзлари қашқирга тушиб
Юраги ёрилиб жон берди шу он.

360.

Эй дүст!

Сўнгти кучин йиғиб қартайган бургут,
Халок этиши қояга уриб ўзни.
Нақадар гўзалдир бу ўлим - бу кут,
Гарчи даҳшатларга соладир бизни.



атрофида севимли шоиримиз Эркин Воҳидов тўлқинланиб гапира кетди: “Азимжон бир вақтлар ёшигина йигитча, пойтахтдаги адабий давраларда тез-тез кўриниб қолади. Зимдан кузатиб юрамиз. Кўкрагини кўтариб, хеч нарсага парво қимлай савлат билан юради. Биз эса буни ўзимизча тушуниб, “Бу йигитчанинг ё зари, ё зўри бор” қабилида ўйлаганимиз рост. Йўқ, ундан ёзмас экан. Азимжон оддий оиласнинг фарзанди, тоғ қишлоғида вояга етган очиқ кўнгилли йигит экан. Унинг баланд қояли тоғлари, соғ ҷашма-булоқлари, содик дўстлари ва ўзиҳек тантн ҳамқишлоқлари бор экан. Билсақ, у ана шуларга суюнган экан!”

Улуғ шоиримизнинг бу сўзлари дўстимнинг инсоний қиёфасига берилиган баҳо эди. Халқ орасида Азимбойнинг маълум ва машҳур бўлишига унинг одамоҳунлиги ва дилкашлиги ҳам сабаб бўлган бўлса ажаб ёмас.

Дўстимиз Азим Суюн туфайли мамлакатимизнинг кўпгина таникли кишилари қишлоғимиизга ташриф буюришган, тоғларимизни сайр этишган, булоқларимиздан қониб-қониб сув ичишган. Накуртсойда чўмилишган. Шоир ва ёзувчи Абдусаид Кўчимов номида булоқ борлигини айтсан, кўпчилик ишонмаслиги мумкин.

Дўстлик инсонларни ҳаммаслак қиласди, кишини хайрли ишларга ундаиди. Бундан тўрт йил муқаддам боғ барпо этиб, дўстимнинг эллик йиллиги шарафига унга “Боги Азим” деб ном бөрдим. Ҳозирда “Боги Азим”да 50 минг туп тоғ бодом, 1000 туп чучук бодом, 100 туп зардоли, 150 туп ток, 100 туп жийда кўчатлари парваришиланмокда. Аслини олганда, тоғ ёнбағирларида бодомдан бошқа мевали кўчатлар қўкариши қийин. Мен ўтқазган кўчатлар эса кун сайин бўй чўзмокда. Тоғ шабадаси тебранаётган ниҳоллар менга: “Дўстлик тарбиялаган фазилатлар, дўстлик ундирган ниҳоллар умри агадийдир. Яхши дўст инсонни камолотга элтади” дейяётгандек...

Энг қизиги, боғ яратилгандан кейин баланд тоғлардан бир гала какликлар тушиб келишиб, бу ерларда макон қуриши. Хар йили болалайди. Саҳар-мардонда: “Қоқибоғ-қоқибоғ, обод бўлсин “Азимбоғ...” - дегандек сайрагани-сайраган.

361.

Эй дўст!

Одам бош суюгига дуч келдим тогда,
Дедим: “Олисларда ётибсан нечун?”
Деди: “Мени қавмим овлаган овлоқда,
Сен каби тоғларни севганим учун”.

362.

Эй дўст!

Оқ тухумдан қора жўжа чиқиби, кўр,
Улкан филни митти сичқон йиқиби, кўр.
Ақлим етиб-етмас дунё ишларига,
Томчи тинмай ўз-ўзига кавлайди гўр.

363.

Эй дўст!

Элчилик, ажойиб эртаклар тўқир:
Бир касга “йўл кўрсат...” - дебди бир сўқир.
“Ҳамёним кўп-қуруқ” - бақириби у,
Каркулоқ экан-да бул шўрлик ахир.

364.

Эй дўст!

Каклик соддалигин айлайнин баён,
Қишида тулки уни қувлар беомон.
Учиб, қочиб қорга тиқар бошини,
Думи очиқ қолиб, ўлжа шу замон.

365.

Эй дўст!

Ҳар ёнда қаллоблик, алдов кўраман,
Мол-дунёга ўчлик бир зов кўраман.
О, ўзимникин кўрмайман, аммо,
Ўзгаларникини дарров кўраман.

366.

Эй дўст!

Сойдан балиқ тутар эди болакай,
“Нима қилаяпсаң...” - сўрадим атай.
“Балиқлар совқотиб қолиби, - деди, -
Уларни офтобда бир исинтирай”.

367.

Эй дўст!
Бир хурсанд қиласай деб ўз эгасини,
Соат илдамлатди юриш тусини.
О, буни кўрдии титради жон-тан, -
Деди: “Вақт-инсонга ягона душман!”

368.

Эй дўст!
Тарозига солиб айтдим ҳар бир сўзни,
Унутмадим кескир нигоҳ, ўткир кўзни.
Шамолларнинг ниятидан хабарим бор,
Тиконларнинг кўзларида кўрдим ўзни.

369.

Эй дўст!
Ҳар сезги-сезимга эрк берсанг агар,
Тубан майл-истак бўй берар тар-тар,
Руҳ - хаста олами билмас чегара,
Оқ-оппоқ сутда ҳам қон бор муқаррар.

370.

Эй дўст!
Бир нидо эшитдим мен кўкнинг қаъридан,
Бир пайт Ер чиқиб кетган ўз меҳваридан.
Ва тескари айланниб қолган, ишонгум,
Буни кўриб турибмиз башар феълидан.

371.

Эй дўст!
Куёш чиқар тоғлар оша мўралаб,
Айиқ балиқ тутар дарё оралаб.
Айиқ овчи эрур, овчиидир одам,
Фарқи: одам овлар иккисини ҳам.

372.

Эй дўст!
Мен битта ўловчи - саргузашталааб,



Дунёни айланниб юрибман... Ё раб, -
Ёшим юздан ошмас - ўтди миллиард йил,
Кўриб тургум ҳар кун кўзгуга қараб!

373.

Эй дўст!
Сал мизгиб қолибман овда бир замон,
Қошимга тез учеби тушди зағизон.
“Ҳа, ўғри” - дегандим, - “Боқ, ғофил...” - деди.
Қарасам, бир илон келар мен томон.

374.

Эй дўст!
Тинмай кавшанади тегирмон тоши,
На сўнгги бор унинг, на бордир боши.
Шоддигимга лоқайд гичирлар, ё раб,
На раҳмин келтирас кўзимнинг ёши.

375.

Эй дўст!
Илон йўлда ётар кучала бўлиб,
Дехқон босиб олди, шу - ўта туриб.
“Кўрмисан?..” - деб илон чақди дехқонни,
“Йўлда ётма!..” - дехқон чопди илонни.

376.

Эй дўст!
Табиатдан нусха олгайми инсон:
Кўрдим. Икки булоқ оқадир равон,
Бири совуқ жуда, бириси иссиқ
Ва лекин иккиси шундоқ ёнма-ён.

377.

Эй дўст!
Ўрмонлардан чиқиб келадир сўқмоқ,
Тоғларни оралаб еладир сўқмоқ.
Кимни кутиб олар, кимни кузатар,
Буни танҳо ўзи биладир сўқмоқ.

378.

Эй дўст!
Синчилик қил доим ўзинтга ўзинг,
Кўзингдан қочирма эну бўйингни.
Кўрдим кимсаларни, ичишиб тузинг,
Оtingни минарлар, ечар тўнингни.

379.

Эй дўст!
Тош устига дон сепдим, униб чиқди,
Чўғ устига сув сепдим, ёниб чиқди.
Нодон укамга минг бир ҳикмат айтдим,
Барчасидан у тониб-тониб чиқди.

380.

Эй дўст!
Файратинг зиёда, қайноқсан-қайноқ,
Орзиқиб манзилга шошасан, ёху,
Аммо ўз вақтида етасан қандоқ,
Ахир уловгинанг қари хўтиқ-ку.

381.

Эй дўст!
Рақибим кўплиги нечун, билмайман,
Жон дўстим камлиги нечун, билмайман.
Нимани билур, дўст, бу Азим Суюн,
Бас, эртан билурман, бугун билмайман.

382.

Эй дўст!
Бир дўстим қусурин кўрмадим кўриб,
Билмаганга олдим мен билиб туриб.
Қалинлашиб кетдик, хулоса шулки,
Айтаверсам, дўстсиз қолардим балки!

383.

Эй дўст!
ОДАМ ким? "О" - Одобдан эмиш,
"Д" - Диёнат - офтобдан эмиш.
"А" - Ахлоқ - устозлар айтмиш, -
"М" - Мехр-Муҳаббат - меҳробдан эмиш.

384.

Эй дўст!
Ҳар кун Шайхзода йўл бўйи бир кур
Чақа ташлар эди битта гадога.
Бир кун чўнтақ бўм-бўш... гадо тушмагур, -
"Ишлаш керак!.." - ёдиди Шайхзодага.

385.

Эй дўст!
Аёл қалби чексиз сирлар уммони,
Тугал билмоқ насиб бўлмагай они.
Гоҳо дур ахтарсанг, тош бўлиб чиқар,
Тош куттанингда дур тутар жони,

386.

Эй дўст!
Боғда айш устина ўтирган, эй дўст,
Кўкдаги булатни сўккандан кўра,
Унинг кўланкасин қадрини рост-руст,
Чўлда сурув сурган чўпондан сўра.

387.

Эй дўст!
Бир ҳолат: бир майса нозик тебранар,
Шудринг ялтирайди игна учидек.
Бир қизча қаршимда диркиллаб турар,
Менинг қучогумга нақ тўкилгудек.



ҲАВОИЙХОНЛИ

САҲИФАЛАСУН САҲИФАЛАСУН...

Курувчи пойдевор устига биринчи гиштни қийшиқ қўймаслиги керак бўлганидек, мумтоз адабиёт намуналарини нашрга тайёрлайдиган олим ҳам бирор сўзни хотўри ўқимаслиги зарур. Чунки у оддий котиб эмас, балки юз минглаб нусха учун таянч нусха тайёрловчи масъул олим. Уларнинг андак масъулиятсизлиги, андак лоқайдиги эса талай кўнгилсизликларга олиб келади. Шу ўринда биз икки матн хатосининг турли китобларга "саёхатини" кузатишга жазм этдик.

Машҳур текстолог, филология фанлари доктори профессор Ҳамид Сулаймонов Ҳусайн Бойқаро таҳрир қилган "Хазойинул маоний"нинг бир байтини қўйидагича кўчириган:

*Эй Навоий, гар вафосиз чиқти ул Султон Ҳусайн,
Топтинг элдинким тиларсен эмди султондин вафо.
(Хазойинул маоний. "Фавойид ул кибар" ЎзФАН Тошкент 1960).*

Халқаро Фирдавсий мукофотининг совриндори филология фанлари доктори профессор Шоислом Шомуҳамедов нашрга тайёрлаган "Алишер Навоий шеъриятидан" китобидан ўқиймиз:

*Эй Навоий, гар вафосиз чиқти ул Султон Ҳусайн,
Топтинг элдинким тиларсен эмди султондин вафо.
Китобнинг 1974 йил нашр этилганига аҳамият берасак, ўн тўрт йил орадан ўтиб ҳам олимлар бу байтнинг хатолигини ўйлаб кўрмабдилар...*

Бу байт 1989 йилда олим Пойн Равшановга шунчалик ёқсанки, у "Тарих бадиияти" номли китобининг 114-115 бетларида икки маротаба шу байтни такрорлайди:

*Эй Навоий, гар вафосиз чиқти ул Султон Ҳусайн,
Топтинг элдинким тиларсен эмди султондин вафо?
Орадан йигирма тўққиз йил ўтиб кетганда ҳам ҳеч ким бу байт ҳаққиатини билишга интилмади...*

Аср тугади. 2001 йилда "Шарқ юлдузи" журналида адаб Омон Мухторнинг Алишер Навоий ҳаётига бағишлиланган "Ишқ аҳли" романни эълон қилинди (2001 йил, №1). Муаллиф романда Алишер Навоий ва Ҳусайн Бойқаро муносабатлари жуда хотекис кечгани исботи сифатида яна бизга таниш байтга мурожаат этган.

*Эй Навоий, гар вафосиз чиқти ул Султон Ҳусайн,
Топтинг элдинким тиларсен эмди султондин вафо.*

Мазкур нашрлардан ташқари ўнга яқин адабиётшунослар мақола ва китобларида юқоридаги байтга муносабат билдириб, Алишер Навоий ҳақгўйлигини ва Ҳусайн Бойқаронинг вафосизлигини таъкидлаганлар...

Ваҳоланки, бизнингча тарих Ҳусайн Бойқаро ва Навоий дўстлигича чинакам садоқатни камдан-кам билади. Улар бир-бiri учун жон фидо қилишга тайёр тур-



ган дўёт эдилар. Ўша байтга мурожаат этган олимлар ақалли: “Наҳот Ҳусайн Бойқаро таҳир этган “Ҳазойинул мағний”да шунақа байт бўлса?” деган шубҳага бормадилармикан?

Тўгри, Ҳамид Сулаймонов мазкур ўқишидаги кўпол хатони ўзи сезган ва Алишер Навоий “Асарлар”ининг ўн беш жиллигининг тўртигинчи жилдида 1963 йилдаёқ бу байтни қуидагидек аслиятта мувофиқ вариантини эълон қўлган:

*Эй Навоий, гар вафосиз чиқти ул султони ҳусн,
Топтинг элдинким тиларсен эмди султондин вафо.*

Йирик олимларимизда илмга ёт бўлган бир “бағрикенглик” бор. Уларнинг нуқтаи назарича аввал китоб минглаб хатоликлар билан нашр этилади ва кейинги нашрларида бу хатоликлар тузатилиб борилаверади...

Юқоридаги хато байтнинг аччиқ тажрибаси ана шу улуғларимиз мулоҳазаларининг унча тўгри эмаслигини кўрсатади. Кузатдикки, эллик йил давомида минглаб ва ўн минглаб кишилар - китобхонлар Навоий ва Ҳусайн Бойқаро муносабатларини хато ўқилган тухмат байтга ишониб ҳал қилиб келдилар. Бу мақола ана шу байт таҳрорланишига хотима бўлади, деб ким кафолат бера олади?

Бу ҳақда сўз юритарканман, Алишер Навоий “Муқаммал асарлар тўплами”нинг ҳар бир жилдида 500 дан 2000 тагачага кетаётган нуқсонларни кўз олдимга келтирдиму... заҳматкаш нашрга тайёрловчиларимизнинг “саводхонлиги” кўнглимда фалати таажжуб уйғотди.

Энди иккинчи бир байт тақдирига қизиқиб кўрайлик. Энг машҳур матншуносимиз - филология фанлари доктори Порсохон Шамсиев нашрга тайёрлаган Алишер Навоийнинг “Ҳамса” асаридан (1960 йил Ўзбекистон Фанлар академияси нашриёти. Тошкент. 1960) бир байт иқтибос оламиз:

*Сидқ ила ургонда сало уммати,
Ояти “Каззобуна ло уммати” (92-бет)*

Шундай улуг устозимиз нашрларга ҳам биз шубҳаландик. Чунки бизнинг ақли қосиримизча “Қуръон” и каримда “Каззобуна ло уммати” деган оят йўқ. Балки бу фикрни Муҳаммад алайҳиссалом изҳор этгандар. Шунинг учун биз “Каззобуна ло уммати” гапини ҳадис деб ўйлаймиз. Хўш, “ояти” сўзи қаердан келди?

Алишер Навоий “Муқаммал асарлар тўплами”нинг еттинчи жилдига - яъни “Ҳайрат ул аброр” достони матнiga назар ташлашга уриндик. Чунки бу нусхани икки йирик навоийшунос олимларимиз, профессорлар: Абдулқодир Ҳайитметов ва Иброҳим Ҳаққуловлар “Ҳайрат ул аброр”нинг илмий танқидий матни асосида нашрга тайёрлаганлар:

*Сидқ ила ургонда сало уммати,
Ояти “Каззобуна ло уммати”*

“Ўзбекистон “Фан” нашриёти, Тошкент. 1991 йилда босилган ушбу китобнинг 208-бетидан матнни юқоридагида кўчирдик.

1960 йилги Порсохон домла нашрларидан бу байтнинг бирор ҳарфифа тафовут тополмадик. Наҳотки бу олимларимиз ҳам бу иккиликдаги “Каззобуна ло уммати” гапини оят деб ўйлаган бўлсалар?

Ўттиз бир йиллик муддатда бу байтни тўғри ўқиш имкони бўлмади.

Орадан бир аср ўтди. 2002 йилда бу байт Ўрта мактабларнинг тўққизинчи синфи дарслиги - “Адабиёт” (Тошкент, “Маънавият”, 2002 йил) китобига кириб келди:

Лотин ёзувидан ҳижжалаб кўчирамиз:

*Сидқ ила ургонда сало уммати,
Ояти “Каззобуна ло уммати” (34-бет)*

Оллоҳга минг қатла шукурки, байтнинг насрй баёни дарслик муаллифлари томонидан ўта тўғри талқин этилган: “Пайғамбаримиз умматларига қаратса, дил-дилдан “Ёлғончи умматим эмасдир”, дер эканлар...” (40-бет)

“Ҳайратул аброр” достонини кириллда нашрга тайёрлаган биринчи, иккинчи, учинчи ва тўртинчи олимларимиз матнни нотўғри ўқиганлар. Аслида филология фанлари доктори Порсохон Шамсиев “Ҳайрат ул аброр”нинг илмий танқидий матнида бу байтни эски ёзувда кўчиргандар-у, негадир ўқишида тўғри ўқимаганлар. Биз “Ҳайрат ул аброр”нинг Порсохон Шамсиев домла тайёрлаган илмий матнларидан бу байтни ҳижжалаб кўчиришга ҳаракат қиласиз:

*Сидқ ила ургонда сало уммати,
Ояти: “Каззобуна ло уммати”. (122-бет)*

Ушбу китоб эски ёзувда “Ўзбекистон “ФАН” нашиётида 1970 йилда нашр этилган.

Афсусланамизки, агар шу байт “Ҳамса”нинг 1960 йилги нашрида тўғри ўқилганда кейинги нусхаларда юқоридаги хато сурункасига такрорланиб кела бермас эди...

Биз икки байтнинг турли ѹйлардаги нашри қисмати устида тўхталиб ўтдик. Ҳолбуки, бундай байтларни Алишер Навоий ижоди бўйлаб кузатадиган бўлсан бир неча минг, мумтоз адабиётимиз бўйлаб бузилган байтларни тизсак юз минг байтдан ошган бўлур эди...

Бу беор арифметик ҳисоблар... минг таассуфки, бизнинг, ўзбек олимларининг ўз мумтоз адабиёти матнини яхшироқ идрок қила олмаётганинг аянчли хужжатларидир.

Матншунослик ҳақидаги ҳар бир бизнинг мақоламиз XX аср охирларида раддиялар билан қабул қилинган ва камина раддияларга раддиялар ёзишга мажбур бўлганман.

Илоҳим истиқлод илми, истиқлод матнчилиги биз, ўзбек олимларининг, илмий матнчилигимизга, танслитерацияларимизга - эски ёзувдан кирилл ёки лотин ёзувига кўчиришимизда теран идрок ва саводлилик келтирсинг.

Бизнингча, мумтоз матнни хатолар билан нашр этиш маънавий жиноятдир. Чунки ҳар бир китобда мингта яқин нуқсонлар содир бўлмоқда. Биздаги нашр нусхаларининг минг-ён минг эканлигини ҳисобга олсан, шунча яроқсиз китоблар оммалаштирилади. Ваҳоланки, биргина нусхани бузган котиб ҳақида Алишер Навоий ёзадилар:

Фалат битир котиб бобида қалам сурмагу қорасининг фалатин юзига келтурмак:

*Фалон котиб ар хатни мундоқ ёзар,
Бу мансабдин ани қўпармоқ керак.
Юзин номасидек қаро айланбон,
Қаламдек бошин даги ёрмоқ керак.
Қародин қароға берибон улоқ,
Қаламравдин ани чиқармоқ керак.*

(“Фаройиб ус сиғар” девонининг 46-қитъаси).

Кўрдикки, биринчи гишт тўғри қўйилиши зарур. Асарнинг биринчи нашри матн нуқсонларисиз нашр қилинмаскан, кейин тузатилиши қийин. Бу нуқсон асрлар оша яшashi мумкин эмас...

Ваҳоб РАҲМОНОВ,
филология фанлари номзоди, доцент.

Баҳром РЎЗИМУҲАММАД

ИШКНИ НЕ ДЕЙДИЛАР она тилингда...

Паҳлавон Маҳмуд мақбағаси

қошиға

Бунда сукунатнинг шакли ўзгача,
Не сас-садо бор - жимликка қарам.
Хаёлу фикрдан, кулоқ, кўзгача
Ўзига тортади мовий мақбара.

Худди оҳанрабо, гардуни қадим
Асрлар шамоли этмаган дахл.
Қанча гуноҳ қилдим, қанча покландим,
Сенга интилганим ростдир муттасил.

Изоҳ ортиқчадир, ортиқчадир сўз,
Мен кимман: девона ва ёки ҳеч ким.
Зиёратга келдим букун, пўстиндўз -
Этигимни эмас, оёқни ечдим.

Кузак ифоро

Нима ҳам сарғайсин япроқдан бошқа -
Фасл такрорлайди ўйтган алпозин.
Кузак турибди-ку манглайи қашқа,
Сийраклашиб қолган қушлар парвози.

Парчаланиб кетди мовийлик бир зум,
Танни жунжиктирас қарға товуши.
Боши узра фасл кўтарар гурзи,
Сўнг эса бошланур куннинг совуши.


Қаҳратонни кутмоқ ундан-да баттар,
Кузак шамоллари тугаган жойда.
Лекин хазонларнинг ҳиди муаттар,
Хилма-хил бўйларга қоришиқ, бой-да...

Бўронларга буйруқ бермайди бирор,
Улар аввалгидек озод ва дайди.
Болалик исини шу кумуш қирор
Сенинг юрагингта қараб ҳайдайди.

Холат

Нега кайфиятинг ҳамиша тушкун,
Нега ҳасратларинг бирдир ҳамиша?
Сен нега қайгуният домига тушдинг,
Дилхунсан одамлар ичра, фариштам?

Алладими сени ҳаёт мароми,
Ёлғон толиқтириб қўйдими шундай?
Ўғирлаб олдими риё ороминг,
Кимлар ранжитдилар билмай, тушунмай?



Кўзларингда ахир ўзгача дунё,
Ки беҳишт боғлари сенга муносиб,
Рангларин сидириб чиқдими кун ё,
Үнга ҳошия бўлсин қошинг қароси.

Сенми бу оламга адашиб келган,
Нигоҳингда балқиб улкан ҳайронлиғ.
Мерос қолар бутқул бир гавро элга,
Дилни энтикириб кеттан айролиғ.

Илтижо

Мана мен келдим-ку, улуғ ҳалоскор,
Ўзим мезбондирман, ўзим мусофири.
Фақат юрагимда сўнгсиз ҳавас бор -
Қанийди сурини чалса Истрофи.

Ўликлар безовта. Тоқатлари ток,
Жуда кўпидир балки айтар гаплари.
Мулойим тортиби Шайтон ҳам ҳатто,
Бир жумла йўқ. Оппоқ аъмол дафтари.

Шундай таранглашар букун арафа,
Инсу жинс - барчаси турибди-ку шай.
Шаклингни кўрсатгил ҳамма тарафда,
Етар ёлғонларинг. Рост сўзингни айт!

Багишлов

Ҳали сенга айтар сўзларим талай,
Тўкилмай турибди ташбех оҳори.
Не деб овунтирай, не деб эркалай -
Ҳаммаси сенини. Кўнгилда бори.

Булбул ноласини шуътада чайиб
Бир хониши ясайми нафис ва шаффоғ.
Сўзга нўноқ бўлсан мендамикин айб,
Тилимга бир калом келмайди шу тоб.

Ахир, сенга маъқул гапга чечанлар,
Мендек хаёлкашга боқмайсан қиё.
Ранг олсами агар дилдан кечалар,
Шу тунга беҳиштни қилурлар қиёс.

Дув этиб тўкилса илоҳий жаранг,
Балки юрагингни шунда этур ром.
Хурлар ноғорасин қиздирав, қара,
Гўзаллик маъбуди айлайди хиром.

Фикрчан шеъриятимизнинг фаол вакили Баҳром Рўзимуҳаммаднинг бу шеърлари ижодий йўлида янгилашиш, анъанавий дейилиб бироз қалондимоғлик қилинадиган, аслида шарқ сўз санъатини қай бир жилосини ўзида кўрсатадиган бармоқдаги тўкилишлариридир. Шунда ҳам бу қоғиядош, оҳангдош сайдорлардан шоирнинг ўзига хос изланишлари, тасаввур топилмалари бизга ранго-ранг гулдасталар тутиб, тахайюлимизни мафтун этади, гўзал таассуротта чоғлайди. Шарқ шоирининг шарқона одимини муборакбод эттимиз келади.

Шеърият бўлими.

ЖОНЗОТЛАР — ЖОНДОШЛАРИМIZ

(Нормурод НОРҚОБИЛОВнинг «Овл оралаган бўри» қиссасини ўқиб)

Истебодли ёзувчи Нормурод Норқобиловнинг аксарият қисса ва ҳикояларида ҳам ҳайвонот дунёсининг гаройиб сирсиноатларини кўрсатишга дадил интилиш сезилади. Айниқса, адабнинг “Овл оралаган бўри”, “Чанталзор ити”, “Тоғ одами” қиссаларида унинг табиатсеварлиги, ҳайвонларнинг савқи табиий ҳаракатлари билан инсон руҳий дунёси ўргасида дафъатан англари қийин бўлган сирли боғланиш борлигини очишина хуш кўриш яққол сезилади. Нормурод Норқобилов асарлари ўзининг мана шу жиҳати билан бошқа изодкорларнинг асарларидан ажralиб туради. У худди жонзотлар билан изма-из, ёнма-ён юргандай, уларнинг ҳар бир хатти-ҳаракатини бир зум кўздан қочирмасдан синчковлик билан кузатид бораётгандай, бўрилар, итларнинг ички истак-ҳошиларини билиб тургандай ёзади.

Жаҳон адабиётидаги ҳайвонлар тўғрисидаги мумтоз асарларда жонзотларнинг бир-бирига садоқати, улар ҳам хиёнатни кечирмаслигини кўрсатишга алоҳида аҳамият берилади. Бу билан, биринчидан, ҳалоллик, садоқат туйғуси барча жонзотлар учун қадрли, ардокли экани таъкидланса, иккинчидан, одамлар билан ҳайвонлар ейиш-ичиши, насл-зурриёт қолдириш борасидагина эмас, оила тартиб-йўрги бобига ҳам бир олам эканлигига ўтибор қаратилади. Нормурод Норқобиловнинг “Овл оралаган бўри” қиссасида арлони бўри Чўнгкалла билан Оқёлнинг кечмиш-кечирмишлари ҳикоя қилинади. Ёзувчи бўриларнинг ўзига хос яшаш тарзини бадиий гавдалантириш орқали Чўнгкалла ва Оқёл ўртасидаги муносабат ва садоқатни, арлони бўрининг ўз жуфти учун жонини тикиб, хавф-хатарга қарши борганини маҳорат билан гавдалантиради. Қиссанинг бошланишида “жониворлар то шеригининг жонсиз жасадига дуч келмагунча жудоликка ишонишмайди” дейилади ва бу ҳақиқат арлони бўри Чўнгкалланинг қопқонга тушган ўз жуфти Оқёлни излаб тошида кечирган воқеалари орқали кўрсатиб берилади.

“Овл оралаган бўри” қиссасини ўқиётганида ўзувчи арлони бўри Чўнгкаллани аниқ кўриб тургандай, унинг ҳолатларини худди ёнида туриб сезгандай бўлади. Чунки ёзувчи уни Чўнгкалла билан изма-из “олиб юради”. Арлони бўрининг ўз жуфтини излаб кезган манзиллари манзараси, у дуч келган нарса-ҳодисалар кўринишини аниқ тасвиirlab кўрсатади. Шу туфайли қиссани мутолаа қилиш Оқёлни излаб, дала-қирларни, Салом мерган қишлоғи атрофидаги паст-бalandliklарни, у истиқомат қиласидан ҳовлидаги бостирма теварагини минг бир хавотири таҳлика ичиди кезиб юрган Чўнгкалла тўғрисидаги кинофильмни кўриб тургандай тасавvur уйғотади: “Чўнгкалла қизиқиши ва хавотир билан майдончани синчков кўздан кечираркан, милтиқ дори ҳидини түйди. Димоги қичишиб, қаттиқ пишқирди. Майдончанинг қай бир бурицида, кор тагида ётган бўш гилза унлаги хавотирни кучайтирган бўлса-да, ортига қайтишини хаёлига келтирмади. Қайтамга жағларини ярим очиб, аста ириллади. Ириллашида газабдан кўра таажжуб оҳангиди кучлироқ эди. Шўрлик арлони бўри шубҳали ҳидлар ва чалкаш излар қаршишида тант аҳволда қолганди. У қанчалик ақлини зийрak бўлmasin, Оқёлнинг ялангликда қопқонга тушгани, қопқонга маҳкамланган занжир учидаги гўлани Беватепагача судраб келиб, оқибат Салом мерганинг ўқига дучор бўлганини, турган гап, тўла идрок этмоқдан ожиз эди. Кор бетидаги қоп, ҳаводаги турли ҳидлар ноҳуш ҳолатни англатса-да, аммо бу ҳали ўлим дегани эмасди. Оқёл қай тарзда аразлаб кетган бўлса, шу созда даланинг бирор буржидан тўсатдан кўриниши беришидан ҳануз умидвор эди”.

Нормурод Норқобилов қиссаларида одамларга хос нафс, иззатталаблик, адоват, ҳадисираш, кўркув, мөхр-оқибат каби хусусиятлар жонзотларда ҳам мавжудлигини кўрсатишга алоҳида ўтибор берилади. Ҳайвонлар ўртасидаги алоқа, муносабатларда ҳам одамлар турмуш тарзига хос мезонлар қадрланиши кўрсатилиши эса ёзувчи асарларига қизиқишини

янада оширади. “Овл оралаган бўри” қиссасида Чўнгкалланинг ўз жуфтини излаши йўлидаги интилишлари ёритилгани ҳолда, Оқёлнинг фалокатга учрашига ўзининг феълидаги баъзи хусусиятлари ҳам сабабчи бўлгани қўйидаги тарзда изоҳланади: “Оқёл хийлагина тантиқ эди. Айни шу феъли етди унинг бошига. Кеча тунда у яна ўз бошига дайдиб кетди. Чўнгкалла иддао қилиб, дайдимоқни одат қилиб олганди. Чўнгкалла Яғиркиргача унга эргашиб келди-да, бирдан арази тутиб қолди: ‘Қачонгача изингдан ялинниб юраман!’ Тантиқ бўри унга ўтибор бермай пастга энади. Чўнгкалла қир тепасида қолади”.

Одамлар ўртасида намоён бўладиган рақобат, аламзадалик, ўч-интиқом олиш истаги жонзотлараро муносабатларда ҳам мавжудлигини сабаблари билан асослаган ҳолда, ёзувчи бу тарзда кўрсатади: “Қўшни тўдадаги урочи бўри — Узунтумшуққа илакишидан Оқёлнинг олдида ўзини айборор санамасди у. Шунчаки тўдабоши Чаноқдан ўчини олганди. Нимага деганда, кўнглидаги адоват ҳали эскириб ултурман, яни иккى ийл бурун тўдадан шармандаларча кувилганидан ҳали-ҳануз қаҳру газабда келарди... Бирок Оқёл уни кечирмади. Аввалига бир майдон юмма талади. Сўнг юз ўтириди. Чўнгкалла адоват майлига бўйсуниб, бу ишга қўл урганини англашга бехуда уринди. Оқёл тушунмоқни хаёлига ҳам келтирмади. Ортидан ялинтириб юраверди. Кеча тунда Чўнгкалланинг ялинини аразга айланганига парво ҳам қилмади”.

Ёзувчи жонзотлараро муносабатларни одамларнинг ахлоқ, тушунча мезонлари асосида гавдалантириш билан чекланмайди. У айrim ўринларда одамлар билан жонзотлар хатти-ҳаракатини бевосита қиёслаб ҳам беради. “Агар кузатган бўлсангиз, хонаки итларнинг тинимсиз акиллаши жўн кишиларнинг бехуда гиди-бидисига ўхшайди. Худди акиллашдек, гиди-бидида на маъно бор, на манти. Зўр итлар эса акиллашни уччалик хуш кўрмайди. Тунлари кам-кам хуради, гоҳида чўзиб-чўзиб увлайди. Айни мана шу нидода қадимий аждодларининг кўхна қўшиги мавжуд. Итлар куйлайди. Лекин ҳаммаси ҳам эмас. Куйлаш учун унинг зуваласи бошқачароқ узилган бўлиши лозим”.

Нормурод Норқобилов жонзотлар яшаш тарзини, хатти-ҳаракатини жуда нозик қузатишлар асосида нуктадонлик билан тасвиirlab берса-да, жонзотлар билан одамлар муносабатини кўрсатишида айrim ўринларда китобийликка йўл кўяди.

“Овл оралаган бўри” қиссаси якуннида Чўнгкалладай сезигир жониворнинг қаватига ўқланган милитигини кўйиб Оқёлнинг жонсиз танаси олдида ухлаб ётган Салом мерганни сезмаслиги, Чўнгкалланинг “қочаётib, панжаси билан унинг (яни, Салом мерганинг) бетини тирнаб ўтгани”, Салом мерганинг тусмоллаб бўшатган ўқи Чўнгкалла теккани, бўрининг анча йўл босиб, шу туфайли жони узилгани унчалик ишонтиримайди. Чунки қиссада Чўнгкалланинг димоги темир ва одам ҳидини “ярим чақиримдан ҳам илғашга қодирлиги” таъкидланади. Қисса бошида “Қопқон юлун тагига кўйилган” дейилади. Сўнг “У қанчалик ақлини зийрak бўлмасин, Оқёлнинг ялангликда қопқонга тушгани-ю, қопқонга маҳкамланган занжир учидаги гўлани Беватепагача судраб келиб, оқибат Салом мерганинг ўқига дучор бўлганини, турган гап, тўла идрок этмоқдан ожиз эди” дея изоҳ берилади, бу мантиқа мувофиқ келмайди. Чунки “яланглик” деганда ҳеч нарса (демак, юлғун ҳам) ўсмаган, очиқ жой тушунилади.

Аммо бу каби камчиликлар “Овл оралаган бўри” қиссасининг қизиқарли ва ўқишли бўлишига “соя” сололмайди. Нормурод Норқобилов бу асари орқали ўкувчиларнинг жонзотлар жондошларимиз эканлиги тўғрисидаги тасавvurуни бойитади.

Саидә ЁМФИРОВА

Ориф ТҮХТАШ**ХОЛАМ**

Кишлоқда туғилдим, қишлоқда ўсдим,
Кишлоқда танидим оқу қорани.
Кишлоқ эди менинг энг яқин дүстим,
Очиқ қилиб кетар бўлдим орани.

- Яхши қол азизим, хайр-хўш энди, -
Шундай хитоб қилдим кетарим олди.
Билмадим, у мени қандай тушунди? -
Узоқ ўйга ботиб, кузатиб қолди.

Изимдан эргашди анча йўлгача,
Бир сўз айтмоқчидай бўлди-ю лекин -
Қаради, қарорим қатъий, ўзгача,
Хўрсиниб, ортига қайтди у секин.

Олисдан кўзида ёшлиар кўринди,
Бу ҳам бир айрилик сабоқлари-да!
Кентман, деб керилган тошлар кўринди,
Орзумнинг олис бир адокларида.

Сўнги бор қарадим ортимга ногоҳ,
Йўллар ўз ҳолича - йўлдай турарди,
...Икки қир ён-багри жойлашган қишлоқ -
Дуога очилган қўлдай турарди.

ИШТИЁҚ

Рўмолчамни мен бутун кўз ёшга чайдим,
Ҳасратимни келинг, сизга айтай, она.
Авваллари бошқа эдим, бошқачайдим,
Дуо қилинг, мен ўзимга қайтай, она!

Нимадандир юрак-багрим эзилади,
Теграм аро турфа хаёл кезинади,
Аввалимнинг ўрни ёмон сезилади,
Дуо қилинг, гул рўзимга қайтай, она!

Суянчигим сен, дедингиз, сүёлмадим,
Олисларга кетар бўлдим, уялмадим,
Йўл юрдим-у, ортга қараб қўёлмадим,
Дуо қилинг, ўз изимга қайтай, она!

Ҳеч курса бир ҳол сўрашга эриндим-а,
Шоирман, деб давраларда керилдим-а,
Бир сўзингиз олдида бор шеърим нима?!

Дуо қилинг, ҳақ сўзимга қайтай, она!

Омонлигим сўрови бор кўнглингизда,
Лек оқибат йўқ экан мен - ўғлингизда,
Шоирман-у, шеърим йўқ сиз тўғрингизда,
Дуо қилинг, мен изнга қайтай, она!

Оналарнинг дусини вожиб дерлар,
Ёнингизда туриб, ёзб юрай шеърлар,
Унут бўлмай ортида тонг отган қирлар,
Дуо қилинг, кундузимга қайтай, она!

Ха, қишлоқни соғинганман ва Сизларни,
Бағрингизга босганингиз чоф - исларни,
Ховлимизни, томқизғалдоқ, ялпизларни...
Соғинчим мўл, қай бирини айтай она?

Дуо қилинг, Илдизимга қайтай, она!

ИШК БАЛЛАДАСИ

Мен дарахтман.
Қўлларим - новда -
Худди чинор каби мевасиз.
Боролмайман, пойим тушовда,
Сиз-чи, эркинликни севасиз.



Сенинг исмингни айтдим – томдаги қизғалдоқка

Кушдай озод парвозлар қилиб,
Қўлларимга келиб кўнмайсиз.
Япроқ ёзб, пардоzlар қилиб -
Ёнингизга бормоқ ўнгайсиз.

Илдизимни сууриб ердан,
Қадамимдан сочилиб тупроқ -
Чора истаб, бораар бўлсан ҳам,
Дейсиз, йўқ-ку сизда ҳеч япроқ?! -

О, бу сўзлар қийнайди такрор,
Лойқаланар тегра - атрофим.
Дейман: менда битта япроқ бор,
Юрагимдир ўша япрорим!



Кўп тўфонлар кўрсатди кучин,
Юлқиландим, роса таландим.
Аммо сизга тухфалик учун -
Битта япроқ сақлаб қололдим.


- Хўш?! -
Отасиз савол нигоҳлар, -
Нима бўлти?
Не қилиш керак? -
Мен сўзласам юрагим оҳлар,
Мен оҳ урсам сўзлайди юрак:

- Сиз баҳтга ёр бўлинг, илоҳим!
Изингиздан тоълегул унсин.
Аммо...
менинг сўнги япрорим -
Кўлларингиз билан юлинсин!

- Куттанингиз шуми? -
Жилмайиб, -
Кўксим ёриб, қўлни соласиз.
... Мен ҳам баҳтли!
Чунки билмайман -
Кўчоғимга кириб борасиз!

Азоб билан роҳат бирлашар,
О, азизам, ҳис қилдингизми?!
Белингизга қўлим чирмашар,
Қайтиб қўйиб юбормас Сизни!

Тандан руҳим чиқар отилиб,
Мағрур туриб, берадирман жон.
...Мендан кетолмайсиз, қотилим,
Ахир
Сизнинг
Кўлларингиз
Кон!



Сенга бевосита дарслар берган азиз домлаю мударрислардан ташқари, ўз билим дунёси ёки китоблари орқали зеҳнингга кучли таъсир ўтказган инсонлар ҳам бўлади. Шундай сиймолардан бири - ҳақиқий донишманд олим Иззат Султондир. У кишининг "Адабиёт назарияси" китоби ёшликтаги билимларимиз сарчашмаси бўлганлиги ҳеч кимга сир эмас. Тўқсон ёшга етганида ҳам домла ижодий иш билан банд бўлдилар. Шу ўринда Иззат ака билан бўлган сўнгги учрашувимизни тилга олгим келади. 1999 йил. Августнинг охирги кунлари. Поликлиникамизга борган эдим. Кенг йўлакдаги ўриндиқ - ором курсиларидан бирида хаёл суриб ўтирасам: "Ёш йигитчаларга ким кўйибди шифохоналарда юришни!" деган гапни эшитдим. Қарасам, Иззат ака. Сакраб ўрнимдан туриб, саломлашдим. Бир неча лаҳза ижодий мавзуда сухбатлашдик. Ушбу сухбат мазмунини "Кундаликлар" имдан айнан кўчираман:

- Ҳозир столим устида иккита пьеса бор. Ёзиб бўлинган, - дейди тўқсон ёшли адиб, - биттасини Ҳамза театрига берган эдим. Ёкубжон Аҳмедов (директор)нинг юраги довламай турибди. Ойлани сақлаб қолиш муаммоси кўтарилиган. Пахта иши билан ноҳақ қамалиб кетган одамнинг аёли гўё бошқа бир киши билан "юриб" кетади. Эри, ниҳоят, азоблардан қутулиб қайтади. Қайтиб келиб кўрсаки, аҳвол шунаقا. Хўш, нима қилиш керак? Оила бузилиб кетсинми ёки уни сақлаб қолиш керакми? Шу саволларга жавоб берганман. Иккинчи пьесам юз эллик сахифа атрофида, "Гулистан" журнали қабул қилиб олди, насиб бўлса, ўқирсиз. Ҳозирги куннинг гаплари, муамолари. Уни фақат қисқартириб саҳналаштириш мумкин. Келаси йил тўқсон ёшга тўламан. Энг ками уч жилдлик асарларим жамланиб қўйилган. "Шарқ" нашриёти билан гаплашиб турибмиз...

Домла ёзган янги асарлар мазмуни ва бадиий даражасидан хабардор эмасман, албатта, чамаси "Ёшлик" журнали чоп этаётган ушбу "Янги одамлар" драмаси ҳам Иззат домланинг ўша кунларда қоралаган бадиий асарларидан бири бўлса керак деб ўйлайман, лекин ҳайратга солувчи нарса, ёпирай, 90 ёшли, кичик жуссали бу инсондаги файрат, яшашга ташниалик ва умидворликнинг сўнгизлиги...

- Иззат ака, Сиз XX асрни деярли мукаммал кўриб келяпсиз. Агар хотира китоби ёзсангиз, Илья Эренбург ёки Садриддин Айний асарлариdek қимматбаҳо китоб бўларди-да, - дейман.

- Мен бу ишни бошлаб, анча-мунча ёзиб ҳам кўйганман, - дейди домла, - буни поёнига етказиш керак. Агар биз ўз асримиз қандай бўлганлигини ёзиб қолдирмасак, бу ишни ким қиласи? Мураккаб замоннинг сувратини ҳар биримиз ўз имкониятимизча чизиб қолдиришимиз шарт. Хўш, ўзингиз-чи, ўзингиз, - дейди Иззат ака, - нималар қилляпсиз ҳозир?

Озгина ўз ишларимдан гапириб берган ҳам бўлдим.

- Сиз ёшсиз, кўп ишлар қилишингиз керак, - дейди домла. Мени ўзларига нисбатан ўш деб ўйлайдилар-да, албатта. - "Адабиёт назарияси" китобимни қайта ишланган тарзда нашр эттириш ниятим бор. Ҳозир шу ҳақда ўйлайман, дейди ва бирдан "Сиз янги бир опера либреттоси, тўғриғи, шеърий драма ёзганингиздан хабарим бор, газеталардан ўқидим. "Ал-Фарғоний"даги асосий мотивларни, ёхуд Шайх Санъон тақдирига ўхшаш ҳолатни нима асосида ёздингиз, деб бирма-бир сўрайди... Умуман олганда, бу сухбатдан кўп маънолар уққандай бўламан.

Шундай хаёллар билан уйга қайтсан, кечкурун телефон кўнғироғи жиринглаб қолди. Ўзбекистон халқ артисти Гавҳар Раҳимова сўзлаятилар: - Ассалом. Яхшимисиз? Юрибсизми от ўйнатиб? Менми, худога шукур, яхшиман, ёшларга янги ракслар ўргатяпман, шеър ҳам ёздим. Фалон-фalon ташкилотларга боришим керак. Ўлгир оёғим оғрияпти-да, ҳа, майли, ўтиб кетар. Энди нимаям бўлардик, беш минути кам тўқсонни уриб кўйдик. Тўқсон ёшнинг биқингинасида туриб, шундай бўляптию ҳали қариганимда нима бўлади, деб ҳазиллашди опа, қах-қах уриб...

Бир пасдан сўнг улкан тилшунос олим, 90 ёшли Отақўзи ака Азизов ҳам худди олдиндан келишиб қўйгандай телефон қилиб қолдилар.

- Мулло Жуманиёз, бу улфатчилигимиз нима бўляпти? Анча соғинишиб қолдик-ку. Мени чақириш эсларингдан чиқмасин.

Ана шунаقا... Мен бу кунни - "90 ёшлилар билан сухбат" деб ёзиб кўйдим кундалигимга. Чунки бундай мулоқотларни атайлаб ҳам уюшириб бўлмайди. Бу ҳам худойимнинг улуғ бир неъмати.

Гапнинг равиши шундаки, бу азиз инсонлар ҳам ҳаёт йўлидаги устозларимдир. Худога минг шукурларки, шундай ажойиб инсонларни кўп учратди менга.

Жуманиёз ЖАББОРОВ,
Ўзбекистон халқ шоори.

Иzzat СУЛТОН

ЯНГИ ОДАМЛАР

Драма

ИШТИРОК ЭТУВЧИЛАР:

МУЗАФФАР ОТА

ДИЛБАР

АЗАМАТ

САЙДЖОН

ОЗОДА

МУАТТАР

АКБАР

Озоданинг бир неча танишлари ва қўшнилари.

Воқеа Тошкент атрофидаги баҳор кунларида бўлиб ўтади.

БИРИНЧИ ПАРДА

Биринчи қўриниш

Парда очилмасдан илгари “Тоҳир ва Зуҳра” фильмидаги машҳур “Отмагай тонг” қўшиги жаранглайди. Аслида икки кишига мўлжалланган бу дуэт бу гал ёш қизнинг якка ижросида жаранглар экан, аллақандай гарифлик ва хазинлик руҳи билан сугорилган. Унда кутиш ва соғиниш ҳисси устун.

Шу қўшиқ фонида уч маротаба парда очилади. Биринчи гал очилганда кўз ўнгимизда ёзув намоён бўлади:

Чаманзорнинг ичидаги мен сени кўриб қолдим,
Кўрмасам бўлар экан, ишқингда куйиб қолдим.

Иккинчи гал парда очилганда, бошқа ёзув намоён бўлади:
Мұхаббат ногаҳон келади.

(Француз мақоли)

Парда учинчи маротаба очилади. Тошкент атрофидаги боғдорлар маҳалласидаги хонадонлардан бирининг эшик олди. Бу ердан кўча ўтади. “Отмагай тонг” қўшиги давом этади. Кўшиқ шу хонадоннинг деворлари орқасидан айтилмоқда.

Эшик олдида кўшиқка завқ билан қулоқ солиб Азамат туриди. Эрталаб.

Кўшиқ тамом бўлди. Бир дақиқадан сўнг эшикнинг нариги томонидан шарпа эшитилди. Кимдир эшикни очишига уринимоқда. Азамат ўзини панага олади. Ичкаридан Дилбар чиқади. Киз ҳойнаҳои эшик олдини супуриш учун чиқсан. Кўлларида сув тўла челак ва супурги. Азамат бу кутимаган учрашувдан жуда мамнун. Дилбар кўчага сув сепиб, супура бошларкан, Азамат қизга яқинроқ келиб, уни кузатишда давом этади. Дилбарни кузатган сари йигитнинг завқи орта бо-

ради. Узоқдан булбул чақ-чақи эшитилади. Азамат унга қулоқ солиб, ўзига ўзи баҳтиёрони илжаяди. Дилбар ўз ишини тутишиб, “Отмагай тонг” қўшигини секин-секин, хиргойи қилиб, ичкарига кириб эшикни бекитаркан, Азамат қизнинг гўзаллигидан ҳайратда узоқ жим қолади. Унинг қувончи ичида сифмайди.

АЗАМАТ. Ё Оллоҳ! Агар отам айтган қиз шу бўладиган бўлса... Йўқ, йўқ, бу бўлмаса керак! (Узоқдан бирор келётганинг кўриб, кўчанинг ўттарогига тушади. Музаффар ота пайдо бўлади. У ўз ўйлари билан банд, Азаматта эътибор бермай ўтар экан, йигит атаят, томоқ қириб, уни тўхтатади.) Ассалому алайкум, ота!

МУЗАФФАР. Ва алайкум. (Нотаниш йигит унда қизиқиши ўйготиб, Азаматни бош-оёқ кўздан кечиради).

АЗАМАТ. Кечирасиз. Академик Йўлдош Комиловнинг боғи шу бўладими?

МУЗАФФАР. Ҳа, раҳматликнинг боғи шу... Сени са-ал танимай турибман-а?

АЗАМАТ. Мен мусоффирман. Узоқдан келганман.

МУЗАФФАР (ажабланиб). Узоқдан?!

АЗАМАТ. Сурхондан.

МУЗАФФАР. Сурхондарёдан, дегин.

АЗАМАТ. Ҳа, ўша томонлардаги бир қишлоқдан... Сиз бу ердаги боғдорлардан бўлсангиз керак.

МУЗАФФАР. Ҳа, мен ҳам боғдорман. Богдорлар жамоасининг оқсоқолиман.

АЗАМАТ. (Аллақандай умидвор). Ундей бўлса, менинг отам билан таниш бўлсангиз керак.

МУЗАФФАР. Қандай қилиб?

АЗАМАТ. Отам шу атрофидаги амалдорларнида икки ой ишлаб кетган эди.

МУЗАФФАР. Отанг боғбонми?

АЗАМАТ. Йўқ. Отам муаллим. Аммо бу ерда мардикорлик қилган, уй куришган.

МУЗАФФАР. Сурхондарёдан Тошкентта келиб-а?

АЗАМАТ. Шундай.

МУЗАФФАР. Тирикчилик, дегин.

АЗАМАТ. Тирикчилик... Сиз отамни учратган бўлсангиз керак.

МУЗАФФАР. Мен кунда шундаман. Аммо афсуски, Сурхондарёдан Тошкентта келиб, бу ерда мардикорлик қилган муаллимга дуч келмабман. (Эслашга тиришиб.) Ҳар ҳолда

ЗАМОНДОШЛАР ТАЛҚИНИ

Иzzat Султон “Янги одамлар” драмасида биргина севги йўналишига эътибор бериш билан персонажларнинг ҳаракат фаолияти орқали бош қаҳрамоннинг ўзига хос томонларини очишига ҳаракат қиласади. Драмада Азаматнинг иш фаолияти ҳақида бирорта сўз киритилмагани ҳолда, унинг ажойиб, барк-арор характерга эга бўлган, самимий, доно ва шу билан бирга, ҳайрон қоларли даражада камтарин одам сифатида кўринади. Ўзига ўзи совчи бўлиб, Дилбарнинг уйига келган Азаматни довдир, қишлоқи бир йигит сифатида қарши олишса-да, унинг ҳаракатларини кузатган Озода опа камсухан, камтар йигит сифатида тан олганини кўрамиз. Қалбида Дилбарга нисбатан заррача севги бўлмаган, балки “академикнинг невараси” бўлганлиги учун унга уйланмоқчи бўлган Акбар нияти амалга ошмаслигини билгач, собик курсдошининг муваффакиятларидан яхши хабардор бўлса-да, Азаматни “чайқовчи” атаб, қизнинг иккиланишига сабабчи бўлади. Қизнинг бу ҳолати эса пулдорларни ёмон кўриши, улар-

шундай учрашув эсимда йўқ... Сен ҳам мардикорлик қилишга келдингми, болам.

АЗАМАТ. (бош чайқаб). Йўқ. Менинг ишим... чигалроқ, МУЗАФФАР. Чигалроқ!?

АЗАМАТ. Жиддий, демоқчиман.

МУЗАФФАР. (Йигитни кўздан кечиради. Унда Азаматга нисбатан хайрихоълик ҳисси уйгонади.) Мабодо... биздан маслаҳат керак эмасми, ишқилиб? (Азамат ўйланиб, жим қолади.) Айта бер! Тортинма!

АЗАМАТ. Маслаҳат-ку кераг-а, аммо сиз отам билан таниш бўлмасангиз, бекордан бекорга сизнинг бошингизни қотиришига не ҳожат?

МУЗАФФАР. Ихтиёринг, болам. (Кетади. Азамат яна ҳайрон туриб қолади. Ичкаридан шарпа эштилиди. Кимдир эшикни очиб чиқиш ҳаракатида. Эшик очилиб, Дилбар чиқади. У эшик олдиаги шовур-шувуруни эштиби чиқсан. Ўзини дарров панага олган Азамат уни узоқдан кузатади. Дилбар атрофда ҳеч ким йўқлигига ҳайрон бўлиб, анча туриб қолади. Азамат ундан кўзини ололмай, маҳлиё бўлиб тикилади. Дилбар ичкарига қайтади. Эшик ёпилади. Азамат энди аллақандай ваҳимада).

АЗАМАТ. Отам “осилсант баланд дорга осил” деган эдилар. Дор эмас, осмондаги юлдуз-ку бу қиз! (Ўйланиб туриб, пешонасига муштлайди). Нега гангиб қолдинг, нодон! “Ол баҳтингни, йигит!” деяпти сенга Парвардигоринг. Бўш келма, Азамат! Баҳтинг учун кураш!

МУЗАФФАР. (Қайтади. Афт-антогрида таажжуб аломатлари) И-е! Сен ҳали ҳам шу ердамисан, болам.

АЗАМАТ. (Ўзига келиб, хижолат). Ҳозир кетаман. (Аммо унинг сира кеттиси йўқ. У ҳамон жойидан жилмайди. Музффар энди уни астойди, синчилкаб ўрганиди. Азамат унга яна ҳам кўпроқ ёқади. Азамат ўзининг бу ерда қолиб кетаёттанига баҳона ахтариб, жим қолади. Унинг кўзлари Комилов уйининг нураг кетган деворларига тушади. Шу деворларига ишора қилиб гапиради). Академикнинг боги ҳароб-ку! А?

МУЗАФФАР. Ҳа. Ичкариси ободроқ. Комиловнинг қизи уни анча эпақага келтириб кўйган! (Йигитни яна ҳам синчилкаб кўздан кечиради. Азамат унга борган сари ортиқроқ ёқади. Азамат эса афсус билан боғ деворларига тикилишда давом этади). Агар мен адашмасам, сен шу ҳароб боғни обод этиш ниятиласан.

АЗАМАТ. (Ўйлаб туриб, жавоб топганига хурсанд). Бу - менинг отамнинг топшириги. Мен энди отам топширигини тезроқ адо этиш иштиёқида ёнман.

МУЗАФФАР. Бу гапингга қараганда, отангнинг топшириги бежиз эмас. Отангнинг бошқа нияти ҳам бўлса керак.

АЗАМАТ. Зийрак экансиз, ота. Отамнинг шу хонадон билан қариндошлиқ қилиш нияти бор.

МУЗАФФАР. Яъни?

АЗАМАТ. Отамнинг фикрича, шу хонадондаги бир қиз билан мен бир-биримизга жуда мос эмишмиз. Ҳатто иккализм бир-биримиз учун туғилган эмишмиз.

МУЗАФФАР. Отангнинг фолбинлик касби ҳам бор экан-

да, йигит?

АЗАМАТ. Қайдам? Отам шу қизни келин қилишни ҳавас этиби. “Ҳавасга айб йўқ” эмиш.

МУЗАФФАР. Отангнинг гапида жон бор, Инсон ҳавасиз, орзусиз, умидсиз яшай олмайди.

АЗАМАТ. Орзумга, умидимга мен энди қандай етаман? Мен шунга ҳайронман.

МУЗАФФАР. Отанг сенга мушкул топшириқ берибди-ку, бу ишни қандай бошлашни ўргатмабди-да.

АЗАМАТ. Отам менга ишонган бўлсалар керак. Мен эса... (елка қисиб, ожизлик ва афсус изҳор этади). Айтинг, ота. Ишни нимадан бошламоқ керак?

МУЗАФФАР. Ишни онасидан бошламоқ керак. Муроду мақсадинг йўлида мен сенга омад тилайман. (Кета бошлайди).

АЗАМАТ. Маслаҳатингиз учун, тилагингиз учун минг бор миннатдорман, отахон!

МУЗАФФАР. Миннатдорлигингни иккаламизни дуч этган Парвардигорга изҳор эт, болам. (Кетади).

(Азамат бир оз иккиланиб турғач, эшик кўнғирофини босади. Ичкаридан кўнғироқ саси эштилади. Азаматнинг ҳаяжони ортаверади. Эшик очилади. Остонада - Озода. У нотанини одамни жим кузатади. Азамат ўзига керакли кишига дуч келганини тушуниб, жуда хурсанд).

АЗАМАТ. (Ҳаяжонда беихтиёр қаттиқ гапиради). Ассалому аляйкум!

ОЗОДА. Салом! Ҳўш, бизга нима хизмат!

АЗАМАТ. (Нима дейишини билмай, жим қолгандан сўнг). Аввало илтимос: шу муборак остонадан ўтишга рухсат беринг!

ОЗОДА. Марҳамат! (Уни ичкарига таклиф этади).

АЗАМАТ. Куллук! (Остонадан ўтиб, фойиб бўлади. Энсаси қотган Озода елка қисади ва эшикни бекитади).

Иккичи кўриниши.

Парда очилмасдан илгари хушчақча сұхбат шарпалари, бир неча кишининг кулгуси эштилади.

ОВОЗЛАР. - Яна совчи?

- Ҳа. Яна совчи келди!

Парда очилганида биз Озода, Акбар, Муаттар ва Дилбарни Комиловлар боғининг айвонида эрталабки чой дастурхони устида кўрамиз. Комиловлар боғининг ички томони (ховлиси)даги бу айвон икки қаватли иморат бўлиб, боғнинг томошо залига нисбатан чап томондаги тўрисига қурилган. Биз фақат иккичи қаватнинг бир қисмини ва айвондан у ёққа олиб борадиган пиллапоянигина кўрамиз. Айвон шипида катта қандил. Кўзга кўринарли жойда Комиловнинг портрети. Айвондан хоналарга икки эшик бор. Айвондан кенгтина боғ кўринади. Кўча эшиги боғнинг охирида бўлса керак, кишилар боғ орқали ўтигина айвонда пайдо бўладилар. Узоқда, боғнинг бир чеккасида ошхона кўринади. Бу ерда ҳозир бир неча киши - Комиловларнинг кўшни ва танишлари - овқат тайёллаш билан овора. Мева дараҳтлари қийғос туллаган пайт.

га бошқача кўз билан қараши каби социалистик тарбиядан мерос қолган руҳий тўлғоқлар исканжасидаги замондошларимизни эслатади. Драмада Азаматнинг тадбиркор эканлигини бир жойда билиб қоламиз, яъни телевидениедаги “Саховатли кишилар” телефильмида Азамат фаолияти кўрсатилганлиги тўғрисидаги хабардан. Бу эса воқеалар ривожига таъсир кўрсатмасдан қолмайди.

Драмага тадбиркорларнинг яна бир вакили сифатида Сайджон образи киритилган. Драматург бу персонажни ўз мақсад-муддаоларини очиш йўлида мажбуран ҳаракатлантироқчи бўлганки, бу ҳол сизилиб туради. Янги замон одамлари, янгича тафаккурга эга бўлган одамлар, юксак эътиқод, одоб-ахлоқ соҳиби Йўлдош Комиловнинг авлодлари маънавиятимизга, миллий менталитетимизга хос туйғулардан йироклашмайдилар. Драма муайян камчиликлардан холи бўлмаса-да, драматург бу асарида ўз орзу мақсадларига етиш, ҳаёт йўлларидаги муаммоларни енгил ўтишларида ўзларига ишонган, эркин фикрловчи, дадил ҳаракат қилувчи бугунги кун ёшларини бош қаҳрамон сифатида гавдалантира олганлигининг гувоҳи бўламиз.

Манзура ОТАЖОНОВА

Айвонда (томуша залига яқинроқ жойида) саватга ўрнатилган катта гул даста күзгә ташланади.

МУАТТАР. Шундай қилиб, қизингизнинг туғилған куни яна совчи келиши билан бошланди, дөнгө, хола.

ОЗОДА. Ҳа. Яна совчи келди. (Акбарга назар ташлаб) Нима қиласы, қызылкүн дарвозаси доимо очып экан. Яна совчи! Боз устига ажыр совчи!

МУАТТАР. Янги совчининг нимаси ажыр?

ОЗОДА. (Кулиб) Менга күёв бўлишни орзу этган йигит ўзи қизимни тираб келиби! (Муаттар кулади. Унга Дилбар ҳам кўшилади. Акбар ҳаммадан қаттикроқ кулади).

МУАТТАР. Бу - янгилик.

ОЗОДА. Ҳа. Кўз кўриб, кулоқ эшитмаган янгилик!

(Акбар жаҳл билан ўрнидан туриб, чиқиб кетади. Ўнгайсиз сукунат).

ОЗОДА. (Норози оҳангда). Шу гапни нега шу топда, Акбаржоннинг олдидаги кўзғадинг, Муаттар? Барибир, совчи воқеасини кейинроқ сўзлаб берар эдим-ку!

МУАТТАР. Тоқатсизлик қилдим. Кечиринг. (Сукунат).

ДИЛБАР. (Озодага) Бўлар иш бўлди. Давом этинг, ойи. (Озода жим).

МУАТТАР. Совчининг ўзи қанақа?

ДИЛБАР. (Кулиб) Ҳа. Шуни айтинг, ойижон.

ОЗОДА. Туппа-тузук барно йигит. Аммо унинг ўзига ўзи совчи бўлиб келиши... Бу - йигитнинг довдирилиги аломати бўлса керак.

МУАТТАР. Сиз янглишяпиз, хола. Менимча, бу довдирилик аломати эмас, жасорат. Бу йигит ўзига ишонар экан.

ОЗОДА. Билмадим.

МУАТТАР. (Ярим ҳазил-ярим чин оҳангда). Қани энди менинг пешонамга ҳам шундай бир барно йигит битилган бўлса-ю, шундай жасорат билан эшигимдан кириб келса. (Куладилар).

ОЗОДА. Бу гапинг ҳавасми ёки ҳасадми, жиян?

МУАТТАР. Ҳавас ҳам эмас, ҳасад ҳам.

ОЗОДА. Бўлмаса, нима?

МУАТТАР. Кўнглимга келган бир гапни айтдим-қўйдимда, эътибор берманг. Ҳазиллашдим.

ДИЛБАР. Эҳтиёт бўлиб ҳазиллашиб керак, опа. Ҳар бир одамнинг елкасида икки фаришта ўтирас экан. Одамнинг ҳар тилагига улар “омин” дер эмиш.

ОЗОДА. (Кулиб). Илоҳи, бу тилакка ҳам фаришталар “омин” деган бўлсин!

МУАТТАР. Раҳмат, хола! Ажыр совчига қандай жавоб бердингиз?

ОЗОДА. Ҳеч қандай жавоб берганим йўқ.

ДИЛБАР. Нега жавобини бериб юбормадингиз?

ОЗОДА. Соғиларга рад жавоби беравериб, жонимдан тўйғанман, қизим. Бу гал жавобини сен бер. (Сукунат).

МУАТТАР. Сиз Дилбарингизни жуда ҳам мушкул аҳволга солибсиз. Ҳали ҳеч ким бир қиз совчига ўзи жавоб берган эмас.

ОЗОДА. Мен ҳам бир янгилик қиласы, дедим-да, жиян. (Куладилар).

МУАТТАР. Демак, йигит яна келади.

ОЗОДА. Ҳа, келади. Бугун қизимнинг туғилған куни эканини айтиб, кечки дастурхонимизга таклиф этдим. (Кулиб). Ахир, узоқдан келган меҳмонга бир нав ҳурмат кўрсатиш керак-да! (Ўйлаб туриб). Ростини айтсан, шу йигитга ўзим рад жавоб беришга қурбим етмади.

МУАТТАР. Нега?

ОЗОДА. Йигит бечорага раҳмим келди.

МУАТТАР. Етти ёт кишига раҳмингиз келиби. Сабаб?

ОЗОДА. Бу йигит Дилбarga ошиқ.

МУАТТАР. (Ажабланиб) Ошиқ?

ОЗОДА. Ошиқи бекарор! Девона деса ҳам бўлади.

МУАТТАР. Гапларингиз яна ҳам қизиқ! Йигит ва қиз бирини бирор марта ҳам кўрмаган бўлсалар, ошиқлик қайдан келиб чиқди?

ОЗОДА. Мен ҳам шунга ҳайронман.

МУАТТАР. (Кулиб). Қизингизни бу йигит Фарҳодга ўхшаб, ойна жаҳонда кўрибди-да бўлмаса.

ОЗОДА. Шунақага ўхшаб қолди. Бу йигитнинг қалбидаги ишқ алантаси барқ уриб ётибди. Буни бир қараашдаёқ фаҳмлаб олиш мумкин.

МУАТТАР. Бу ҳодисалар мўъжизага ўхшаб кетяпти, холажон!

ОЗОДА. Топиб гапирдинг, Муаттар. Ҳақиқатан ҳам бугунги кунимиз ажыр ҳодисалардан бошланаяпти. (Эслаб). Марҳум отам “Оллоҳнинг бизга тортиқ этадиган кунлари орасида шундай мўъжизакорлари ҳам бўладики, ундан кунларда етти ухлаб тушингта кирмайдиган, ақл бовар қўлмайдиган ҳодисалар бирин-кетин содир бўлаверади”, дер эдилар. Бугунги кунимиз ҳам ана шунақа кунлардан бўлса не ажаб? (Акбар қайтади).

МУАТТАР. Наҳотки бутун яна совчи келса? (Акбар бу сўзларни эшитади. Озода саволга жавоб беришга улгурмайди. Суҳбат бўлиниб қолади. Сукунат. Муаттар ва Дилбар нонуштани чала қилиб чиқиб кетишга шошадилар. Сукунат).

АКБАР. (Дўнғиллади). Одамларга ҳайронман, қизингизга мен совчи кўйганимни билатуриб, совчиликка келаверадилар.

ОЗОДА. Сиз ташвишланманг. Совчилар келаверадилар, кетаверадилар.

АКБАР. Аммо қизингизнинг менга муносабати ҳамон ўзгарган эмас.

ОЗОДА. Айттанман-ку, қизим ўйлашти. Мен сизнинг томонингизда эканман, сира ташвишланмасангиз ҳам бўлади, Акбаржон. Менинг қизим ота-она сўзини ерда қолдирдиган бебош қизлардан эмас. Сабр қилинг. Масаланинг яқинда сизнинг фойдангизга ҳал бўлишига мен кафил.

АКБАР. Миннатдорман.

(Чироқ ўчади. Чироқ ёнганда биз Дилбарни гулдаста ёнида кўрамиз. У чукур ўйга толган. Панадан Акбар чиқади.)

АКБАР. (Гулдастага ишора қилид). Сизга ёқдими, Дилбархон?

ДИЛБАР. (Зўрма-зўраки, кўнгли учун гапиради). Ҳа, ёқди. Раҳмат! (Кета бошлайди).

АКБАР. Тўхтанг, Дилбархон. Сизга муҳим гапим бор.

ДИЛБАР. (Эслаб, тўхтаб). Йўқ, менинг сизга муҳим гапим бор.

АКБАР. Мен сизнинг ҳар бир сўзингизга муштоқман.

ДИЛБАР. Илтимосим бор. (Давом этиришга қўйналиб, жим қолади).

АКБАР. (Ажабланиб). Илтимос?

ДИЛБАР. Ҳа. Фақат илтимос!

АКБАР. Мен учун ҳар бир сўзингиз - қонун. Илтимос қилманг, буюринг.

ДИЛБАР. Буюришга ҳаққим йўқ. Шунинг учун фақат илтимос қиламан.

АКБАР. Тортинмасдан айтаверинг илтимосингизни.

ДИЛБАР. (Қўйналиб гапиради). Сиз шошманг. Ойимни ҳам шошилтиранг. Сабр қилинг. Мен ҳали сизга ўрганишим керак. Ҳа, мен сизга кўнихишим керак. Сабр қилинг. Мен сизни узоқ куттирмайман.

АКБАР. (Ажабланиб, анча жим қолади). Сўнгра сезиларли истеҳзо билан гапиради). Миннатдорман!

ДИЛБАР. Акбар ака, бошқалардек мен ҳам баҳтиёр бўлишини истайман!

АКБАР. Қасам ичиб, ваъда бераманки, сиз мен билан албатта баҳтли бўласиз. Мен сизга баҳт ҳадя этишга қодирман, Дилбархон!

ДИЛБАР. Яхши ниятларингиз учун раҳмат.

АКБАР. Мен билан бўлсангиз, сиз етим эканингизни таоммун унутасиз.

ДИЛБАР. (Сесканиб тушади). Бу нима деганингиз?

АКБАР. Мен отангиз ўрнини босишга ҳаракат этаман, деганим бу. Бу гапим сизга нега ёқмади?

ДИЛБАР. Ҳеч ким ота ўрнини босишига қодир эмас.

АКБАР. Мен қодирман. Мана, кўрасиз. Не учун сиз бунга ишонмайсиз?

ДИЛБАР. Шу гапни бас қилайлик, Акбар ака!

АКБАР. Майли. Лекин амин бўлингки...

ДИЛБАР. Бас, дедим-ку, бас.

АКБАР. Кечиравасиз, Дилбархон!

(Узоқ сукунат)

ДИЛБАР. Такрор айтаман, ойимни шошилтирунган. (Кетади).

АКБАР. (Гарант. Анча жим тургандан кейин). Ана холос! “Такрор айттар эмиш. Ойимни шошилтирунган” эмиш. Ношукур Дилбар, мен сенга шафқат қилиб, сенинг ўзимга тенг кўриб, жазманлик изҳор этсаму, сенинг жавобинг, шуми? (Унинг газаби ортаборади). Ана гурур! Ана кибр! Бу етимчанинг кеккайшини қаранглар-а! Мендай йигит учун бу жавоб ҳақоратку! Сен ўзинг кимсан, Дилбар? “Академикнинг набириаси” деган номи улуғ, супраси қуруқ бир етимчасан, холос! (Яна ҳам ортиқроқ ғазаб билан). Ҳали қараб тур, мен сенинг ўйимга олиб бориб олай, ундан майдан кўрадиганингни кўрасан, етимча етти кулча! (Чироқ ўчади. Чироқ ёнганда биз Озода билан Муаттарни айвонда кашта тикиб ўтирган ҳолда кўрамиз. Музаффар келади. У Азаматнинг совчилик натижасини билгани келган. У гулдастага назар ташлайди ва ажабланади).

МУЗАФФАР. Ассалому алайкум, яхшилар!

ОЗОДА. Саломат бўлинг! (Муаттарни тақдим этади). Танишинглар, бизнинг марғилонли қариндошимиз, жияним. Тошкентда шарқшунсонлик институтининг сўнгти курсида ўқиди.

МУАТТАР. Муаттар.

ОЗОДА. (Музаффарни Муаттарга тақдим этиб) Музаффар ота. Собиқ министр.

МУЗАФФАР. Ҳозир эса боғдорлар жамиятининг аъзоси ва маҳалла оқсоқоли. Танишганимиздан хурсандман.

МУАТТАР. Мен ҳам.

МУЗАФФАР. Қандай хуш хабар бор, Озода?

ОЗОДА. Хуш хабарлар бир талай.

МУАТТАР. (Озодага) Мен ошхонадагиларга қарашиб юборай.

ОЗОДА. Майли. (Муаттар кетади. Музаффарга). Биринчи хуш хабар шуки, бугун қизимиз Дилбарнинг туғилган куни.

МУЗАФФАР. (Гулдастага ишора қилиб). Бу нима тантана десам, бугун қутлуг кун экан-да. Табриклайман.

ОЗОДА. Раҳмат.

МУЗАФФАР. Фақат бу гапдан бизнинг бехабар қолганимиз чатоқ бўлибди-да. Ахир, бундай чоғларда гулдастани унутиши - гуноҳ.

ОЗОДА. (Акбарнинг совфасига ишора қилиб). Гулдастадан камлигимиз йўқ... Мен сизни кечки овқатта таклиф этаман.

МУЗАФФАР. Ташаккур. Келаман.

ОЗОДА. Албатта келинг. Мен сизни бутунги совчи билан таништириб қўймоқчиман.

МУЗАФФАР. (Билмасликка солиниб). Яна совчи келди дегин?

ОЗОДА. (Кулиб). Шундай.

МУЗАФФАР. Совчига қандай жавоб бердинг?

ОЗОДА. Совчига жавоб беришни бу гал қизимнинг ўзига қолдирдим.

МУЗАФФАР. (Севиниб). Яхши қилибсан... Совчи келганидан қизингни хабардор қилдингми?

ОЗОДА. Ҳа, хабари бор.

МУЗАФФАР. Совчи ўзи қанақа одам экан?

ОЗОДА. Бу йигит ментага довдирроқ қўринди.

МУЗАФФАР. Нега?

ОЗОДА. Менга куёв бўлмоқчи бўлган одам ўзи учун ўзи совчиликка келибди.

МУЗАФФАР. Бунинг ҳечқиси йўқ. Орага воситачи қўйишни ортиқча ҳисоблабди бу йигит. Бу - ақл аломати. Ўзи қалай? Сенга ёқдими?

ОЗОДА. Бир қарашдаёқ менда қизиқиш ўйғотди. Кейин билсам, Сурхондан, узоқ қишлоқдан экан. Бу мени ажабга солди. Гапдан гап чиқди-ю, мен унинг ҳол-аҳволини сўрадим. Гап тополмаганимдан совчининг кўнгли учун унинг топиш-тутишини суриштирган бўлдим.

МУЗАФФАР. Ҳўш, у нима деди?

ОЗОДА. Худди қасам ичандек, “хотиржам бўлинг, қизингизни бирор нарсага муҳтоҳ қилиб қўймайман” деди-ю, гапни қисқа қилди-кўйди. Камсухан, камтарин йигит экан. Бошқаларга ўхшаб топган-тутгани билан мақтамади.

МУЗАФФАР. (Кулиб) Гапларингта қараганда, бу йигит сенга ёқиброк турибди. Ё мен адашдимми?

ОЗОДА. Адашмадингиз. Аммо бу йигитнинг менга ёқиши ёқмаслигининг ҳеч қандай аҳамияти йўқ, ота.

МУЗАФФАР. Нега?

ОЗОДА. Қизимнинг эгаси бор.

МУЗАФФАР. Гапинг жуда қизик!

ОЗОДА. Қизимни жуда яқин бир қариндошим аллақачон келинликка сўраган.

МУЗАФФАР. Бу гап менинг қулоғимга ҳам чалингандек бўлган эди.

ОЗОДА. Мен ҳам қариндошликка риоя қилиб, розилик бергандек бўлғанман. Қариндошим туппа-тузук йигит. Отасининг ҳам, ўзининг ҳам топиш-тутиши ёмон эмас.

МУЗАФФАР. Қиз болани биринчи навбатда бўлажак эрнинг инсоний сифатлари қизиқтиради, мол-дунёси эмас. Қизнинг кўнгли борми ўзи шу қариндошингта?

ОЗОДА. Шуниси чатоқ-да. Дилбарнинг Акбаржонга теккиси йўқ.

МУЗАФФАР. Үндай бўлса, сенинг аҳволинг оғир экан, Озода!

ОЗОДА. Сиз савоб ишлар қилишни яхши кўрасиз. Яна битта савоб иш қилинг, отахон.

МУЗАФФАР. Мен нима қилий?

ОЗОДА. Қизимга маслаҳат беринг, қариндошимга тегишига розилик берсин. Дилбар сизнинг маслаҳатингиздан чиқмайди. Ахир, қизим сизни ота ўрнида кўради. (Музаффардан жавоб кугади. Музаффар - ҳам). Илтимос қизимни Акбаржонга тегишига кўндириб беринг.

МУЗАФФАР. (Тез ва қатъий). Йўқ. Мен бундай ишларга аралашмайман! Қиз боланинг кўнгли сирли бир хазина. Унинг сирларидан фақат Парвардигор воқиғ. Афсуски, мен бу гал сенинг илтимосинги ерда қолдиришга мажбурман. Узр! (Ичкари хоналарнинг биридан Дилбар чиқади ва бу сұхбатга қулоқ солади).

ОЗОДА. Жуда ҳам бошим қотди. Мен энди нима қилишим керак, отахон!

МУЗАФФАР. (Аллақандай умид билан). Кутиш керак. Сабр қилиб, кутиш керак.

ОЗОДА. Қачонгача?

МУЗАФФАР. Буни ҳам фақат Парвардигор ўзи билади. (Ўйлануб туриб) Умуман олганда, то ўзининг жиловбардорини топмагунча ҳеч бир қиз баҳтиёр бўлолмайди.

ОЗОДА. “Жиловбардор?” Бу нима деганингиз, ота?

МУЗАФФАР. “Жиловбардор”, “етакчи” дегани. Хонлар, подшоҳлар саройида бир мўътабар мансаб бўларкан. Бу мансаб эгасининг вазифси - хонни отта миндириб, олдинда уни етаклаб бориш экан. Ана шунаقا... Ҳар бир қиз тушуниб, тушунмай ўз жиловбардорини кутиб, соғиниб яшайди. Қиз боланинг ўз жиловбардорини топиши- улуг баҳт. Бу - чин муҳаббат аломати. Ана шундан кейин аёл ўз жиловбардори қаёққа бошласа, шу ёққа кетаверади ва ўзини бекиёс ҳис этади. Бу камдан-кам одамларга мусассар бўладиган баҳт.

ОЗОДА. Борди-ю, жиловбардори пайдо бўлавермаса-ю, қиз бечора унда зотни кутавериб, чарчаган бўлса-чи?

МУЗАФФАР. Бундай ҳол жуда кўп учрайди. Бундай ҳолда қиз ўз ота-онасининг маслаҳати билан эрга тегади. Агар эслӣ, инсоғли ва оиласининг қадрига етадиган эрга тушган бўлса, бундай қиз ҳам баҳтиёр бўлади. Чунки дунёда “одат”, “кўни-

киш” деган ажойиб ҳодиса бор. Одат - Оллоҳнинг бандасига тұхфаларидан бири. Одат баҳтнинг ўринини босади. (Дилбар ичкарига кириб кетади). Шундай қилиб, кутишдан бошқа иложинг йўқ, Озода. Шошмаслик керак.

ОЗОДА. Билиб турибманки, бу гапларнинг ҳаммасини сиз мени Акбаржондан айнитиш учун гапиряпсиз, ота.

МУЗАФФАР. Зийраксан, Озода! Офарин!

ОЗОДА. Нега сиз Акбаржонни ёқтирумайсиз?

МУЗАФФАР. Қариндошингни жинимдан ёмон кўраман.

ОЗОДА. Нега? Йигит бечоранинг гунохи нима? Айтинг.

МУЗАФФАР. Айтсам тилем куяди, айтмасам - дилим.

ОЗОДА. Айтинг, ахир!

МУЗАФФАР. Айтсам, сени хафа қиласман. Сен куйиб кетасан! Балки ишонмайсан ҳам!

ОЗОДА. Сизга-я? Сизга ишонмайманми?

МУЗАФФАР. Сен уйда ўтириб қолгансан. Дунёнинг ишларидан бехабарсан.

ОЗОДА. Қизиқ гап! Наҳотки, менинг қизимнинг тақдирни шу тобда дунёнинг ишларига бориб тақалган бўлса? (Ўига толган Музаффар унинг гапларини эшифтади). Саволимга жавоб беринг, ота!

МУЗАФФАР. (Ўига ўзи, секин) “Понани пона билан сиқиб чиқадилар”.

ОЗОДА. Нималарни ўзингизча шивирлаяпсиз, ота.

МУЗАФФАР. (Энди ҳаяжон билан гапиради). Ҳа “Понани пона билан сиқиб чиқарадилар”. Доно мақол!

ОЗОДА. Нима бало, сиз Акбаржоннинг ўрнига бошқа қўёв топиб, қизимни чалғитмоқчимисиз?

МУЗАФФАР. Тополсам, чалғитолсам қани эди-я!.. Афсуски, бутунги совчи сенга ёқмабди.

ОЗОДА. Гап менга ёқмаслигига эмас. Дилбар қишлоқига тегмайди.

МУЗАФФАР. Кўп афсус! (Сукунат. Ўйлануб қолади. Кейин бирданига ўзига келиб, хушёр тортгандек бўлади, мушкүл масалани ҳал этиш йўлини топадиган кишидек севинади). Мен ҳозироқ бирорнинг олдига шошмогим керак.

ОЗОДА. Бирор деганинг ким?

МУЗАФФАР. Кейинроқ айтаман. Ҳа, мен уни дарров тошиш зарур! (Шошиб чиқиб кетади).

Учинчи қўриниш

Комиловлар хонадонининг эшиги олди. Ичкаридан Музаффар чиқади ва кўчадан шошиб ўтиб бораётган Сайджонга дуч келади.

САИДЖОН. Салом, отахон!

МУЗАФФАР. Ў! Сайджон! Кўнгилнинг кўнгилга тўғрилигига қараки, худди шу топда мен сен билан учрашувни ният қилиб турган эдим. Саломатмисан, йигит? Ишларинг қалай?

САИДЖОН. Худога шукур! Ҳамма ишларим жойида. Соғлигим ҳам, отекман.

МУЗАФФАР. Биз томонларда камнамосан?

САИДЖОН. Ишлар кўп. Савдо-сотик авжиди. Бир оёғим Тошкентда бўлса, бир оёғим - Пекинда. Бош қашигани кўл тегмайди. Бутун ҳам бофимдан бир хабар олай, қоровулимдан ҳол-аҳвол сўрай деб бир-икки соатта келган эдим. Яна отчопарга шошаман. Таџиркорнинг ҳәёти шунақа бўлар экан, ота!

МУЗАФФАР. Тақдирингдан нолимасанг ҳам бўлади, Сайджон, кўплар сенга ҳавас, ҳатто ҳасад қиласди.

САИДЖОН. Мен ўзим ҳам касбимдан жуда мамнунман. Аммо бу касбни эгаллаш бизга осон бўлмади. Аввалида бизни “чайқовчилар” деб масхара қилишдилар кўп одамлар. Кейин “моккилар” деган анча беозор номга эга бўлдик. Мана энди биз коммерсантлармиз. Биз коммерсантлар туфайли юртимиз жаҳон бозорига чиқди, ҳалқимиз оламдаги ҳамма нарсалардан баҳраманд бўлди. Ҳалқимизга ҳам фойдамиз тегди. Ўзимиз ҳам мулкдор бўлиб олдик.

МУЗАФФАР. Ҳа. Кўп жиҳатдан олганда, ҳалқимиз сизлар

туфайли фаровонлик йўлига чиқиб олди. Энди йилдан йилга мушкүлларимиз осон бўлаверади.

САИДЖОН. Мен шу савоб ишга дахлим борлиги билан фахрланаман.

МУЗАФФАР. Фахрланишга ҳақисан, йигит... Аммо сен ўзингни унутдинг, чоғи.

САИДЖОН. Нима демоқчисиз, тушундим, отахон.

МУЗАФФАР. Балли! Сен қачонгача сўққабош, бўйдоқ юрасан, йигит?

САИДЖОН. Отам ҳам менга тез-тез шу саволни берадилар.

МУЗАФФАР. Ота сўзини қачонгача ерда қолдирасан, Сайджон?

САИДЖОН. Тақдиримни кутаман! Ахир, менинг пешонамга ҳам тақдирда бир жуфти ҳалол, умр йўлдоши битилган бўлса керак.

МУЗАФФАР. Битилган, албатта... Тақдиринг эшиги бугун очилмадимикин, Сайджон? Сенинг худди шу бутун, худди шу соатда менга дуч келишинг, менимча сира тасодиф эмас. Бу - тақдир аломати.

САИДЖОН. Сўзларингизга сира тушиналмаяпман, отахон.

МУЗАФФАР. (Комилов хонадонига ишора қилиб) Бахтинг эшиги очилган, йигит. Худо ҳақи, мен буни кўнгил кўзи билан кўриб турибман.

САИДЖОН. (Ажабланиб). Кўнгил кўзи?

МУЗАФФАР. Кўнгил кўзи! Дил кўзи! Ҳа, дунёда шундай мўъжизакор ҳодиса бор. Одамлар деярлик ҳар куни шу мўъжизага дуч келиб турадилар, аммо бу ҳақиқатни тан олишини истамайдилар, чунки бошқаларга нодон, қолоқ, жоҳил бўлиб кўринишдан кўрқадилар. Кўнгил кўзи, дил кўзи - энг ўткір кўз!

САИДЖОН. Дилингиз кўзи билан тақдирим эшигига бир назар ташланг, ота. Нималарни кўрасиз?

МУЗАФФАР. Худо ҳақи, аниқ кўриб турибманки, сенинг жуфти ҳалолинг, бўлажак умр йўлдошинг ҳозир шу хонаонда сайр этиб юриди. (Комиловлар боғига ишора қиласди).

САИДЖОН. (Ажабланиб). Сиз Дилбарни айтмоқчимисиз?

МУЗАФФАР. Ҳа. Худди Дилбарни айтяпман мен. (Сайджондан сўз кутади, аммо йигит нима дейишини билмай, “ер чизиб”, жим туради). Нега ер чизиб қолдинг? Нечун лолсан, йигит? У қиз сента ёқмайдими?

САИДЖОН. Аксинча, Дилбар - мен учун айни муддао.

МУЗАФФАР. Дилбар сенинг учун айни муддао бўлса, нега шу вақтгача совчи киргизмадинг, шундай барно қизни тила-маддинг?

САИДЖОН. Қоидам бор: менга назар ташламаган қизга мен ҳам назар ташламайман.

МУЗАФФАР. Яхши қоида. Ҳақиқий йигитга муносиб қоида.

САИДЖОН. Ахир, “сўймаганга сўйканма” деганлар.

МУЗАФФАР. Доно мақол! Аммо ҳар бир қоида бор жойда мустасно ҳам мавжуд, ҳар доноликнинг ҳам ўз йўриғи бор.

САИДЖОН. Яна бир нарса мени хижолат қиласди.

МУЗАФФАР. Нима сени хижолат этади?

САИДЖОН. Ёшим сал ўтингқираброқ, қолган. Дилбарга мен қари бўлиб кўрингас керак.

МУЗАФФАР. Сира хижолат тортма. Дунёда яна “одат”, “қўниқиши” деган неъматлар бор. Баъзи қизлар ўзидан улуғроқ йигитни афзал кўрадилар. Шундай қилиб, сенинг хижолат бўлишингта асос йўқ.

САИДЖОН. (Ўйлануб туриб) Шундай дент, ота?

МУЗАФФАР. Ҳа. Шундай. Яна ўзинг биласан. Қалбингта кулоқ сол. Шундагина ҳамма жумбокларнинг тўғри сичини топасан.

САИДЖОН. Маслаҳатларингиз учун минг бор миннатдорман, оқсоқол.

МУЗАФФАР. Энди сендан фақат бир нарса керак.



САИДЖОН. Нима керак бўлса ҳаммасига тайёрман.

МУЗАФФАР. Сендан фақат ташаббус керак. Ҳа, қизлар тортиноқ бўлади. Ташаббус йигитдан чиқиши керак.

САИДЖОН. Ташаббус?

МУЗАФФАР. Фақат ташаббус.

САИДЖОН. Биз тадбиркорлар учун бу сўз янгилик эмас. Ташаббус - муваффақиятнинг гарови. Вақтида кўрсатилган ташаббус мўъжизага қодир.

МУЗАФФАР. Шубҳасизки, бу гал ҳам шундай. Ҳозироқ, шу соатдаёт ташаббус кўрсатиш керак.

САИДЖОН. Нега мунчалик шошилини? Бу, ахир, умр савдоси-ку?

МУЗАФФАР. Аҳвол шундайки, сен ё бугун, ҳозир ташаббус кўрсатасан, ёки бир умрга йўқотасан.

САИДЖОН. Нега?

МУЗАФФАР. Икки йигит худди шу бугун Дилбардан узил-кесил жавоб кутади.

САИДЖОН. Демак, мен икки йигитнинг оғзидағи ошига чант солишим керак?

МУЗАФФАР. Иккала йигитта ҳам Дилбарнинг кўнглий ўйқ.

САИДЖОН. Ундан бўлса, бошқа гап.

МУЗАФФАР. Пайтни кўлдан берма. Таваккал қил!

САИДЖОН. Таваккал! Бу ҳам бизга таниш тушунча. Таваккал омад келтиради!

МУЗАФФАР. Балли! “Ўйчи ўйига еткунча, таваккалчи ўйига етибди”, Сайджон!

САИДЖОН. Мен ҳозир нима қилишим керак?

МУЗАФФАР. Бир дадил қадам боссанг, бас. У ёғига мен кафил.

САИДЖОН. У ёғига сиз кафил бўлсангиз, ошиғим олчи экан! Менинг дадил қадамим нимадан иборат бўлиши керак? Айтинг тезроқ!

МУЗАФФАР. Бугун - Дилбарнинг туғилган куни. Шуни баҳона қилиб, бир ласта гул ва бир оғиз ширин сўз билан Дилбарга дуч келсанг, ба! (Сайджондан сўз кутади, аммо йигит яна жим қолади). Нега яна тилингни йўқотдинг. Нега яна чайналасан, йигит? Ёки иккаламизнинг яхши ниятилизни амалга ошириш йўлида бирорта тўсиқ борми?

САИДЖОН. (Афсус билан). Бор! Катта тўсиқ!

МУЗАФФАР. Қанақа тўсиқ?

САИДЖОН. Гулдастани-ку топиш осон, аммо ширин сўзни мен қаердан оламан?

МУЗАФФАР. Наҳотки, сен Дилбардек гўзал қиз учун бир оғиз ширин сўз тополмасанг?

САИДЖОН. (Чукур афсус билан). Қизларга ёқадиган ком-плиментларни айтишда уқувим йўқ, ота. Тил йўқ, лафз йўқ!

МУЗАФФАР. Сира ғам ема, йигит. Булбул ўз қизил гулини топгани ҳамоно очилиб, сочилиб кетар эмиш. “Булбули гўё” деган таъбири эшитмаганмисан, йигит? Дилбарга сидқи дил билан дуч келишинг ҳамоно тилинг бурро бўлиб кетади, албатта.

САИДЖОН. Илоҳи, айтингиз бўлсин.

МУЗАФФАР. Ҳа. Худди мен айтингиз бўлади. Бунга ҳам мен кафил! Сизлар учрашганингизча мен Дилбарни “таж” дессанг кўлинингтаги қилиб кўяман. Мана, кўрасан... Энди сенга рухсат. Тезроқ иш бошла!

САИДЖОН. Бошладим! (Тез чиқиб кетади).

МУЗАФФАР. Худога минг қатла шукур! Яна бир савоб иш битадиган бўлди!

Тўртингчи қўриниш

Комилов боғидаги айвон. Озода билан Дилбар дастурхон тузаш билан овора.

ОЗОДА. Акбар аканг билан гаплашиб олганинг яхши бўлибди, қизим. Кута-кута йигит бечоранинг тинкаси куриган. Сен яна бир оғиз кутишини илтимос қилишинг билан у анча тинчиган бўлса керак. Энди узил-кесил қарорингни кечичтирма. Эрингнинг уйида яшай бошласант, унга тезроқ кўнисасан.

ДИЛБАР. Хотиржам бўлинг, ойижон. Бугунми, эртагими, барibir мен сизнинг айтингизни қиласман.

ОЗОДА. Миннатдорман, болам. Шу мужмални тезроқ ҳал этсанг, совчиларнинг келиши тўхтаган бўлар эди. Бугунгига ўхшаши, ҳар бир девона сени тилаб уйимга кириб келавермас эди.

ДИЛБАР. (кулиб) Энди менга совчи бўлмаган девона қолган экан-да!

ОЗОДА. Девона бўлмаса, қишлоқи йигит сендаи қизга ўзи совчи бўлиб келафиди?

ДИЛБАР. Наҳотки, қишлоқи йигит?

ОЗОДА. Ҳа, гирт қишлоқи!

ДИЛБАР. (қотиб, узоқ кулади.) Йўқ, йўқ, ойижон! Мен тезроқ эрга тегишим керак. Бўлмаса, бундан баттарроғига дуч келаман! Бу совчини менинг ўзимга рўбарў қилганингиз ҳам яхши бўлибди-да, мен ўзим бунақа совчининг кавушини тўғрилаб, думини тутиб юбораман.

ОЗОДА. (чўчиб.) Йўғ-е! Совчига эви билан жавоб бериш лозим, қизим. Коида ўшнақа.

ДИЛБАР. Мен ҳеч қандай қоидага риоя қилиб ўлтирамайман. Ахир, бу уятсиз қишлоқи қилмишига яраша мукофот олиши керакми, йўқми?

ОЗОДА. Ўзингни бос, қизим!

ДИЛБАР. Босмайман, мана кўрасиз! (Яна ҳоҳолаб кулади.) Қишлоқи! Девона! Ўзига ўзи совчи! Бундан ҳам ортиқроқ кулгули ҳолат бўлиши мумкинми? (Азamat пайдо бўлади. Унинг кўлида чоғроқ гулдаста.)

АЗАМАТ. Ассалому алайкум! (Кутилмаган учрашув Дилбарни ҳам, Озодани ҳам тилдан маҳрум этади. Салом алиқисиз қолади.) Кечирасизлар, мен барвақт келдим. Мехмонлар йигилгунча гаплашиб ўтирамиз деб... (Қиз ва йигитнинг кўзлари учрашади. Дилбар ҳайратда қотади. Уни нотаниш, кучли ҳислар чулғаб олади. Қиз йигитта тикилганича қолади. Йигит ҳам ундан кўзини узолмайди. Иккаласи бир-бирига маҳлиё бўлиб, ўзларини унутадилар.) Туғилган кунингиз билан... табриклайман! (Гулдастани узатади. Дилбар ҳушсиз ҳолда гулдастани олади, аммо гуллар ерга сочилиб тушади. Дилбар қаттиқ ҳаяжонда нима қилишини билмай, ойисига қарайди. Қизининг бу ҳолатидан ҳайрон Озода жим қолади. Дилбар бирданига ўзига келиб, югуриб, ичкари хоналардан бирига кириб кетади. Ўнгайсиз сукунат.)

ОЗОДА. Ҳафа бўлманг, йигит. Сизлар яна учрашасизлар.

АЗАМАТ. (Ҳаяжонда қаттиқ гапиради.) Албатта! (Иккаласи ҳам ерда сочилиб ётган гулларга тикилиб қолади!)

Бешинчи қўриниш

Азamat билан Акбар кўчада учрашадилар.

АКБАР. Ё пир-е! Азаматмисан, йигит?

АЗАМАТ. Худди ўзи! Салом, Акбар!

АКБАР. Кўзларимга сира ишонмай турибман. Тушимми, ўнгимми бу?

АЗАМАТ. Ўнгинг.

АКБАР. Йўғ-е!

АЗАМАТ. Ишонавер, собиқ курсдош.

АКБАР. Машхур чайқовчи студент Азаматман, дегин?

АЗАМАТ. (Кулиб.) Ҳамма сифатларимдан фақат чайқовчилигим эсингда қолибди-да, ноинсоф!

АКБАР. Кўнглингта олма, дўстим! Нима қилайки, неча ийлардан кейин кўккис учрашганимизда хаёлимга келгани шу бўлди. Ўзинг ҳам чайқовчиликда устаси фаранг эдинг-да! Хўш, бу томонларга қандай шамол учирди сени?

АЗАМАТ. (Нима дейишини билмай, анча жим турганидан кейин.) Шу томонлардан бир боғ харид этиб, обод қилиш ниятийм бор.

АКБАР. Ў-ў. Режаларинг зўр-ку?

АЗАМАТ. “Хашни ният ёрти мол” деганларидек...

АКБАР. Бундан чиқди, муваффақиятларинг ҳақиқатан зўр!

АЗАМАТ. Ҳа. Ишларим ахийри юришиб кетди. Менинг муваффақиятларимни сен қаердан биласан?

АКБАР. Қаердан бўлар эди, газеталардан-да!

АЗАМАТ. Сен ҳам шу атрофдаги боғдорлардан бўлсанг керак.

АКБАР. Йўқ. Бу атрофда менинг бир қариндошим бор, холос. (чиқадилар.)

Олтинчи кўриниш.

Комиловлар боғидаги айвон. Саҳна бир зум туроди. Саҳнанинг марказида овқат столи. Уйда ҳали тузаб тутатилмаган дастурхон. Четроқда Акбар келтирган гулдаста атрофида яна бир неча гулдаста пайдо бўлди. Булар орасида чогроқ тулдонда кўримсизгина гулдаста - у Азамат келтирган гуллар (Биз буни шу гуллар билан келган қизил тасмадан биламиз). Дилбар пайдо бўлади. У пайдо бўлган гулдасталар орасидан ўша гулдонни танлаб олади. Акбар буни кўриб, ўзини панага олади. Дилбар кичик гулдастани овқат столи марказига кўяди ва ҳовли томонга кетади. Яна пайдо бўлган Акбар овқат столи устидаги гулдастадан кулади ва фойиб бўлади. Озода киради. Унинг қўлида дастурхонга таалтуқли буюмлар. У дастурхон тузаш билан машғул бўлади. Ташқари эшикнинг кўнгироги жиринглайди).

ОЗОДА. Муаттар!

МУАТТАР. (Ошхона томонидан пайдо бўлиб.) Лаббай!

ОЗОДА. Кимдир келди. Эшикни оч! (Муаттар кетгач.) Ажаб, эшик очиқ эди-ку!

МУАТТАР. (Пайдо бўлади. У нима учундир сезиларлик ҳаяжонда.) Бир йигит сиздан киришга рухсат сўрайди, хола.

ОЗОДА. Мехмонни куттириб кўймасдан олиб кирмабсанда.

МУАТТАР. Мехмонингиз тортичоқроқ экан. “Уй бекасидан рухсат бўлмагунча бу азиз остонаядан ўтмайман” деди у.

ОЗОДА. Сенга танишми ўзи?

МУАТТАР. Йўқ. Бу йигит сиз айтган ана у қишлоқи бўлса керак.

ОЗОДА. Қишлоқи йигит яқиндагина келиб кетган эди-ку. Нега қайтди экан?

МУАТТАР. Гапи тугамагандир-да. Жавобингиздан қаноатланмаган бўлса керак.

ОЗОДА. Мен унга жавоб беришга ултурганим йўқ.

МУАТТАР. Мана энди жавоб беринг. Ахир, Азамат туппатаузук йигит экан-ку!

ОЗОДА. (Кулиб.) Туппа-тузук?

МУАТТАР. (Бош бармогини кўрсатиб.) Мана бундоқ йигит! Аъло! Ҳавас қиласа арзидиган кубёв!

ОЗОДА. Сен янгишшапсан, Муаттар. Ҳозир келган йигит Азамат бўлиши мумкин эмас.

МУАТТАР. (Ҳаяжонда.) Шундоқми?

ОЗОДА. Нега ҳаяжондасан, Муаттар? Чакир янги меҳмонни. (Муаттар шошиб кетади. Озода дастурхон билан машғул бўлади. Муаттар ва Сайджон пайдо бўлади.)

САИДЖОН. (Аввал бошланган сұхбатни давом эттириб, Муаттарга) Сиз Озода опанинг кими бўласиз? (Муаттар жавоб беришга ултурмайди. Озода луқма ташлади.)

ОЗОДА. Ў-ў! Ўзимизнинг Сайджон экансиз-ку! (Ўзига ўзи, секин.) Хайрият, Сайджон! Хуш келибсиз!

САИДЖОН. Раҳмат!

ОЗОДА. (Муаттарга тикила туриб Сайджонга.) Жуда ҳам камнамосиз.

(Муаттарга назар ташлаганича қолган Сайджон учун қаттироқ гапиради). Қадамларига ҳасанот!

САИДЖОН. (ўзига келиб) Мен Дилбарнинг туғилган куни билан табриклийман.

ОЗОДА. Куллук! Яхши ҳам Дилбар ўн саккизга кирибди, бўлмаса биз ҳаммаҳалламизни сира кўрмас эдик.

САИДЖОН. (Қўлидаги гулни эслаб). Дилбархон ўзлари саломатмилар?

ОЗОДА. Худога шукр! Аммо ҳозир бир оз тоби йўқ, ётибди. Кечроқ дастурхонимиз бор. Мен сизни таклиф этаман.

САИДЖОН. Миннатдорман. Албатта келаман. (Гулдастани

Муаттарга тутади.) Бу - сизга.

МУАТТАР. (Хижолат) Бу гулдаста Дилбархонга аталганку?!

САИДЖОН. Дилбархонга бошқасини олиб келаман. Олинг!

ОЗОДА. (Унга саволнамо назар ташлаб Муаттарга.) Ола-кол, Муаттар! (Муаттар гулни олади). Қани бу ёқقا. Ўтиринг.

САИДЖОН. Раҳмат. Мен... мен шошиброқ турибман.

ОЗОДА. Ундай бўлса, сизга кечкача рухсат.

САИДЖОН. (Кетаётib, тўхтайди ва Муаттарга мурожаат этади.) Илтимос! Сиз мени кузатиб кўйсангиз.

ОЗОДА. (У Сайджоннинг Муаттар билан қизиқиб қолганини сезгани учун кулиб гапиради.) Жияним сизни кузатиб кўймасиз, сиз йўлингиздан адашиб қоласизми?

САИДЖОН. (Ўйланиб туриб, гап топганига хурсанд.) Йўқ, адашибмайман. Аммо... аммо ёлғиз юришни ёмон кўраман. Ёлғизлик жонга тежкан!

ОЗОДА. (Муаттарга назар ташлаб, унга Сайджоннинг сўзлари ёққанини сезади.) Мехмонни остонаяча кузатиб кўй, Муаттар!

САИДЖОН. (Беихтиёр, қаттиқ норозилик билдиради.) Не учун остонаяча! (Озодадан жавоб кутади. Озода нима дейишини билмай, Муаттарга назар ташлайди. Муаттар “ер чизиб қолади”. Сукунат, Сайджон Муаттарга дадил кўл узатади. Муаттар унинг қўлини тутади. Иккаласи болаларча қувонч билан ютуриб, чиқиб кетади.)

ОЗОДА. Худога шукр. Муаттарга ҳам совчи чиқди.

(Чироқ ўчади. Чироғ ёнганида биз Озодани саҳнада ёлғиз кўрамиз. У Дилбар хонасининг эшигига яқинлашиб, ичкарига қулоқ солади ва ичкаридан шарпа эшишиб, ўзини нарига олади. Дилбар пайдо бўлади. Унинг соchlари паришон, узоқ йигидан кўзлари шишган. У аланглаб кимнидир излайди ва топмайди.)

ОЗОДА. Мунча дараксиз кетдинг, қизим. Ўтири бу ёқقا. Қовоқларинг шишган. Сенга нима бўлди?

ДИЛБАР. (Узоқ жим тургандан сўнг.) Ҳалиги йигит кетдими? (Дилбар хафа. Буни пайқаган Озода ажабланди).

ОЗОДА. Кетди... Яна келади. Кечки дастурхонимизга таклиф этдим. (Дилбар енгил тортиб чукур нафас олади.) Бир оз баравқтрақ келинг, меҳмонлар келгунча қизим билан гаплашиб ўтирасизлар, дедим.

ДИЛБАР. Хўб, дедими?

ОЗОДА. Таклифимни қувонч билан қабул этди. Бу йигитнинг келадиган бўлгани яхши бўлди: меҳмонлар келгунича сен ундан кутулиб оласан. Унинг жавобини бериб юборишга ултурасан. (Дилбардан жавоб кутади. Жавоб йўқ.) Хонантга қайт. Дамингни ол. (Дилбарнинг кетишини кутади. Дилбар ўрнидан қимирламайди.)

ОЗОДА. Нега мунча хомушсан, қизим? Ранги-рўйинг, кайфиятинг бошқача? Бир гап борми?

ДИЛБАР. (Бирданига ўзини онасининг бафрига ташлаб, йиглаб юборади.) Ойижон, сизга саволим бор.

ОЗОДА. Сенга нима бўлди, болам? Нега йиглайсан? Қанқа савол?

ДИЛБАР. Сиз ҳам қизлигингизда ҳеч шунақа бўлганмисиз?

ОЗОДА. Қанқа?

ДИЛБАР. Мендақа... Мен шу йигитга назарим тушгани ҳамоно аллақандай бўлиб кетдим. Юракларим дук-дук ураверди. Кўзим тинди. Бошим айланди. Қаерда турганимни билмай қолдим. Кейин. Кейин...

ОЗОДА. Кейин сен югуриб хонантга кириб кетдинг.

ДИЛБАР. Ҳа, беихтиёр қочдим. Хонамга кирдим-у, йиқилдим. Йиглай бердим, йиглайвердим. Узоқ йигладим.

ОЗОДА. Нега йигладинг?

ДИЛБАР. Қайдам? Ўзимни тўхтатолмай йигладим.

ОЗОДА. Кейин нима бўлди?

ДИЛБАР. Кейин бирданига бўشاшиб, ҳолдан тойиб, ухлаб қолганимни ўзим ҳам билмай қолибман. Аллақандай тушлар кўрдим.



ОЗОДА. (Ваҳима билан). Қандай туш?

ДИЛБАР. Ҳаммасини эслай олмайман. Эсимда қолгани шуки, катта дарёда сузib бораман. Ҳамма ёқ тошқин, даҳшатли тўлқин. Бу қанақа туш, ойижон?

ОЗОДА. Тушингта таъбир ахтарма, қизим! Сен босинқирабсан. Бунақа телва-тескәри тушларни қиз бола кўп кўради.

ДИЛБАР. Шундай денг?

ОЗОДА. Ҳа. Шундай... Парво қилма, ўзингни бос. Тинчлан. Бор, ўзингни тартибгасол. Мехмонлар олдида шу ҳолатда кўринсанг, улар нима деб хаёл қиласди, қизим? (Дилбар онасининг сўзларидан қаноатланмай унга бир оз тикилиб тургандан сўнг, ўз хонасига кириб кетади. Озода уни ташвиш билан кузатиб қолади.) Парвардигор, кутилмаган бу ҳодисанинг оқибатини ўзинг хайрли қил. (Кетади).

(Коронгу туша бошлияди. Фира-шира пайт.

Музаффар пайдо бўлди. Унинг димоги чоф).

МУЗАФФАР. (Чакиради.) Дилбар! Ҳой, Дилбар!

ДИЛБАР. (Ичкари хоналардан биридан чиқади.) Лаббай, ота.

МУЗАФФАР. Бу ёққа кел, ўтири... Сенинг учун хуш хабар келтирдим.

ДИЛБАР. Сиз доимо хуш хабар билан келасиз.

МУЗАФФАР. Бу сафаргиси жуда ҳам яхши хабар, ойинг учун ҳам, сен учун ҳам. Айниқса сен учун.

ДИЛБАР. Қулогим сизда, ота.

МУЗАФФАР. Яқин соатда сенга совчи келади.

ДИЛБАР. (Кулиб) Яна совчи?

МУЗАФФАР. Бу гал айни муддао совчи.

ДИЛБАР. Совчи ким?

МУЗАФФАР. Сенга яхши маълум Саиджон. Ўзи учун ўзи совчи бўлиб келади. (Дилбар хохолаб кулади). Нега куласан? Ўзига ўзи совчи бўлиб келаёттанигами?

ДИЛБАР. Йўқ. Бунақасидан биттасини кўрдик. Мен бунақа совчиларга ўрганиб боряпман. (Яна ҳам қаттикроқ кулади.)

МУЗАФФАР. Нега куласан? Айт тезроқ!

ДИЛБАР. Энди бир кунда икки қизга баб-баравар совчи бўлиб келадиган довдир ҳам чиқибди-да (яна кулади).

МУЗАФФАР. Бу нима деганинг, Дилбар?

ДИЛБАР. Саиджон мени туғилган куним билан табриклигани келибди-да, Муаттар опага дуч бўлибди. Опа унга ёқиб қолибди. Саиджон ака Муаттар опани эргаштирган кўйи, узоқ йўқ бўлиб кетибди. Ўзингиз биласиз, Саиджоннинг боғи маҳалланинг - у бошида бўлса, бизнинг боғимиз - бу бошида. Улар сұхбати қизиб, икки хонадон орасида мокидай қатнай беришибди. Бизнинг дарвозага етганда, Муаттар опа неча маротаба уйга қайттай, деса Саиджон ака сира кўнмабди. Қатнай-қатнай улар охири хайрлашибди, аммо Саиджон фақат Муаттар опадан тўйға розилик олгандан кейингина уйга қайтишга рухсат берибида.

МУЗАФФАР. Муаттарнинг мунча тез рози бўлганига ҳайронман.

ДИЛБАР. Саиджон шунақа гапдон, шунақа сайроқи эмишки, унга рад жавобини бериш ҳеч бир қизнинг кўлидан келмас эмиш. Биласизми Муаттар опа, Саиджонга нима деб ном берибди?

МУЗАФФАР. (Кулиб) Саиджоннинг янги номи нима экан?

ДИЛБАР. “Булбулигўё”.

(Музаффар қаттиқ ҳайратта тушиб, турган жойида чўқади. Чироқ ўчади.

Чироқ ёнганида биз авансценада Музаффар билан Саиджоннинг учрашуви гувоҳи бўламиз).

САИДЖОН. Салом отахон!

МУЗАФФАР. Ў! Саиджон! Булбули гўёга салом!

САИДЖОН. Менинг саргузаштим дарров сизга етибдида.

МУЗАФФАР. Бўлмасам-чи? Бу хонадонда мендан узоқ сир сақлашмайди.

САИДЖОН. Мен сизнинг олдингизда гуноҳкорман, ота. Ваъдмата вафо қилолмадим. Узр!

МУЗАФФАР. Узрга ҳожат йўқ, йигит. Сен қалбинта қулоқ солибсан. Бу - энг тўғри йўл. Мен фақат Дилбарнинг тақдири яна шу итваччанинг кўлида қолганига ачинаман, холос.

САИДЖОН. “Итвачча!” Акабрга зап ном топибсиз-да, ота! Акбарнинг отаси - машхур пораҳўр. У муҳим вазифани эталаб олгану, жамиятга бир чақалик фойдаси йўқ, фақат муҳр босишу, имзо чекиши билади. Аммо ўзи мўмай пул ундириш пайида. Олдига бир иш билан кирсангиз, мумолали жуда ёғлик қиласди, аммо чап кафтингиз тескарисига ўнг кафтини уриб туриб “хўб, ишингизни албатта битириб берамиз, биродар, сира-сира ташвиш тортманг” дейди кўзларингизга тикилиб туриб. Беш бармогини беш бармогига ургани, биласизми, нима дегани?

МУЗАФФАР. Мен қайдан билай. Сен айт.

САИДЖОН. Бу “беш минг дўлларни чўзинг!” дегани. Бу имо-ишорани тушунмаган одамнинг шўри курийди.

МУЗАФФАР. Нафс гадоси! Ноинсоф!

САИДЖОН. (Унинг фазаби ортаборади.) Агар қонун бўлмаса, суд бўлмаса, қамоқхона бўлмаса, ҳалқнинг гўштини еб, суюгини пуркаб ташлайди бу ит.

МУЗАФФАР. Иモンсиз!

САИДЖОН. Иモンсизликда, харомхўрликда Акбар сира қолишмайди. Унинг мансаби кичикроқ, лекин бу итвачча баланднинг остидан, пастнинг устидан ўтиб ҳоҳлаганини ундиришининг ҳавосини олган устаси фаранг фирмормардан бири. Бу ҳаммага маълум. Шунинг учун пойтахтда, қизлар орасида Акбарнинг бозори касод.

МУЗАФФАР. Биламан, шунинг учун бу итвачча биз томонларда изғиб юрибди. Менинг сезишимча, Акбар бетайин одам, ундан ҳар қандай ёмонликни кутиш мумкин. Ё мен янглищдимми?

САИДЖОН. Йўқ. Янглишмадингиз... Акбарни, унинг отасини шунчалик билар экансиз, нега Озода опага фикрингизни айтмадингиз?

МУЗАФФАР. Неча бор айтганман, ишонмади. Бу гаплар ҳаммаси одамларнинг ҳасади, бўхтон эмиш.

САИДЖОН. Ҳақиқатан ҳам пораҳўрни тутиш қийин. Ҳамма иш енг учида битади.

МУЗАФФАР. Дилбар энди ана шу итлар хонадонига тушади.

САИДЖОН. Бу энди муқаррар!

МУЗАФФАР. Мен шунисига куяман.

САИДЖОН. Куйганингиз бефойда, отахон. Табиатда бир қонун бор. Бу қонунни “қовуннинг яхисини ит ейди” дейдилар. Бу қонунни бекор қилиш ҳеч кимнинг кўлидан келмайди. Афсус! Минг афсус. (Кетади.)

МУЗАФФАР. “Қовуннинг яхисини ит ейди”. Ё Оллоҳ, наҳотки Дилбар шу шафқатсиз қонуннинг қурбони бўлса!

ИККИНЧИ ПАРДА

Еттингчи кўриниш

Комиловлар боғидаги ўща айвон. Саҳна бир минут бўш туради. Сўнгра биз боф томондан икки ёшнинг хушчақа овозини эшитамиз. Саҳнада кула-кула Дилбар ва Азamat пайдо бўлади. Улар орқасидан таъкиб этиб кирган Акбар ўзини панага олади.

АЗАМАТ. Тўхтанг, Дилбархон! Менинг сизга муҳим гапим бор.

ДИЛБАР. Йўқ, Муҳим гапингизни сиз ойимга айтгансиз. Муҳим гапни энди мендан эшитинг.

АЗАМАТ. Ҳукмингизни жон қулогим билан эшитаман.

ДИЛБАР. Биласизми, сиз энди менинг кимим бўласиз?

АЗАМАТ. Билмайман. Аммо билишни истайман, жуда ҳам.

ДИЛБАР. (Эркаланиб) Сиз менинг жиловбардорим бўласиз. (Кула-кула тез чиқиб кетади)

АЗАМАТ. “Жиловбардор!” Сермайно сўз... Миннатдорман, минг бор миннатдорман. Дилбархон! Шошманг, менинг ҳам

сизга айтадиган олтин сўзларим бор. (Дилбар кетган томонга чопади, Акбар панадан чиқади.)

АКБАР. Ана холос! Мен фафлатда қолибман-ку! “Боғ ҳаридори” аслида қиз ҳаридори экан-ку! Нодон Азamat! Сен жуда ҳам баланд дорга осилибсан. Орада мен бўлмаганимда сен, эҳтимол муроду мақсадинга етган бўлар эдинг, аммо мен... Сен чучварани хом санабсан, Азamat! Мен оғзидаги ошини бошқаларга олдириб қўядиган лапашанглардан эмасман... (эслаб) “Сиз менинг жиловбардоримсиз”. Ажаб, бу нима дегани бўлди? (Кетади. Чироф ўчади. Чироф ёнгандан биз Музаффар билан Озодани дастурхон устида кўрамиз.

Музаффар дастурхонни кўздан кечирмақда).

МУЗАФФАР. Ў-хў. Дастурхонинг жуда зўр-ку, Озода.

ОЗОДА. Кўлимиздан келганича.

МУЗАФФАР. Замонамизнинг бир аломатига ҳайрон қоламан: одамлар қўйинчиликлардан нолишади, аммо қаёққа борсанг, тўкин дастурхонга дуч келасан.

ОЗОДА. Худонинг қудрати бу!

МУЗАФФАР. Мехмонлар ҳам йигилган бўлса керак.

ОЗОДА. Ҳаммаси шу ерда. Сув бўйида ўтиришади.

МУЗАФФАР. Чакир бўйласа.

ОЗОДА. Мехмонларни дастурхонга таклиф этишдан аввал сизга бир саволим бор. Сиз бир понани икинчи пона билан уриб чиқаришга астойдил бел боғлаб, бирорнинг олдига щошган эдингиз. Натижа қанақа бўлди?

МУЗАФФАР. Натижа - нўл.

ОЗОДА. Натижа нўл бўлгани ёмон бўбди-да! Сиз ҳар бир савоб ишни охирига етказишина яхши кўярар эдингиз.

МУЗАФФАР. (Ўйланиб туриб, бирданига руҳланиб кетади). Йўқ! Мен янгилишдим, Озода. Натижасини сенга қандай тушишнирсам экан... Ҳар ҳолда сен ютқизмадинг, аксинча ютдинг. (Ўйланиб туриб.) “Қўйинингдан тўкилса, қўнжинга” деб шуни айтадилар-да!”

ОЗОДА. Яъни?

МУЗАФФАР. (Яна ҳам ортиқроқ руҳланиб) Озода, меҳмонларни дастурхонга тезроқ таклиф эт! (Озода кетади. Чироф ўчади). Чироф ёнганида биз Музаффар, Озода, Акбар, Сайджон, Азamat, Муаттар ва бошқа меҳмонларни дастурхон устида кўрамиз. Дастурхонни безаган мўл неъматлар орасида ичкиликтан фақат шампан виноси бор.

МУЗАФФАР. (Кўлида қадаҳ. Ўтиришни очади). Гўзал Дилбаримиз! Сен бутун ўн саккиз ёшласан. Бу ёш аёл ҳаётida жуда серташвиш палла. Ҳазрат Навоий айтганларидек:

Не ажабким, сарвинозим ўн саккиз ёшиннадур,

Ўн саккиз олам ошуби аининг бошингдадур.

Бизнинг ҳаммамизнинг тилагимиз битта. Илоҳо, сен шу ёшда қиз бола бошига тушадиган ҳамма имтиҳонлардан соғу саломат ўтиб, баҳтингни топгин! (Мехмонлар туриллаб мъкуллайдилар. Ичадилар.)

АКБАР. Менга сўз беринг, оқсоқол.

МУЗАФФАР. (Ташвища. Совуқлик билан.) Марҳамат! (Дилбар ва Озода Акбарнинг сўзига алоҳида эътибор бериб эшигтадилар.)

АКБАР. (Дилбарга) Қадрли қариндош! Мен сени ҳар кимнинг умрида фақат бир маротаба бўладиган нодир кун билан табриклийман! Азиз меҳмонлар! Биз ҳозир ўтирган даргоҳда бир вақтлар машҳур академигимиз Йўлдош Комилов истиқомат этган. Бинобарин, кимки шу хонадоннинг бундан кейинги тақдирини ўз қўлига олса, кимки уни янада обод этса, шу одам ҳалқимизнинг ҳурматига лойиқ бўлади. “Қуруқ қошиқ оғиз йирилади” дейдилар. Мен Дилбархоннинг ўн саккизга кирган шу кунида ҳамманизга эълон этаманки, шу азиз маконнинг бундан кейинги тақдирини мен ўз қўлимга оламан. Қариндошлиқ бурчи менинг бу мажбуриятимни янада фахрлироқ этади. (Катта ва жуда муҳим вазифани адо этган киши каби фуур билан ўтиради.)

ҲАММА. Баракалло! (Бу умумий садога қўшилмаган Дилбар ўрнидан туриб, кетабошлиди.)

ОЗОДА. Тўхта, болам, қаёққа щошасан?

ДИЛБАР. Ошхонадагиларга кўмаклашиб юборай.

ОЗОДА. Ошхонадаги хизмат тамом бўлган. Ўтири. (Дилбар ўтиради. Сукунат.)

МУЗАФФАР. Энди қадаҳ сўзи айтиш - ихтиёрий.

МЕҲМОНЛАРДАН БИРИ. Мен Озодаҳоннинг ён қўшиниси бўламан. Узоқ қўшичилик туфайли биз қариндошларга айланганмиз. Шундай эмасми, Озодаҳон?

ОЗОДА. Худди шундай. “Ён қўшини - жон қўшини” деган мақол сиз билан бизнинг ҳақимизда айтилган бўлса керак.

МЕҲМОН. (Давом этади) Биз ён қўшинимизни бъзви қариндошларимиздан афзал кўрамиз. Бутун истаймизки, бу хонадонга янги аъзо бўлиб келувчи куёв бизнинг севикли Дилбаримизга муносиб бўлсин. Шу тилак билан мен бу қадаҳни Дилбархон саломатлиги учун ичаман.

ҲАММА. Балли. (Чироф ўчади. Чироф ёнганида ўтириш тамомланаётган бўлади.)

МУЗАФФАР. Ўтиришимиз ҳам, телевизорчиларимиз таъбири билан айтганда, ниҳоясига етади деб қолди. (Мехмонлар енгил куладилар.) Катта файрат ва ҳиммат билан яратилган дастурхон ҳам етарли дараҷада вайрон этилди. (Умумий куғи.) Мен охирги сўзни узоқдан келиб, боядан бери сукут сақлаҳ ўтирган меҳмонимизга бермоқчиман. (Азamatга ишора этади.)

АЗАМАТ. Раҳмат! Аммо мен бу ерда янги, бегона кишиман. Қадаҳ қўтаришга ҳаққим бормикин?

ДИЛБАР. (Шошиб) Бор, ҳаққингиз бор, Азamat ака! (Акбар жаҳл билан ўрнидан туриб, чиқиб кетади. Ўнгайсиз сукунат.)

ОЗОДА. Гапираверинг, меҳмон!

АЗАМАТ. (Дилбарга мурожаат этади) Мен бу ерда сизнинг шаънингизга айтилган ҳамма яхши сўзларга ва эзгу тилакларга қўшиламан ва қўшимча қўлмоқчиман. Бир вақтлар шу хонадонда айтилган доно ва машҳур сўзлар эсимга тушди ҳозир: “Менинг уйимга бойлик кирса-ю, имон кетса, мен бу уйга ўт қўяман, ўт!” Мен истайманки, бу сўзларни биз ҳаммамиз васият деб тушунайлик ва ҳамма хонадонларда унга сидқи дил билан амал қиласайлик. Илоҳим, бизнинг дилларимизни ва хонадонларимизни Йўлдош Комиловнинг пок руҳи асло тарк этасин!

ҲАММА. Баракалло!

МУЗАФФАР. Азиз меҳмон! Ростини айтсан, мен ўтириши қандай якунлашни билмай туриб эдим. Сиз мени кутқардингиз. Мендан сизга алоҳида раҳмат.

АЗАМАТ. Арзимайди.

САЙДЖОН. (шошиб Музаффарга мурожаат этади) Отахон!

МУЗАФФАР. Лаббай.

САЙДЖОН. Бир тадбирни тугаган деб ҳисоблаш мумкиними?

МУЗАФФАР. Ҳа, мумкин.

САЙДЖОН. Энди янги бир тадбирни бошлашга руҳсат берасиз.

МУЗАФФАР. Қандай тадбир?

САЙДЖОН. Ҳамманиздан ўтиниб илтимос қиласайлик. Эртага роса соат иккода шу ерда ҳозир бўлинглар.

ИККИНЧИ МЕҲМОН. Янги тадбиринг нимадан иборат, ўигит?

САЙДЖОН. Эртага, йигилганимизда айтилган.

МУЗАФФАР. Ҳарбий сир дегин (Кулиб.)

САЙДЖОН. Худди шундоқ. Балки ундан ҳам ортиқроқ.

МУЗАФФАР. Сайджоннинг илтимосини қондирсак, нима дейсизлар?

ОВОЗЛАР. - Маъқул.

- Бемалол.

САЙДЖОН. (Ҳаммага) Миннатдорман. (Музаффарга.) Запиш қўлдингиз-да, ота, миннатдорман. Энди менга руҳсат берасиз. Шошаман. Битирадиган ишларим кўп.

МУЗАФФАР. Сенга руҳсат, Сайджон.

САЙДЖОН. (Кетаётуб, Муаттарга.) Эрталабдан бошлаб,



расмийлаштириш билан машғул бўламан. Айтилган жойга албатта ётиб келинг.

МУАТТАР. Хўп.

САИДЖОН. Эртага учрашунимизча. (Кетади)

МУАТТАР. (Музаффарга мурожаат этади.) Отахон!

МУЗАФФАР. Лаббай.

МУАТТАР. Бу йигитнинг "ҳарбий сири" мен учун асло сир эмас.

МУЗАФФАР. Мен учун ҳам. Сайджон жамоат олдида сендан унинг жуфти ҳалоли бўлишини илтижо этмакчи.

МУАТТАР. Мен жавобга тайёр эмасман. Чунки ота-онам ёнимда эмас. Марғилонда. Сиз улар ўрнида маслаҳат беринг, ота. Мен Сайджонга қанақа жавоб берай?

МУЗАФФАР. Кечир мени, Муаттар. Мен сенинг илтимосингни бажо этолмайман.

МУАТТАР. Нега?

МУЗАФФАР. Ҳеч ким фарзанд учун ота-она ўрнини босолмайди.

МУАТТАР. Аммо Сайджон бу масалани эртага ҳал этишимни илтимос қилган. Мен бечора энди нима қилишим керак?

МУЗАФФАР. Қалбингта кулоқ сол, Муаттар! (Чироф ўчади. Чироф ёнганида биз Дилбар билан Музаффарнинг сұхбати гувоҳи бўламиш.)

МУЗАФФАР. Бу қарорингдан мен жуда ҳам хурсандман, Дилбар.

ДИЛБАР. Хурсанд бўлишингизни билар эдим, шунинг учун қароримни сизга етказишига шошдим.

МУЗАФФАР. Бу гапларингта мен ишонолмайроқ турибман, Дилбар.

ДИЛБАР. Ишонаверинг, ота.

МУЗАФФАР. Мен сенинг қишлоқ шароитидаги ҳётингни сира тасаввур қилолмаяпман. Сен... Сен сигир соғасан, сен молнинг тагини тозалайсан. Сен...

ДИЛБАР. (Ҳазиллашиб) Мен бечора қизнинг не иложим бор: Оллоҳ, таоло қалбимга шу йигитнинг ишқини соглан бўлса? (Кулади)

МУЗАФФАР. Кудратингдан ўргилай, Парвардигор! Азаматта тегишга қарор қилганингдан ойинг хабардорми?

ДИЛБАР. Хабардор, албатта. "Мен қариндошимга қайишдим, аммо ўз боламнинг баҳтини ҳамманинг баҳтидан афзал кўраман" дедилар ойим.

МУЗАФФАР. Барокалло. Азаматни энди қачон хурсанд қиласан?

ДИЛБАР. Эртага жавоб олгани келганида... Энди ойим билан менинг сиздан бир илтимосимиз бор, ота.

МУЗАФФАР. Тезроқ айт, илтимосинни!

ДИЛБАР. Менинг шу қароримни бир илож қилиб ана у совуқка етказсангиз.

МУЗАФФАР. Яъни Акбарга?

ДИЛБАР. Ҳа. Ана шу гўрсўхтага. Илтижо қиласман: мени шу касофатдан қутқаринг.

МУЗАФФАР. Жоним билан! (Чироф ўчади. Чироф ёнгандан Музаффар билан Акбарни сұхбат чогида кўармиз).

АКБАР. Оқсоқол, мен сизни тўғри тушунган бўлсам, сиз ҳозир менга Дилбардан воз кечишни тавсия этяпсиз.

МУЗАФФАР. Шундай қислангиз, сих ҳам куймайди, кавоб ҳам. Ҳаммадан муҳими - сизнинг обруйингизга путур етмайди.

АКБАР. Сизнинг бу тавсиянгиздан Дилбар билан онаси хабардорми?

МУЗАФФАР. Ҳа, хабардор.

АКБАР. Демак, сиз уларнинг топширигини бажаряпсиз.

МУЗАФФАР. Ҳа.

АКБАР. (Фазабда) Шундоқ денг!

МУЗАФФАР. Ҳа, шундоқ! (Акбарнинг кўнгли учун гапиради.) Сиз ҳижолат тортманг, аслини олганда Дилбар сизга муносиб жуфт эмас.

АКБАР. Муносиб жуфт эмаслиги аниқ-а! Аммо одамлар

нима деб ўйлашади? Ахир, менинг Дилбарга совчи, қўйганимни кўплар билади. Улар менинг Дилбардан ихтиёрий рашида воз кечганимга ишонармикан? Йўқ, ишонмайди! Дилбарнинг қарори мени одамлар олдида шарманда қиласди. Мен бунга рози эмасман!

МУЗАФФАР. (Фазабини тутолмай) "Сўймаганга сўйканма" деганлар. Доно мақол! (Сукунат)

АКБАР. (Масхара билан.) Оқсоқол мендан энди жавоб кутадилар. Шундайми?

МУЗАФФАР. Шундай.

АКБАР. (Таҳдид билан.) Жавобимни Дилбар менинг ўзимдан эшигади. (Кетади.)

МУЗАФФАР. (Ақбарнинг орқасидан сўқинади.) Тақдиринга тан бериб, четта чиқиши ўрнига бечора қизга таҳдид этсан! Номард... Ё Оллоҳ, Дилбарни бу итваччанинг чангалидан энди фақат сен кутқазасан. Кудратингни яна бир кўрсат, Парвардигор! (Чироф ўчади. Чироф ёнганида биз Акбар билан Дилбарни қизгин тортишув пайтида кўрамиз. Ташқарида - қоронғу тун.)

АКБАР. Қани, айтгин ўзинг Дилбар, шу йигитнинг мендан нимаси афзал?

ДИЛБАР. Нимаси афзал? Айттолмайман. Аммо мен Азаматта ҳозирданоқ қўнишиб қолдим. Гёй мен Азамат билан бир вақтда туғилиб, бир хонадонда катта бўлғанмиз. Бу - яхши аломат бўлса керак.

АКБАР. Янглишасан, Дилбар! Қаттиқ янглишасан!

ДИЛБАР. Мен Азаматни севаман! (Айвон шипидаги қандил лип этиб ёнади).

АКБАР. Кўр-кўёна мухаббат! "Подшоҳ қизининг мухаббати курбақага тушибди" деб шунни айтадилар-да. Биласанми, Азамат аслида ким? Мен у билан беш йил қишлоқ ҳўжалиги институтида ўқиганманд. Мен Азаматнинг кимлигини яхши биламан. Ҳа!

ДИЛБАР. Азамат ким?

АКБАР. Азамат - чайқовчи. Машхур чайқовчи.

ДИЛБАР. Ёлғон! Бўхтон!

АКБАР. Ишонмасанг, ўзидан сўра. Чайқовчилигини бўйнига олмаса, мени гувоҳликка чақир. Мен у ёлғончини дарров иқор бўлишига мажбур этаман.

ДИЛБАР. (Қаттиқ изтиробда. Узоқ жим қолади. Кейин кўзларида ёш билан бақиради.) Кетинг! Сизни кўришига кўзим йўқ!

АКБАР. Ана, холос! Мен сенга ачинганимдан гапираётимран, сен эса... Яхшиликка ёмонлик экан-да!

ДИЛБАР. Кетинг! Тезроқ! Бўлмаса, мен ҳозир юзингизга тупуриб ташлайман!

(Акбар Дилбарнинг ҳолатига ҳайрон бўлиб, бир зум унга тикилиб, туриб қолади. Сўнтра қизнинг таҳдиди жиддий эканини тушуниб, шошиб чиқиб кетади. Дилбар зор-зор йиглади. Анчадан сўнг ўзига келиб, тинчланиб, Йўлдош Комилов портрети олдига боради.) Бобоҷон, бобо! Сиз нечун бу дунёни тарқ этишига мунчалик шошдингиз? Мен бугун сизнинг доно маслаҳатингизга муҳтожман! Сизнинг ҳукминизга муштоқман, бобоҷон! (Чироф ўчади. Чироф ёнганида "Имон" драмасидан эпизод ўйналади. Саҳнада Йўлдош Комилов, Санжаров, Ориф, Ойша ва ёш Озода. Улар айвонда иккинчи қаватта чиқадиган пиллапоя атрофида йигилган. Ҳамма ҳаяжонли бир ҳолатда.)

КОМИЛОВ. Менинг ўлем имитатор, ўри! У марҳум Юсуповнинг кўләзмасини ўғирлаб, кандидатлик диссертацияси қилиб ёқлаган. Юсупов кўләзмасининг яна бир қисми эса йўқолган.

САНЖАРОВ. Йўқ. Юсупов диссертациясининг асосий қисми йўқолган эмас, Йўлдош!

ОРИФ. (Ваҳимали бақиради) Санжаров!

САНЖАРОВ. (Комиловга) Шундай! Юсупов кўләзмасининг фақат бир қисминигина ўғлинг кандидатлик диссертацияси қилиб ёқлаган. Кўләзманинг асосий қисмини эса, ўғлинг докторлик диссертацияси қилиб ёқлаш учун бекитиб

ётибди.

КОМИЛОВ. Ўғлим! Наҳотки бу гап ҳам рост бўлса! (Орифжим.) Қандай расвогарчилик!

ОЙША. Қандай шармандали!

ОЗОДА. Қандай хўрлик!

КОМИЛОВ. (Орифга.) Кандидатлик диссертация ёзиш ўзингнинг ҳам кўлингдан келар эди-ку, беномус!

САНЖАРОВ. Ўғлинг тезроқ бой бўлай деб шундай қилди. (Шиддаги қандилга ишора қилиб.) Мана бу ҳашаматли қандил ҳам ўғлингнинг янги ойлигига келган.

КОМИЛОВ. (Ўелига.) Имонсиз! (Назари қандилга тушади. Чексиз азобда.) О, бойлик, бойлик! Сен менинг уйимга кирадиган бўлсангу, имон кетадиган бўлса, мен бу уйга ўт қўяман, ўт! (Яқинда турган стулни даст кўтариб, қандилга отмоқчи бўлади, аммо бирданига кўкрагини ушлаб, ҳолсизланиб йиқила бошлади. Умумий саросима. Чироқ ўчади.

(Чироқ ёнганида биз ўша айвонни бўш кўрамиз. Эртаси куни эрталабки пайт. Акбар ўз хонасидан чиқади. Қўлида - чамадони. У фазабли бир кайфиятда кўча томонга тез чиқиб кетади. Бир дақиқадан сўнг Дилбар ўз хонасидан чиқади. Унинг ҳам кайфияти бузук, кимнид: р бетоқат кутади. Азamat пайдо бўлади. Дилбар уни фазабли назар билан кутиб олади.)

АЗАМАТ. Салом, Дилбархон.

ДИЛБАР. (Саломга жавоб қайтариш ўрнига бақиради.) Сиз чайқовчимисиз?

АЗАМАТ. (Кулиб.) Ҳа, бир вақтлар мен тенгқурларим орасида шу ном билан машҳур эдим.

ДИЛБАР. Кетинг бу ердан! Чайқовчининг бу пок даргоҳга қадам босишга ҳаққи йўқ!

АЗАМАТ. Сабр қилинг, мен сизга тушунтириб...

ДИЛБАР. Сизнинг тушинтиришларингизни эшигадиган аҳмоқ қулоқ йўқ. Кетинг тезроқ!

АЗАМАТ. Бу гап жиддийми?

ДИЛБАР. Йўқолинг тезроқ, деяпман сизга! Сизни кўришга кўзим йўқ!

АЗАМАТ. (Ўйланиб туриб.) Ундан бўлса, аввал сиз кетинг.

ДИЛБАР. (Фазабда.) Сиз мени ҳайдаяпсизми?

АЗАМАТ. Йўқ, сиз мени ҳайдаяпсиз. Аммо барибир сиз кетмагунингизгача мен жойимдан жилмайман!

ДИЛБАР. (Ўйланиб туриб.) Мана, мен кетдим. (Кетади.)

АЗАМАТ. (Бу тамом кутилмаган воқеанинг содир бўлганига сира ишонмай боши қотади.) Тавба.. (Ўйланади. Уни энди ғазаб босади. Дилбар томонга ғазаб билан назар ташлайди. Сўнгра бу жойга иккинчи қадам босмасликка қасам ичган киши каби шиддат билан чиқиб кетади. Саҳна бир минут бўш туради. Озода пайдо бўлади.)

ОЗОДА. (Чакиради) Дилбар!

ДИЛБАР. (Пайдо бўлади) Лаббай, ойи. (Озода уни узок кўздан кечиради. У ҳайрон.)

ОЗОДА. Нега хафасан?

ДИЛБАР. Ўзим.

ОЗОДА. Азamat келмадими?

ДИЛБАР. Келди.

ОЗОДА. Сенинг сўзларинг Азamatни жуда хурсанд қилган бўлса керак. (Дилбар жавоб бермайди.) Нега жимсан? Кайфиятинг аллақандай? Бирор гап борми?

ДИЛБАР. Мен Азamatни ҳайдаб юбордим.

ОЗОДА. Ҳайдаб юбординг?

ДИЛБАР. Қайтиб келмайдиган қилиб, ҳайдаб юбордим.

ОЗОДА. Нега? Гапир тезроқ!

ДИЛБАР. Азamat чайқовчи экан.

ОЗОДА. Чайқовчи?

ДИЛБАР. Машҳур чайқовчи. (Йиглайди.)

ОЗОДА. Нега йиглайсан? Ўзинг ҳайдаб юбориб, ўзинг нечун йиглайсан?

ДИЛБАР. Билмадим! (Алам билан.) Ҳаммасига ана у қариндошингиз сабаб.

ОЗОДА. Ажаб! Акбаржон сенга нима ёмонлик қилди!

ДИЛБАР. Акбар мени орзумдан жудо этди, умидларимни ер билан яхсон қилди! Жинимдан ҳам ёмон кўриб қолдим ўша гўрсўхтани!

ОЗОДА. Акбарни қарфама. У ҳали сендан умидини узгани йўқ.

ДИЛБАР. Мен аллақачон қариндошингизнинг паттасини қўлига бериб, думини тутиб юборгандман.

ОЗОДА. Сен Акбарни нима қилдинг?

ДИЛБАР. Акбар эрталаб олдимга кирди. Бир вақтлар хотира учун деб менга суратини берган эди. Шу сувратдаги кўзларини игна билан тешиб-тешиб, қўлига тутқиздим.

ОЗОДА. Ё Олло! Акбар бечора нима қилди?

ДИЛБАР. Акбарингиз қизарди, бўзарди, кўкарди, нималардир деб тўнгиллади, кейин югурб чиқиб кетди.

ОЗОДА. Шўримни куритисан-ку, нодон! Мен энди қариндошларимнинг кўзига қандай қарайман? (Чироқ ўчади. Чироқ ёнди. Саҳна бўш. Кундузи. Кўча эшиги қўнғироги эшилтилди. Озода пайдо бўлади.)

ОЗОДА. Муаттар!

МУАТТАР. Ошхона томондан пайдо бўлади. Лаббай, хола?

ОЗОДА. Сайджон келди шекилли. Эшикни оч.

МУАТТАР. Хўб. (Кетади, Дилбар пайдо бўлади.)

ДИЛБАР. Келган ким бўлди?

ОЗОДА. Ким бўлар эди? Сайджон-да.

ДИЛБАР. Наҳотки, бутун бизнинг уйимизда тўй бўлса?

ОЗОДА. Бўлади. Ана Сайджон келаётир. Демак, тўй бўлиши аниқ.

ДИЛБАР. Ажойиб тўй!

(Сайджон ва Муаттар кирадилар. Сайджоннинг бир қўлида - катта тутун, иккичи қўлида чоғроқ кути.)

САЙДЖОН. Мехмонларимиз келишдими?

МУАТТАР. Ҳозир пайдо бўлишиади. (Сайджон қутини Дилбарнинг қўлига тутқизиб, унга имо-ишора билан ичкарига кириб, Муаттарни ясантириб чиқиши топшириди. Ўзи саҳна ўтасидаги столга тутундаги неъматларини сочиб ташлади. Бу - сихлик кабоб, булкалар, шоколад ва шампан виноси. Мехмонлар пайдо бўладилар. Улар бошида Музаффар ота. Келинчак либосида Муаттар пайдо бўлади. Чапаклар ва олқишлар. Сайджон таклифи билан меҳмонлар дастурхон атрофига йиғилишадилар.)

САЙДЖОН. Азиз меҳмонлар! Муаттархон билан мен тақдиримизни абадий боғлашга аҳд қилдик. Афсуски, шароити бу муҳим воқеани муносиб равищда, одатларимизга риоя қилган ҳолда, ўтказишга имкон бермаётир. Мен Қашқарга шошаймиз. Кечикишга ҳаққим йўқ. Виза бекор бўлади, чегарадан ўтказишмайди, клиентларим тарқалиб кетади. Муаттархон билан эса мен бир кун ҳам ажралишгим йўқ. Отоналаримиз Андижонда ва Марғилонда. Мен Муаттархондан сафаримда ёнимда бўлишини илтико қилдим. Тўйимизни сафардан кейин қилишимизга ҳам Муаттархонни кўндиридим.

МУАТТАР. Сиз шошманг. Ҳар ҳолда, ота-оналаримизга аввал бир кўриниш берсак, ёмон бўлмаёт эди-да, Сайджон ака.

САЙДЖОН. (кулиб) Сизнинг ота-онангизга кўриниш беришга кўрқаман.

МУАТТАР. Нега?

САЙДЖОН. Мен уларга ёқмай қолсан, шўрим куриб қолади!

МУАТТАР. (жиддий.) Нега ёқмайсиз? Менга ёқасиз-у, ота-оналаримга ёқмайсизми?

МУЗАФФАР. (кулиб) Ундан бўлса, қизим, масала равшан экан. Савоб ишни кечикиришни ёмон кўраман. Қани, нияtingни изҳор эт, йигит.

САЙДЖОН. Бизнинг никоҳимизга фотиҳа беринг, ота-хон.

МУЗАФФАР. Болаларим, узил-кесил фотиҳани ота-оналарингиздан оласизлар. Биз сизларга хайрли сафар ва баҳти умр тилаб қоламиз. Шундай эмасми, яхшилар?

ҲАММА. Худди шундай.



САИДЖОН ва МУАТТАР. Раҳмат.

(Автомобил гудоги эшитилади)

МУЗАФФАР. Ўзи нима гап, йигит?

САИДЖОН. Ажабланманг, ота, дўстларим мени кузатиб олиб кетиш учун кўчага йифилган. Энди бизга рухсат берасиз, отахон.

МУЗАФФАР. Марҳамат.

МЕҲМОНЛАР:

- Тўйингиз муборак бўлсин!

- Кутлаймиз!

- Табриклаймиз.

- Сафарингиз хайрли бўлсин.

САИДЖОН. Азизлар, чин тўйга қарздорман! (Узоқлашаёт.) Сафардан қайтгач, шундай тўй қиласми, марғилонликларнинг ҳам, андижонликларнинг ҳам оғзи очилиб қолсин. Ҳозирча хайр!

ОВОЗЛАР. - Хайр.

- Саломат бўлинглар.

(Муаттар ва Сайджон чиқиб кетадилар. Улар орқасидан ҳамма кетади. Саҳна бўш қолади. Кўча томондан кўп машиналарнинг гудоклари эшитилади: келин билан кўёвни дўстлари шундай қарши оладилар. Гудоклардан бутун бир бир симфония юзага келади. Ва чор атрофни ларзага солади. Симфония авжига чиққач, тез узоқлашади. Саҳнада - жимжитлик хукмрон. Дилбар киради. У жуда хафа. Бир чеккага ўтириб, жим йиглайди. Озода киради. Қизининг ахволига узоқ назар ташлайди).

ОЗОДА. Ҳа, яна нима бўлди? Нега йиглайди?

ДИЛБАР. Бу дунёдан чиқиб кетгим келяпти, ойижон!

ОЗОДА. Ана холос! Энди сен қилмаган номаъкул ишлардан битта шу таркидунчёчилик қолган эди! (Қизининг ёнига ўтиради.) Уйингда ўзингнинг тўйинг бўлмасдан бироннинг тўйи бўлгани сенга ёқмадими?

ДИЛБАР. (Жиддий) Йўқ! Асло. Бироннинг баҳтига гувоҳ бўлиш ўзи ҳам бир баҳт, ойижон!

ОЗОДА. Демак, сен ҳозир ўз баҳтингнинг вайрон бўлганига йиглајпсан. (Қизидан жавоб кутади. Дилбар - жим.) Бўлар иш бўди, энди йиглашдан нима фойда? Ўтган ишга салавот. Кўп куяверма, қизим. Ҳали ёшсан. Сенга куёв кўп чиқади. Буниси бўлмаса, бошқаси-да!

ДИЛБАР. Бошқасининг менга кераги йўқ. Энди ҳеч кимнинг кераги йўқ менга!

ОЗОДА. Ҳуб бўди! Ажаб бўди! Сенга энди ҳеч ким керак бўлмаса, ўтири уйда қари қиз бўлиб! Дилбар яна секин йиглайди. Музаффар киради. Унинг кайфияти жуда яхши.)

МУЗАФФАР. Салом, азиз қўшилар! (Унинг кайфияти нима учундир Озодани ташвишга солади.)

ОЗОДА. (Шошиб қизига мурожаат этади.) Бор, қизим, ичкарига кир! Дамингни ол. (Дилбар кетади).

ОЗОДА. Келинг ота. Ўтиринг.

МУЗАФФАР. (Сукунатдан сўнг, аввалгидан ҳам ортиқроқ мамнуният билан.) Кеча телевизорда “Саховатли кишилар” туркумида кўрсатилган фильмни кўрган бўлсангиз керак.

ОЗОДА. (Бирданига жиддийлашиб, ташвишда.) Ҳа, кўрдим.

МУЗАФФАР. Табриклайман! (Озода бу сўзларини эътиборсиз қолдиди.) Қизинг ҳам Азamat ҳақидаги бу телевизорни кўрдими?

ОЗОДА. Йўқ, Қизим уйда эмас эди.

МУЗАФФАР. Э, аттанг! (Рұхланиб) Бу йигит бало экан! Бало! Ширкат бошлиғи. Ўн гектар bog. Қанчча чорва! Яна сониз-саноқсиз парранда. Хўжалиги рентабелли. Банқдан қарзи йўқ. Азamat қишлоқда мактаб куришга катта маблағ ажратишга ҳам қодир. Боз устига, истиқболини айтмайсизми? Немислар билан биргалашиб, қишлоқда шарбат заводи очиш тарафдудида... Телевизорчиларга раҳмат, машҳур тадбиркор, замон ҳаҳрамонлари ҳақида шундай ҳужжатли фильмларни кўпроқ яратиш керак. Бу шов-шув воқеадан қизингни хабар-

дор қилдингми?

ОЗОДА. Йўқ.

МУЗАФФАР. Нега айтмадинг унга. Айт тезрок! Қизингни хурсанд қил.

ОЗОДА. Секироқ гапиринг. Дилбар эшитиб қолади!

МУЗАФФАР. Нега мунча ваҳима қиласан? Ўзи нима гап?

ОЗОДА. Мен бу воқеани қизимга ҳеч қачон айтмайман.

МУЗАФФАР. Нега? Нечун айтмайсан? Гапир?

ОЗОДА. (Алам билан) Дилбар Азamatни уйимиздан ҳайдаган.

МУЗАФФАР. (Ишонмай.) Ҳайдаган?

ОЗОДА. “Кетинг. Йўқолинг”, деган.

МУЗАФФАР. Ажаб! Йигитнинг гуноҳи нима экан?..

ОЗОДА. Азamat - чайқовчи бўлган экан.

МУЗАФФАР. Чайқовчилик қилган бўлса, нима бўпти?

Мен ҳам студентлигимда чайқовчилик қилган эдим. Оталаримиздан пул сўрашга уялганимиздан шундай қилишга мажбур бўлар эдик биз.

Отам бечора пули бўлмаганида жуда ҳам хижолат тортар эди. Менинг хижолатчилигимни айтмайсанми? (Кулади) Кейин савдо министри бўлганимда чайқовчиликда орттирган тажрибам анча кўл келган эди.

ОЗОДА. Минг афсуски, қизим Азamatни уйимиздан ҳайдаганда сиз унинг ёнида бўлмабисиз!

МУЗАФФАР. (Сукунатдан сўнг) Шундай қилиб, Азamat кетди, дегин.

ОЗОДА. Кетди. Қайтмас бўлиб, қишлоғига кетди.

МУЗАФФАР. Ундай бўлса, қизинг бечора Азamatтага жуда ҳам жабр қипти.

ОЗОДА. Қизим ҳаммадан кўпроқ ўзига ўзи жабр қилди. Дилбар ўзи ёқсан гулханда ўзи куяяпти, кул бўляпти.

МУЗАФФАР. Қани энди шу топда Азamat “Ассалому алайкум” деб эшикдан кириб келса, Озода.

ОЗОДА. Бу орзуингиз - пуч хаёл, ота.

МУЗАФФАР. Санамай саккис дема, қизим. “Баҳтнинг қаноти бор”, дейдилар. Учibur кетган баҳт учib келса, не ажаб?

ОЗОДА. Тушундай турибман, отахон, бу сўзларини сиз мени юпатиш учун айтаяпсиз.

МУЗАФФАР. Йўқ, Озода. Бу сўзларни мен ўзимни ўзим юпатиш учун айтаяпман!

ОЗОДА. Келинг энди, ҳақиқатнинг кўзига тикка қарайлик. Азamat кетди. Қайтиб келмас бўлиб кетди.

МУЗАФФАР. “Пешанантга сифмаган ёр” деб шуни айтадилар-да!

ОЗОДА. (Алам билан) Қизимнинг не гуноҳи бор эканки, худойим уни жудолик ўтига ташлайди.

МУЗАФФАР. Қизингнинг ҳеч қандай гуноҳи йўқ. Дилбар ёшликка хос бир хасталикка мубтало бўлган холос.

ОЗОДА. Хасталик?

МУЗАФФАР. Бир хасталик борки, уни европаликлар “максимализм” дейдилар. Максималист бошқалар олдига ҳаддан ташқари талабларни қўяди ва шу беҳуда талабларга мос келмайдиган одамни чиппакка чиқаришга шошади. Максимализм ёшлар орасида тез-тез учраб турадиган бир ҳодиса. Хайриятки, қиз ёки йигит ёши ўтиб, балоғатга этиши билан бу хасталикдан қутулганини ўзи ҳам сезмай қолади.

ОЗОДА. (Афсус билан) Менинг қизим бу хасталикдан қутулганида...

МУЗАФФАР. Азamat қаерда бўлади, демоқчисан-да, Озода?

ОЗОДА. Ҳа, шуни айтинг, отахон.

МУЗАФФАР. Қизинг максимализм хасталигидан қутулганида Азamat бошқа қизнинг кучогида бўлади. Шундай эмасми, Озода?

ОЗОДА. Афсуски, шундай.

(Музаффар кета бошлайди)

МУЗАФФАР. (Остонада) Айтгандек, бу кеча эсимга тушди: мен Азamatнинг отаси билан таниш эканман. Икки-уч маротаба уйимга кириб келган эди. Суҳбати ширин, дилкаш

киши эди. Қизингни кўп мақтади. Айниқса, азонда эшик тагини тозалаши чолга жуда ёқсан экан.. (Афсус билан.) Шундай қилиб, қизингнинг хатоси оқибатида сен фақат ажойиб кўёвдангина эмас, яхши кудадан ҳам ажраб ўтирибсан... О ёшлиқ, ёшлиқ, бебошлиқ! Бир ёзувчи айтган экан. Қайтадан ёшаришни истайсизми, ёшлиқдаги хатоларингизни такрор этинг. Доно сўзлар! (Кетади. Озода хоналардан бирига кириб кетади. Кун ўтиб, қоронғу тушади. Чироғлар ёнади. Дилбар пайдо бўлади. Унинг кўлида чамадон. У сафарга отланган кайфиятда. Гўё бу хонадон билан хайрлашаётгандек бир чеккага ўтириб жим қолади. Озода пайдо бўлади.)

ОЗОДА. Яна бу нима қилиқ?

ДИЛБАР. (Қатъий) Мен кетаман!

ОЗОДА. Қаёққа кетасан?

ДИЛБАР. (Тўғри жавоб беришни истамай) Бошим оқкан ёққа!

ОЗОДА. Шу топда, қош қорайиб, кеч кирганда-я?

ДИЛБАР. (Атрофига назар ташлаб.) Мен буни ўйламабман.

ОЗОДА. Кир ичкарига, бошинг оқкан ёққа эртага кетарсан.

ДИЛБАР. (Иккиланиб) Йўқ, мен шу ерда тонг оттираман!

ОЗОДА. Нега, Нима зарур бу ерда ўтириб тонг оттиришинга?

ДИЛБАР. Орқамга қайтишни истамайман! Шу ерда ўтириб, ўйлайман, ўйлайман! Тонг оттунча мижжа қоқмай ўйлайман.

ОЗОДА. Балли! Ўтириб! Ўйла! Зора азонда бу номаъкул нијатингдан қайтсанг!

ДИЛБАР. Биласизми, кеча Муаттар опа Музффар отадан маслаҳат сўраганида, ота нима дедилар?

ОЗОДА. Музффар ота нима деди?

ДИЛБАР. “Қалбинга қулоқ сол” дедилар.

ОЗОДА. Доно маслаҳат! Лекин сен девонага бу маслаҳатнинг фойдаси бўлармикан? (Кетади. Дилбар ростдан ҳам шу жойда тонг оттиришга қаsd этиб, бутун вужуди билан қалбига қулоқсолади.)

СҮНГИ КЎРИНИШ

Комилов богининг эшик олди. Эртанги кун. Субҳидам чоғи. Хўроз қичқириги эшитилади. Эшик очилади. Дилбар чиқади. Кўлида - чамадон. У узоқ сафарга отланган кайфиятда. Эшик олдидан анча нари кетар экан, у орқасига ўтирилиб, бор томонга хайрлашув назарини ташлайди ва чукур “уҳ” тортади. Дилбар йўлига равона бўлар экан, унинг рўбарусидан кўккис Азamat чиқади.

АЗАМАТ. Салом, Дилбархон!

ДИЛБАР. (Тўхтаб, хайратда) Вой ўлай, кўрқитиб юбордингиз-а! Тфу! Тфу! (Бу кутилмаган учрашув иккала ёшни ҳам жуда кувонтиради. Дилбар кўзларига ишонмай, ўигитта беихитёр тикилиб қолади. Азamat ҳам унга тикилиб, қизинг ниятини тушунади. Киз ундан кўзларини қочиради ва сир бой бермасликка тиришиб, жиддийлашади.) Сиз... сиз ҳали ҳам шу ердамисиз?

АЗАМАТ. Сизни кўйиб, мен қаёққа кетаман?

ДИЛБАР. Ўлгудек қайсар экансиз-да, ўигит!

АЗАМАТ. Қайсар бўлмасдан не иложим бор? Отам мени хузурингизга жўннатар экан, қишлоғимизга якка ўзинг қайтар бўлсанг, кўзимга кўринма, деганлар.

ДИЛБАР. Ёлғон!

АЗАМАТ. Зийрак экансиз, топлингиз! Отам бундай деганлари йўқ, аммо мен сизсиз, бир ўзим қайтсан, отам мени оstonамиздан ўтказмайди. Мана бу рост гап.

ДИЛБАР. Ҳадеб отангизни пеш қилаверасизми? Ўзингиз? Ўзингиз?

АЗАМАТ. Ўзимми? Ўзим... Мана, оstonанизга қайтиб

келдим-ку!

(Бу сўзлар Дилбарни кувонтиради. У юзини бошқа ёққа буриб, баҳтиёрларча ўзига ўзи илжаяди ва Азamatнинг “Юинг, мен билан қишлоғимизга” дейишини кутади.)

АЗАМАТ. (Дилбарнинг кайфиятини тушунгани ҳолда ўзини атайдан анқовликка солади.) Хўш, сафар қаёққа?

ДИЛБАР. Бошим оқкан ёққа.

АЗАМАТ. Яъни?

ДИЛБАР. (Жаҳл билан.) Ўзим биламан!

АЗАМАТ. Сиз мислсиз сафарга чиқибсиз. Балли! Қойилман! (Қизнинг кетишини кутади. Аммо Дилбар ўрнидан жилмайди. У ўигитдан яна қишлоққа тақлиф кутади.) “Сафарга отланган кишининг йўлидаги энг баланд довон ўз уйининг остонаси” деган экан бобокалонларимиз. Сиз бу довондан ошиббиз. Офарин! Энди тўхтаман! Сафарингизни давом этиринг! (Дилбар ўрнидан жилишга мажбур.)

АЗАМАТ. (Дилбарга етиб олиб) Юкингизни менга беринг. (Чамадонга кўл узатади.)

ДИЛБАР. (Ўпка билан) Керак эмас! (Чамадонни бермай, ўз йўлида давом этади.)

АЗАМАТ. (Яна унга етиб олади) Мен сизни фақат автобусгача кузатиб қўймоқчиман, холос. Ундан кейин ўзингиз хоҳлаган томонга кетаверасиз. (Яна чамадонга кўл узатади. Дилбар иккиланади.) Илтиҳо қиласман, қўлимни қайтарман!

(Дилбар чамадонни унга тутқазади. Улар энди ёнма-ён борадилар. Булбулнинг чақ-чақи эшитилади.)

АЗАМАТ. (У Дилбарни “сенлашга” кўчади.) Ахир, тушунсангчи, Дилбар: сен билан мен бир-биримиз учун туғилганим! (Яна булбулнинг чақ-чақи эшитилади. Улар томошо залидан чиқиб кетадилар. Сукунат. Озода пайдо бўлади. У қаттиқ ҳаяжонда қизини ахтариб қиқдан. Бу ерда ҳеч кими ни топмай, бўшашиб, остонаяга чўқади. Кўчадан Музффар ўтади. Озоданинг аҳволи уни жиддий ташвишга солади.)

МУЗАФФАР. Каллайи саҳарлаб, авзойинг мунча бузук, Озода? Тинчлики ўзи?

ОЗОДА. (Йиғлаб) Қизим кетиб қолибди.

МУЗАФФАР. Қаёққа?

ОЗОДА. Боши оқкан ёққа!

МУЗАФФАР. Яъни?

ОЗОДА. (Хуноб) Мен ўзим ҳам бу жумбоқни ечолмай бошим қотиб ўтирибман бу ерда.

МУЗАФФАР. (Кутилмаган бу жумбоқнинг “мағзини чақиб” анча жим қолгандан сўнг, кувонч билан.) Ҳақиқатан ҳам боши оқкан ёққа кетган бўлса, қизингнинг баҳти ҳамон бутун экан, Озода.

ОЗОДА. Бу нима деганингиз, отахон?

МУЗАФФАР. Хотиржам бўл, қизинг эртагаёқ қошингта қайтиб келади.

ОЗОДА. (Сира ишонмай) Наҳотки?

МУЗАФФАР. Ҳа. Бунга мен кафил! Қизинг ёлғиз ўзи эмас, жуфти билан қайтиб келади, худо хоҳласа.

ОЗОДА. (Ажабланиб) Қизимнинг жуфти ким? (Ширина хаёлга берилган Музффар саволни эшитмайди)

МУЗАФФАР. (Ўйланиб туриб, ўзига ўзи гапиради) Тақдир деб шуну айтадилар-да!.. Боракалло, қизим Дилбар! Сенга қайлиқ қуллуқ бўлсин, Азamat!

ОЗОДА. Саволимга жавоб беринг, ота. (Музффардан жавоб кутади. Музффар ҳамон жим. “Отмагай тонг” қўшиги жааранглай бошлайди. Бу овоз узоқдан, жуда узоқдан келмокда. Қўшиқни бошлаган овоз бизга таниш. Бу - Дилбар. Қўшиқнинг авжи бошланар экан, уни энди йигит давом этириади. Бу - Азamat! Озода Музффардан жавоб кутади, унга тикилганча қолади. Қўшиқ Дилбар билан Азamatнинг дуэтига айланади. Энди бу дуэт баҳитёрлик хисларига тўла. Мусиқа борган сари бизга яқинлашаверади.)

ТАМОМ



**Чамбильбелнинг ойдаласи даладур,
Ойдалада қўйлар ётиб қоладур.
Ул қўйларни Собир билан,
Ўткиржонлар ҳайдаб келодур-ей...**

Отамнинг қўшиғи.

Отакул Қирғий бу сафар ҳам ҳар галгидек эрта турган, аммо ётогидаги тўшаги алламбало буралиб ётарди. Бу унинг безовта ухлаганидан дарақ берсада, кичик кампирдан бошқа ҳеч ким тўшакка эътибор қилмади. Катта кампир одатда, эрта азонда печга ўт ёкиш учун киради, кечак Қирғий, чамаси умрида биринчи марта чолидан илиқ гап эшитганидан меҳри ийбими, ҳар кунгидан эртароқ туриб ўт қалашга тутинди, ахир кунига камида икки маҳал қамчи еб умр кечираётган кампир бундай ширин мумомалага қариганда ҳам зор эди-да.

Тезакка солярка қуйиб тутантирди-да, устидан куруқ ўтин ташлади. Чолининг ўзи ариқ лабидаги аччиқ данак ўрикни қирқиб ўз ётогига - ўзи айтмоқчи нашаҳонасига бел бўйи қилиб яхшилаб қалаб чиқсан эди ўтинни. Жонининг хузурини обдон билар эди бу чоли тушмагур. Акс ҳолда саратон чилласида зардолини кулатиб кунгайга тарвақайлатиб ётқизиб, токи кузгача заранг бўлишини кутиб ўтирамасди: куруқ дарахт, айниқса, ўрик тутамай ёнади, узок олов беради, кўк чойга бир кафт кўкнорини биктириб, бир оз дам едириб, сўнгра бир сипкориб ташлаб устидан қайнок чойни хўриллатиб, маҳсини ечиб, печга тоблаб, кейин пўстакка ўраги-иб терга тушиб ётмоқка не етсин!

Қирғий бари бир бу одатини эрта-мертан бошламас эди, то қишлоқни бир кур айланиб, одамларнинг қий-чуви, фийбати, қолаверса, тўйи, азаси чиқадими - ўз кўзи билан кўриб, жўяли насиҳати бўлса бериб, сўнгра сой бўйлаб кетган тоғ йўлидан тонг қоронгусида қулунини йўрттириб кетар эди. Тоғнинг ён беткайларида кечаси уюр-уюр бўлиб олган йилки подаларини ўтлашга ёйилмай бирров кўздан кечириб, ўзининг шахсий отларини ҳам кўриб, кўнгли таскин топгачгина, Фориш томондан кун парнириб кўтарилгач, секи-ин, отнинг юганини салт

кўйганча Гўрўғлининг қўшиғини хиргойи қилиб келгувчи эди. Феълининг акслигини кўрган одам уни кўшиқ айтади деб ўйламас эди. Жудаям жиддий киши эди. Гўё ўзининг чарслигини таъкидлаётгандай муртининг учини ҳам қайириб ёноғига қараб кўтариб кўйгувчи эди.

Бу тонг ҳам одатдагидай бошланган, тўшакнинг буралиб ётиши ғалат эди, холос. То кичик кампир келиб мазкурни кўргачгина бир оз паришон қолди. Бориб тўшакни йиғди, тахмонга тахлади, қайтаётиб печ деворининг ортида чала ейилган тарвузни кўрди. Феълига яраша Қирғий тарвузни ҳам кампирларидан бирига келтиртирап эди. Демак, оқшом ўзи сомонхонадан эринмай опкелган, чопқиси билан сўйиб, тухумларини ҳам шу атрофга туфлаб юбораверибди. Ва яна Қирғий ҳеч маҳал кўзойнагини қолдириб кетмасди, уйдан чиқса бўлди, ич камзулининг кўкрак киссасига бир балдоғини тагида қолдириб солиб қўяр эди, хат-саводи бинои эди, калхўз бошлангандан бери дўм, биргат бўлиб ишлаган кезлардан шу ойнакдан фойдаланаарди, газетларни ҳам тинмай ўқирди, бирор қизиқ, достоннамо китоб кўлига тушса ҳам дераза ёруғига тутиб ойнагини кўзига кўндирганча икки кун демай шариллатиб ўқиб чиқарди. Бу гал нечундир ойнаги ҳам ўқиган буклоглик газета устида турибди. Кичик кампир түфлонга ҳам назар қилди, Қирғий азонда туриб түфлонни таҳорат маҳалда офтобадаги сувга чайқаб келадиган одати бор эди, кампирлари жирканишини хоҳламасди, шекилли.

Бу ҳам майли, даҳлизда катта миҳда чийдом илиғлиқ. Чийдом деганимиз, бу - жундан чатиб тўқиладиган, сирти қаттиқ, ичи жуни бўртиб тургувчи, чакмон келбат бир юклигина иссиқ кийим, хойнайх, Фориш билан Нуротада кийса керак буни, валлохи аълам. Қирғийнинг ўзи ҳам шундоқ дер эди. Хар нечук эл кезган одам, билмаса галирмайди.

Хулласи, бобомизнинг чийдоми-да ўз ўрнида туриби.

Кампир чолининг кечаси анчагина безовта бўлганини тағин фонусга қараб билди. Тунда чироқ ўчиб қолгач, Қирғий фонусни ёқибди, ёруғида газет

ўқиганми, нима бало.

Кампир шошиб оғилхонага борди. Охурга емиш ҳам ташланмаган. Қорамоллар секингина “бўй-ў” деб қўйишияпти. Хашак мудгор бўлишаётгани-да бу. Ушбу ҳолат ҳам Киргий бобомиз учун бир тарки одат.

Шундан сўнг кичик кампир сермасланиб қолди. Оғилнинг оғзини ёпмай меровланиб келаётib оёгини чиқаверишдаги тогорага уриб олди. Тогорага арпа ивитиб қўйиларди. Эрталаб хашакнинг устига бир оз тўкиб чиқиларди. Қишида тугадиган фунахин билан икки сигир то сутдан қолмасин деб арпа ивитиб беришарди. Бу юмушни ҳам, табиийки, Киргий амалга оширади.

Ажаб ҳолат эди. Кичик кампир меровсирайверди. Ўзича ўйлади: кўйлак-иштон, юпқа камзул, бошда салланинг дўпписи, оёқда маҳси - тоққа ҳеч бундай енгил кийимда кетмас эди-ку!

Ховлидаги яккамиҳда кулун турибди. Ё, Худо! От минмай бир ёққа чиқмас эди. Ўтинхонанинг деворида емхалта осиғлиқ. Кампиршо бориб емхалтани ушлади: отгаям ем бермаган. Сўлаги, ҳўлийи.

Ажаб! Тинчлик бўлсин-да ишқилиб.

Кичик кампир гаранг ҳолда бориб кундошига ушбуни айтаверди, кўнглидаги алағдаликни тушунтира берди. Тили чучукроқ, оққўнгил эди-да бечора.

- Чолнинг бу кетиши бежо кетиш, опа. Ҳеч балони тушунмайсан одам. Молларга емиш ташламабди, ем жойида қащаб ётиби. Ич кийимида кетавериби. Одамлардан қайтиб уялмайди. Бундай қимлагич эди. Алағдаман, опа, алағдаман. Оқшом қўйингинасига кириб ётмайманма, “не бўлди чол” деб.

Катта кампир совуқроқ акс садо берди:

- Бало урмас бу чолга, бўри ермиди. Қамчисидан заҳри томиб гўристонда бўлса етиб келади. Ховлини зир айлантириб мени қамчила бурмагунча, ҳовиридан тушмайди бу. Ерам ютмайди, қалчилай берма.

Кичик кампир бундан яхшироқ жавоб ололмас эди. Рухи чўқди, ёлғизлангандай бир ичиқди, бир ичиқди.

- Менгина ўлайнин-эй, - деб изиллади.

Кичик кампирнинг зорланишида маъни бор эди. Киргий уни суйиб хотинликка олди. Бироқ бу сулув хотин түгмасак чиқди. Аввал эр қилиб ажрашган экан, боиси фарзандсизлик бўлган, шу сабаб Киргий уни кўпда аяр эди, кўнгли юмшаб, раъйини қайтаргиси келмай қоларди. Исмат чавандоз мингувчи қора фунан кўпкаридан соврин олса биринч бўлиб шу сулувига беради, ортса каттаси, ундан сўнг қиз ва келинларига илинади. Сулув бир ҳисобдан бу ҳовлида чолининг заҳрини киркүвчи, кундошига келажак таёқдан кутқарувчи бўлса, бошқа ҳисобдан ўзи ҳам чолига бирам орқайин бўлиб қолган эдики, ҳеч нареёи ҳўли. Эҳтимол тирноқка зорлиги туфайлидир... Суянсам, тоғим бор, деб кўп куявермади, кўйгандага Худо берарини бериб бўлди, бермасини бермас бўлди, бу ёғига “ё Рассок!” демай иложиям ҳўли.

Каттаси чолини “ѓўрсўхта” деб жеркийверар эди, кичигига ҳечам ёқмас эди бу. Бироқ, бари бир чолига ўшак қимлагич эди, шу сабабдандир катта кичикка кўп ҳам қаҳр қилишга ўрин қолмас эди. Аммо, ҳарна бўлгандага ҳам, ҳар қанча кенг уйга бир келин сиғади, иккиси бир эрнинг қўйнига сиғмайди. Яна дениг, аёл зоти ўзининг кўнгли билан эмас, элнинг оғзи билан оёқ олади: униси ундей деса бир куяди, буниси бундок деса, яна бир товланади, тўнини тескари кияди, гапни кўплайтиради ва ҳоказо. Киргий учун эса кўп гап эшакка юк. Биратўла даҳлиздан қамчини опчиқади-да, каттанинг елкасига икки-уч

марта аямай тушириб юборади. Катта кирпи янглиғ ғужанак бўлганча вой ҳам демай елкасини тутиб беради, кичкина ўйлайдики, елкалари ҳойнаҳой бир энлик қўтириб бўлиб кетган чиқар, жонига тўзим берсин. Бурноғи йиллари Киргий гоҳи тўй-пўйдан ичиб келса, дарҳол хотинини чорлар экан, келса савалашидан кўрқиб у ҳовлидаги қайрағочнинг бошига чиқиб кетаркан. Эри туш деб жаврайвераркан, тушмаса ерда қолган калиш борми, тош, кесак борми, унга қаратса улоқтира-улоқтира охири чорпояга бориб чўзилганча ухлаб қоларкан.

Энди ҳовли тўла невара, ўртанча ўғли ўзи билан, катта невараси ҳам мактабни битиради, бўйи шипдай, лекин катта кампирини тирақайлатиб ҳамон кувиб ургани-урган.

Элнинг оқсоқоли, бировга гапини бермайди, гапирган гапини ерда қолдирмайди, хуллас, кампирлар масаласида у сиз ўйлаганчалик хижолат ҳам чекмайди. Гўргўли Мисқол ва Юнус парилар билан баравар яшайвергани мисол ҳеч бўйин эгиб хижолат чекмайди, яъни овул ичида, ундан нари-берисида ҳам хиёл бўлсин обрўсига путур етмаган. Кампирини уриши ҳам гўё унинг фазилатига ўхшаб қолган. Кампирини ҳам худди чолининг таёғи учун яратилгандек таёқ ейиши на овоза бўлади, на ичида қолиб кетади-сарсон бир дунё у учун.

Қўниккан шунга. Қаригандага ҳам шу ғурбат қўрмурларга ярашади. Бошқаларга ярашмайди. Ўзи бошқачароқ яшаши ҳам мумкинлиги ҳар иккисининг эсидан чиқиб ҳам кетгандир.

Ховлининг аҳволини ҳаминқадар чиздик. Балки чечан сўзлаб беролмагандирмиз, аммо бизни ҳам Сиз каби Киргийнинг айни тонг палласи кичик кампирни алағда бўлганига яраша қаёққа ғойиб бўлгани қизиқтиради.

Рост-да, қаёққа кетган бўлиши мумкин?

Сиз ўйлайсизки, тоққа кетгандир-да, деб.

Ё бўлмаса, шу атрофда бирор бўйинсасиникига киргандир, одатига хилоф равишида бир овул наридаги Ҳўжамачитга бомдод ўқишига кетгандир-ов, деб. Тоққа кетмаган. Кетса чийдомини кияр эди, пахталик шимини илиб олар ёхуд дўмлигига кийган анови солдатнусха шимини кийиши лозим эди. Яланг кават иштон билан қишлоқ оралашни у ўзига эп кўрмайди. Боз устига яхши кўриб минадиган кулониям шу ерда. Ҳар тугул эси пасайиб қолган чол эмас, ахир. Ундей-мундайини отдан уриб ағдараман, деган важоҳати бор. Боз устига кеч кузнинг қор ҳам ёғаверса бировга малол келмайдиган заҳардай ҳавоси уфураётган бўлса.

Бўлмаса қаёққа кетди?

Ҳамма гап шунда, бирордари азиз!

Кеп қолар-кеп қолар билан кеч ҳам тушди. Ҳовли алланечук ҳувиллаб қолди. Ўғли бехавотир калхўзга тушиб ҳам келди. Заррача отам келмай қолса-я, деган ўй үтмади миясидан. Унинг учун ҳам ота минг йил яшайдигандек, шу ҳовлига устун бўлиб тураверадигандек эди. То янги тонг отиб, қуни-қўшнилар ҳам “бундайчикан феъли ҳўй эди-ку” деган хавотир уйғонмагунча бошқалар ҳам билмадилар. Зоро оқсоқолнинг ҳар куни бўлмаса-да, кун ора ўзи кўринмаса ҳам узун шарпаси қишлоқни бир карра кезиб чиқкувчи эди. Бундай хабарни бировларга, айниқса, ёт кишиларга айтиш яна ҳам ўнгайсиз. Қаридебармон бўлиб қолган бўлса, бошқа гап эди, саксоннинг тагига етганига қарамай қомати белкуракнинг сопидай, қарашлари қарчифайдай, шундай бўлгач ўғил умрида биринчи марта отасидан алағда аҳволда амакиларига хабар етказди. Кун ёйил-

май кенг ҳовли қариндош-урурга тўлиб кетди. Амалилардан улугроқ саналган бири қир-адир, жару ариқларни қараб чиқайлик, дея таклиф қилди. Табиийки, бу фарзанд ва кампирларнинг юрагини кемириб юборди: Худо кўрсатмасин-эй, бундай деманг! Лекин осмонга қараб тавалло қилиб ўтиришдан ҳам фойда йўқ, нимадир қилиш керак. Қирғийни кўрган борми, деб ён-атрофга чопар жўнатишни-да фарзанди эп кўрмади: жуда хунук-да бу иш - тик оёқда юрган, қишлоқнинг кўкрак керган оқсоқолини мол қидирган янглиғ қидирсанг. Ранги палондай, кийими пистондай, мурти унақа, кўзи бунақа, деб. Ҳамма Қирғийнинг ҳовлига дўйирлаб, шовқин билан: "Тирик жон борми бу уйда!" дея ҳайқириб кириб келиб қолишини кутарди.

"Гўристонда бўсаям қайтиб келар" деб ўтириган катта кампир ҳам алланечук кўнгли орзиқа бошлиди. У бугун чоли тушмагурнинг қамчисидан икки-уч зарба кўпроқ тотишга ҳам рози бир ахволга тушди. Ҳаммадан ҳам кичик кампир кўпроқ куярди. Чоли бўлмаса у бу ҳовлида эрсиз келинчак ёхуд ортиқча меҳмондай бўлиб қоларди. Ёшлигига сулувлиги, олтмишини коралаган бўлса-да, шундок билинг турдиган кичик, дёярли бир кунда кўзлари киртайиб, ўзи қартайиб қолди.

У кечаси билан мижжа қоқмай чиққанди.

Иккинчи, учинчи ва кейинги кунлар ҳам одам оёғи узилмади. Қизиги, ҳеч ким Қирғийни кўрдим демасди. Кейинги кунларда нариги, ундан нариги овулларда палон, пистон жойда бирор кўрибди, Нуротага, Форишга, Жиззахга кетаётганини кўрган эмиш, автобусда кўрибди, отда кетаётганини орқасидан кўриб қолишибди, фалончининг маракасида кўрган эмиш-ку, каби гаплар фивирлаб юрар, аммо чина-кам суриштирилганда ҳаммаси ҳом гап чиқарди: аслида ҳеч ким кўрмаган бўларди. Тавба, тик оёқда юрган одам-а, нарса ё мол бўлсаям ҳай, майли, дейсан. Кунлар ўтган сайин кўрибди, кўрган эмиш каби миш-мишлар шу даражада тахминий тус олиб пучга чиқа бошлидик, ўғил ҳечқурса отанинг мурдаси то-пилишига-да рози бўлди. Жиззахда турдиган кенжаси ҳам келиб уч кун юриб кетди, Девтепадаги катта ўғли кунда-шунда. Қайтанга уй эгаси бўлмиш ўртанча келувчилардан безор бўлиб ҳам кетди. Улардан нажот йўклиги бир ёғу, келиб-кетувчиларга ҳеч бўлмаса чой-нон қўявериш ҳам малол келаверди. Қўрадаги икки эчки, бир така сўйилиб кетди: қариндош-урурглар келиб ётиб олишади ахир. Уларни тўйғазиш ҳам керак-ку. Аммо улар ҳам қорин тўйғазиш учун келишгани йўқ. Зора, бир яхши гап, яхши хабар бордир, деб тикка шу ҳовлига келишади. Уйи олисроқ бўлса, ўзини яқин тутиб ётиб қолаверишади.

Тоғ қишлоғи, унинг шарт-шароити шу-да: шаҳарда туриб яшашининг кўп қонунларини ишлаб чиққанинг билан табиий ҳаёт бари бир ўз ҳукмини ўтказди.

Кичик кампир, боя айтганимиздек, тоза ўзини олдириб қўиди. Қўл-оёқларида дармон қуриб, иштаҳаси қочиб, бир ахволга келди. Келим-кетимга ҳам унча аралашмади. Қўлини тиззасига олиб ияигига тираганча узок ўй сурадиган одат чиқарди. Орадан ойлар ҳам ўтавергач, адойи тамом бўлди. Чоли борида кундошининг фарзандларига оналини баҳам кўргандек бўлар, кўпам эзилмасди. Энди...

...шу ердан бошқа сигадиган жойи йўқ муштипарнинг.

Кампир тонг отди дегунча адокдаги Нозик қушночнинг уйига равона бўлади: қушноч қандай туш кўрди экан бугун? Нозик момо бир пайтлар ҳайба-

ти зўр қушноч эди, чилдирмасини чалавёэрар, одамларим мундай деётир, деб жинлар нима оғзига солса айтаверарди. Не бир ўғриларнинг номини тутиб кўп панд ҳам еган, аёл жонига қасд қилгувчилар-да топилган. Сўнг фол кўришни бас қилган эди. Аммо у Қирғийнинг кампирдан нимаики кучи бўлса аямади. Шуниси кампирга ёмон таъсир қиласа эдик, Қирғий кўпинча қушночнинг фолида коронгуликда кўриниш берарди. Қушноч суюброқ коронгутоброқ жойда кўринди, лекин чиройи очик, деб айтарди. Бу гапларни кампирнинг кўнгли учун айтармиди, ё бор кўрган-билгани шу эдими, кичик кампир буни англолмасди. Туш кўрган бўлсангиз, тушингизни айтинг ҳеч бўлмаса, деб туриб оларди.

- Қаридимми, айнидимми, тушларимам равон эмас, - дейди Нозик қушноч кичик кампирга.

У зўр-базўр туриб бўлса ҳам кампирнинг елкасига қўл узатиб кўришар эди, охирги пайтлар "келдингми" дея бир кўзғолганча нурсиз кўзлари билан қотиб қараб тураверадиган одат чиқарди.

Кичик кампир бундан «ҳалиям умид қиляпсанми Қирғийдан?» деганга ўхшаш маъно тогиб, баттар зил кетарди.

- Хабар-пабар йўқми, тушам кўрмайман-а, сабил, - деб кўяверадиган бўлди қушноч.

Анов йиллар фолбин дегани кўзиқориндай бодраб чиқкан эди, уч-тўрт йил бўлди, барি бирдай зимзие бўлди-қолди. Буларнинг тухуми ҳам бир кўпайгич, бир озайгич эканми, деб ўйлайди кампир.

Бир неча марта участковой милиса келиб у-бу нарса суриштирган бўлди, қофоз тўлдириди, ариза беринглар деди, лекин ўғил унамади, уялди: нима деб ёзаман аризага - отамни тогиб беринглар дейманми, уруш замони бўлмаса, шундок уйдан ўзи қадам олиб чиқкан бўлса?

- Ҳеч ким билан уришмаганмиди? - деб ўсмоқчилайди милиса тағин.

Милиса ҳам нариги ошувидағи қишлоқдан, бу ерни, бу одамларни беш қўлдай билади. Ҳуллас, шу ернинг жайдариси, илинган қирда, сойда чўпонми, тракторчими - улфатчилик қилиб юраверади. Лекин бари бир келган заҳоти дарҳол расмий тус олиб:

- Ҳеч ким билан уришмаганмиди? - деб сўрайди.

- Қўйсанг-чи, - дейди ўғил. - Уришган-уришмаганинг нима қизиги бор, ўзинг биласан-ку.

- Гўргаям кетмайди отанг, - дейди милиса бир оздан сўнг. - Бор, бирор ниманг бўлса оғчик, бош гаранг бўлиб кетди ишлайвериб.

Ўғил фаллахонадан битта вино, битта пиёла, битта пиёз кўтариб чиқиб чорпояннинг устига кўяди. Милиса шишанинг қопқоғини тиши билан "пак" эткизб очади-да, куйиб ўғилга узатади. Ўғил ўзинг ютавер дегандай қўл силтайди.

- Отанг тезроқ келсин, - дейди миршаб ва бир томчиям қолдирмай сипқоради. У уч пиёлани шундай, бир хил ният билан ичади-да, шиша тагида озроқ қолдириб, "бу келгунимча ризқ" дея пиёлани тўнкаради-да, аравачаси ечилган "Урал" мотоциклини қирдан пастга шўнгитганча йўл-йўлакай ёндириб даф бўлади.

Қатновчилар худди касал кўргани келганга ўхшардилар: ботиниб, ботинмайгина сўрашиб бўлгач, бир хил саволга тутаверишарди:

- Бирон хабар борми?

Гарчи саволнинг жавоби аниқ бўлса-да, сўрашиб дарсан эринишмасди. Тўғри, қўлларидан келса-ку, ёрдам қилишади, аммо ҳеч бир дарак бўлмагач, нима қилсин улар ҳам.

- Бундан кўра сулайибгина жойида ўлмайдими,

майли эди-я, - дейди катта кампир. - Шугина уйдан опчикиб кўмиб, тинчмаймизми, бу нима сарсонгарчилик энди?!

Бу, албатта, ният эмас. Кампир ҳам зориқиб кутарди чолини, юкорида айтганимиздек еган қамчилари гарчи тагин хумор қилмаётгандир-у, лекин шу уйнинг қораси эди-да. Агар бугун ё эрта чол гёё ҳазиллашиб фойиб бўлгандек уйга кириб келса, бағриям, кўнглиям тўлиб қоларди кампирнинг. Ҳаммани гаранг қилиб қўиди бу ҳолат.

Эртаси куни милиса тагин келди. Кампирлар бирори уйдан, бирори бу уйдан кўриниш берни баравар чиқишиди. Миршаб курткасининг киссасидан булоғлик қозоз чиқарип, мотоциклининг бакига кўйиб текислади-да, катта кампирни сўроқча тутди:

- Мабодо чолингиз билан ораларингизда уруш чиқмаганни ўша куни?

- Уришсак, менинг товушим уйингга эшитилса кераг-ов, болам?

Бир иддао, бир писандисзлик бор эди кампирнинг овозида. Чунки кампир бечоралар кунда-кун аро келувчи бу милиса боладан ҳам нажот кутишардида. Нажот бўлмагач... мана бундай чимчиловчи гап қилиш ҳам уларнинг аламини қўзитса керак эди.

- Аммо, биламиз-биламиз, лекин ишимиз шу-да, бутун бошли бир одам бўлса, бизданам сўрайди бошликлар, нега йўқ дейди, ишламайсан, дейди.

- Энди келсанг, бир маънилироқ гап топиб келчи ҳечкурмаса, - дейди кампир.

- Сизларнинг ахволингизни тушунаман.

Милиса иковигаям қараб жовдирағанча қофозни олиб чўнтағига солди, негадир тагин олиб бакнинг устига қўиди.

- Ўғлингиз уйдами? - деб сўради.

- Накуртга кетди - кўпкарига, - деди катта кампир.

- Кўпкарида пишириб қўйибдими, - деди милиса ва ҳафсаласи пир бўлиб кечаги қолган шишага қаради, ҳали ўша ҳолича турарди шиша. - Отанг бу ёқда бийтиб... ҳалиги қип ётган бўлса... Ўл-а одам бўлмай! - Шишадан кўзини зўрға узди. Қофозни тагин буқлаб чўнтақка урди. Қиядан ярим йўлгача ёндиримай тушди-да, кейин мотоциклини патирлатганча сойга қараб кетди.

Накуртнинг кўпкарисида жаловга ўн бир тана, уч той кўйилди. Одатан, бундай катта кўпкарининг бошида Қирғиз тургич эди. Гарчи ўзга овулдан бўлсаным, шу офтобрўнинг оти чиқсан кайвониси эди: одамлар ўзлари маррага раис қилиб кўйишарди. Ҳалолини, ҳаромини ажратишда сира фирромлиги йўқ эди, оға-инирапастлик қилмасди. Ётиб олиб олишса, олишаверардики, ҳалол ташлаганини ноумид қилиб қўймас эди.

Ўғил бу ерга отасининг ўрнини босиш учун эмас, аксинча, уни... отасини дараклаб келди. Бир қанча тенг-тўшларини учратди. Сўрашга ийманган бўлсада, умид билан бирор хабар эшитарман, деб ўйлади.

- Отангнинг бир Маҳкам дегич қалин ошнаси бўлгич эди, Нуротада. Ўзи унча-мунча ўзбекни хушламайдиган тоҷик. Лекин отанг билан ҳеч нарёғи йўқ қалин эди. Тоза мучали туви келганийди-да бачағарнинг. Кўлда отбоқарлари бор: қозоқ, ўзбек-хар хил, иккى юз, уч юз йилқиси бор деб эшитарман. Замон бундай бўлиб у ёкларга кўлимиз этиши қийин бўлди, ё қариятпизми, билмайман. Отанг тов ошиб, қироқлаб, Парандоз чўққиминан айланниб, Пангатдан тушиб Жўшнинг нарёғи, Чамбильбел дегич жой бор, ҳеч ким зиёрат қилмайдиган жой, отанг

қайсар одам, бориб зиёрат қилади, Фирқўкнинг изини ўлади, ёзниг чилласида бир оқшом-икки оқшом ётибам қолади, ҳозир ётмаса керагу, лекин шундай айланиб Нуротага тушган бўлса ажабмас. Юргандир-да икки мўйлов йилқи санаши-иб, сеники кўпми, меники кўп деб.

Уста Тиркаш отасининг бўйинсаларидан, Мухаммад оқсоқол ўлгач, шунга кўп суюниб қолган эди Қирғизий.

Устанинг гапи ўғилга обдон боп тушди. Кўзининг олдиги келтириди-қўйди отасини: кўлнинг бўйида, қамишзор ёқасига икки чол ўтириб олиб, қозонга сазан балиқни ташлаб билқиллатиб қайнатиб, Гўрўғлиниг достонидан айтишма-айтиш ўйнаб, нашавандлик қилиб ўтириби. Йилқибоқарлар кўй сўйликоми, ё бирор юмшокроқ улоқни тандирга босайликми, деб кўл қовуштириб туришибди.

- Маккам тажик ўлди, - деди бир жиккаккина, соқоли сийрак сариқ чол. - Аллазамонлар бўлпетди бунга.

Ўғил зўрга отасини тирилтирган эди-ю, шу чол қайтадан бўғиб тинчтитандек бирдан ёмон кўриб кетди уни. Зингил солиб қаради, бироқ танимади, ҳар ҳолда отасига яқин юрганлардан эмас эди.

У бўлди, бу бўлди - сариқ чол Маҳкам тоҷикни билмас чиқди: ўғилнинг ичиди чироқ ёнди. Қайдсан Нурота деб йўлга отланар бўлди. Бирор Парандоз, Ҳаётбошидан айлантиб тогнинг орқасидан, Можрим билан ўт, деди. От билан айлан, деди. Бирор Жиззахга тушиб автобусга ўтириб бор, деди. Бирор от билан тўғри Қўшработга кесиб чик, деди: у ердан Нуротага автобус бор.

Шу таклиф маъқул келди, тузук-куруқ манзилни ҳам ҳеч ким тайин айттолмади. Онаси Фозғонни кўп тилга олгич эди, нарёғида кўл бўлаймиш, кўлда ҳар бало бўлаймиш, ичиди бир қуруқлик қамишзор бўлаймиш, тоҷикнинг отлари у ерда қишлийдикан, деди. Лекин тоҷик ўн йил бўлди қадам узганигаям, ўлмаган бўлса, бориб кўр, ўша ёқда бурундан қоғон эшонлар кўп, шуларгаям бир учраб ром очир, ўзингга дам солдир, деди. Оқ йўл деб фотиха ўқиб дуо қилди.

Кичик кампир:

- Опкегин-да болам, отангди, - деб ёлворди.

Ўғил ўгай онага термулди. Кўзларига туйқус ёш инди.

- Майли, опкеламан, - деб отини шартта бурдида, хўнг-хўнг йиғлаганча кетаверди.

Кампирлар бунда умид-ла ўғилга ишониб туришин-да, гапни Нуротадан эшитинг.

Ўғил йўл юрди, йўл юрсаям мўл юрди, отни Кўшработга бойлаб, бир кеча ётди. Иккинчи кун кечин-ола автобусда Фозғонга тушди, пиёда юрди, сўради-суроштириди, бошини эгди, гадой бўлди, жой сўради, чой сўради, Маҳкам тоҷикни топмай тоза сарсони чиқди. Бир раҳмидил чиқди, ўзи чавандозман, деди, отангни эшитганим бор, кўлигин бўлмаса, танкамда кўлга обораман, тоҷигингни топамиз, деди. Танкаси "УАЗ" машина экан, бир шилғирт экан, лекин кўлгача юриб борди.

Кўл бўйи, қамишзор, қоровуллар, гоҳида чўпонлар. Маҳкам дегани бор экан, лекин ўзбек экан, ўзбекнинг тоза туркманидан экан. У тоҷикни танийман деди. Бошқа тарафдан кепсан, Сентобдан ошиб келсанг йилки уюрини кўрар эдинг. Жуда бўлмаса чўпонлари кўрсатар эди, деб ўкситди.

Ўғил ичидан эмранди. Не бўлди буёғи, деб гарангсиди, Маҳкам ўзбек чойдишда чой қайнатди, чайла-томда бир кур гапхона қилди, йигит бечора-

нинг дардини англаб раҳми келди, чўбирини бе-
риб турмоқчи бўлди, лакмароқми, ё тиррикроқми,
орада бир айниб олди, кейин берар бўлди, опкелиб
берасан, бермасонг сир кўрасан, палондай бўлиб
ўласан, бурнинг қийшаяди, кўзинг оқиб тушади, деб
ваҳима қилди, нонни ушлатиб юз марта қасам ичи-
риб жўнатди.

Йигит Сентобни айланиб келаман, деб сарсони
чиқди. Тоғ орасидаги тоҷиклар ўзбекчани деярли
билишмас экан. Ағрайиб тураверади. Яна битта
Маҳкам учради. Буниси тоҷик экану, бироқ бошқа
экан, бир байталим бор, бошқа отим йўқ менинг,
деди. Лекин бойни танир экан. Ўзбекниям билар-
кан, уюрига борар йўлни қайта-қайта тушунтириди,
адашсанг тикка шу ерга кел, деди.

Ўғил топди бойни. Бойни эмас, подасини топ-
ди. Отбоқарлар “бой шаҳарда, чоршанбагача кут,
келади”, дейиши. Чиндан чоршанбада келди бой.
Бунгача ич-этини еб ўтириди, оз-моз чўпонлар билан
гурунг қилиб овунди. Балиқ, қирғовул овлади,
ёввойи фоз қувди, ишқилиб, икки кечани ўтказди.

Маҳкам тоҷиги қариброк қолган чол экан, соқо-
ли худди китобда ёзилганидай, кўксини ёпиб тур-
ради. Кўзи тийран, овози ўтири экан, қарилигини
шу ёпиб тураркан.

- Отанг билан ўттиз йиллик биродар эдик. Гум
бўлди, деб эшитган эдим. Охирги ўн йил тоғда,
кўпинча кўпкарида кўришдик. Сабаби, иккинчи онан-
гга мен сабабчи бўлган эдим. Охирги пайтлар се-
нинг онанг сезиб қолувди, борищдан тортиниб юр-
дим. Ха, энди, Қирғийга керак эди-да яна бир хотин:
ғайратли эди-да, жувормак... Ори қаттиқ эди,
бировминан ёвлашса ўчини олмай қўймасди. Бу
офтобрўйда ундей синчи кишиям йўқ. Отга қараб
нафас олишиданоқ сезарди зотини. Ҳозир миниб
юрган қулуни гунан бўлиб қолгандир, бизди уюр-
дан ушлаб опкетди. Еввойи тойни миниб, тоғдан
ошиб ўзининг отини еталаб кетди. Бир минишида
ўргатич эди ҳар қандай отни. Тилини билармиди,
бир бало. Биларсан, йигирма-ўттиз йилқиси бор
тоғда, шуларнинг беш-олтитаси жайдари чиқар,
қолгани барни зот, болам, барни зот.

Ўғил отасининг феълини билмасмиди, бу таъ-
риф-тавсифларни биринчи марта эшитаётгани йўқ.
Маҳкамбойнинг гап авзоидан гёй у отасининг қаёра
еканини билади-ю, атайлаб гапни айлантираётган-
дек эди. Охир айтса керак, деб ўтираверди. Ийифи
чиқиб кир бўлган дастурхонга тоҷик қушхалтадан
икки косача туршак тўқди. Хуржуннинг бир кўзидан
юққадек буқланган иккита патир чиқарди. Патирнинг
катталиги ўзиям бир кулоч келса ажабмасди.

Кулочкашлаб қайишқоқ пишган патирни зўрға
синдирапкан:

- Биз тўқ, бола, сен ол, бу чўпонларди сухариси-
га шерик бўл, тоза тобинг қочибди-ку, - деди.

Ўғил туршакларнинг сап-сариқлиги, тозалигини
кўриб ҳайрон бўлди. Ўзиям ёнгоқдай семиз-семиз.

- Ол-ол, - деди Маҳкамбой ва ён киссасидан чи-
ройли безалган носкодисини чиқаркан: - Сен
ўзбеклар туршакни куртлатиб, томга тўкиб, лойга,
тупроқка буркаб ҳеч яратмайсанлар, мана, буларни
кўр, қандай, еб кўр, мазасини кейин айт, - деди.

Ростданам туршак бир мазали экан, бир маза-
ли, ўғил очлигини сездириб дастурхондан бор тур-
шакни тушириб, данагини бир уйим қип ташлади.
Устидан қайишқоқ патирни чойга бўклириб урди.
Корни тирсиллаб дамлади. Дам-бадам қамиш па-
насига бориб келаверди. Мезбон кулди.

- Ўзбек туршакни ейишниям билмайди-да, -
деди. - Овқат эмас-ку бу, жўра.

Маҳкам тоҷик оғзига бир қултум совук чой олди-
да дарчани очиб носини туфлади.

- Қирғий, баччагар қиёмат достончи, биласан-а?
- деди қайтиб ўтираётиб.

- Достонни кўп ўқигич эди, эшон бобомнинг кито-
блари, деб беш-ўнта китобни халтага солиб илиб
кўйгич эди. Авлиёларнинг китоби бўлса керак, деб
қарамаганман.

- Эшон бобонгники бўлса, Жуманбулбулники-да.
Бир ўқиганини кўз юммай қайтиб айтиб бергич эди.
Бир йили, унда ёшроқ эканмиз, Нуротадан, бизнинг
уидан чиқиб қизиқ-қизиқ билан Қоракиссадаги Раҳ-
матулла бахшиникига боргандиз достон эшитгали.
Ўзимизга ўшаган майдагина чол экан, Қирғий ҳеч
қўймади Гўрӯғлини айтинг, деб. Курмагур бахши
ўзиям ўттизлар достон биларкан Гўрӯғли ҳақида. Қи-
ргий тамом сел бўлиб эшитди. Бир йиглайди десанг, “ай, жўра, бу бир эртак, турқингга ярашади-
ган ишни қил”, десам, яна сел бўлади. Раҳматулла
бахши яна ийиб кетиб, “Рустам”ни, “Алпомиши”ни,
ҳалиги Зулфазар пари ҳақицагини, Аваҳон, Ҳасан-
хон - барини бир қатор айтаберди десанг. Уч кеча
ётиппиз, отанг икковимиз нашани қип ётиппиз, икки
тандир нон едик ўзиям, нашадан кейин қорин мой
билан янчмич ай кетади-да. Қирғийнинг ўзиям тўрт-
беш достонни ёддан биларкан. Эшон бобомнинг
китобидан ёдлаганман деб Раҳматуллага айтиб бер-
ди. Бир эмраниб айтиди энди, бахшиям қойил бўлди:
қумкулоқ экан ошнангиз, офарин, деди. Келатуриб
йўлда хиргойи қиляпти. Раҳматулла бахшиданам
бир-икки достонни ўзлаштирибди. Шунақа бир ало-
мат-да отанг. Бундай одамлар камдан-кам туғила-
ди. Элга оқсоқол бўлиш ҳазил гап эмас. Сен, мисол,
ўзингнинг болангаям мана бу фалончининг қизига
йланан, ё бўлмаса уришган одаминг бўлса, яраш
ҳозир, деб айттолмайсан. Ҳаққинг йўқ одамдай ий-
манасан. Отанг бундай қилмайди: айтганини қил-
диради, қилдирмаса қўймайди. Одамгарчилигиям
зўр, фирромлиги йўқ, нафс учун бадном бўлганини
ҳеч эшитмаганман. Уста, уддабурон.

Ўғил отаси ҳақида кўп таъриф эшитган, аммо бу
кишичалик ихлос билан тавсиф берганини бирор-
дан эшитган эмас. Эшита туриб юраги орзиқди,
отасини соғинди. Тўрт-беш кундан бери олинмай
тиканак бўлиб кетган соқолини тирнай туриб ўйчан
қотди. Йиглагиси келди. Туйқусдан Маҳкамбойга:
“отамни топиб берсангиз-чи!” деб зорлангиси кел-
ди. Шунча гапни билган одам жўрасининг қайдали-
гини ҳам биладигандек туолди.

- Отамнинг жўрасисиз, отам десам бўлади сиз-
ни, - деди беихитёр. Кейин нима дейишини билмай
йўланиб қолди. Бу одам билан биринчи бор ички
сир бўлаётган бўлса. Барибири: - Энди нима қилсан
екан, ота? - деб сўради ағрайиб.

Маҳкамбой ўғилнинг најот истаб турган ташвиш-
ли кўзларига қараб қолди.

- Оромиён дўстим бор эди-я, аттанг, - деб бул-
киллаб йиглаб кўя берди.

Ўғил учун энди најот қолмади. Ўзиям йиглади.
Қирқ кундан ошди воқеага, аммо йигламаганди,
йигласа уйидаги аёлларга суюнч бўлолмас эди.
Энди бу оламда бир ўзи, ҳеч бир химоясиз қолган-
дек хўнграб юборди.

- Сен бундай қилма, бачам. Мен-ку, бирор жўяли
насиҳат айттолмаганимдан тўлиб турибман. Ўзи кей-
инги кезларда тоза кўргим келиб интиқ бўлган эдим.
Худойим кўнглимга солдими, бир-икки туш ҳам
кўрдим, ҳайрон бўлдим, Қизилчада бир чавандознинг
тўйида шундай бўлти, деб эшитдим. Оллоҳ раҳм қил-
син, бошқа најот йўқ, бола. Сен менга ўқиндинг, бо-

шқаларга бундай қилма. Айнисса, оналарингга. Сен энди ўша уйнинг устуnisан. Худо раҳм қилган бўлса, омон бўлса, келиб қолар, агар келмас бўлсам яхшидай фариб юрма, отангнинг боласи бўл. Эл ичидаги хил одам бор: бирор чиндан куяди, бирор ичидан хурсанд бўлади, сен бундай бошингни эгаверсанг, яқин одаминг ҳам сендан қочади. Мундай қил: Форишнинг тогида Давир чўпонда ўн олтита йилқинг бор, Накуртда Сирлибек чўпонда ё олтита, ё саккизта йилқиларинг бор, чўпонлар билан бориб муомала қилиб кўй. Ўзи йўқнинг кўзи йўқ деб, яна хомталаш бўп кетмасин. Тушундинг-а? Шундай қил. Элга аралаш. Отангнинг тутумини қил, кўрганлар отасининг ўғли, десин.

Ўғил бироров сергак тортид. Турмушда ота ўрнини босиш масъуллигини ҳис қилгандай бўлди. Аммо айни пайтда отаси уйнинг соябони, суюнган тоги эканини ҳам кўнгилдан тўйди, хароб бўламиз агар омон келмаси деб ўйлади.

Кечкурун Маҳкамбой “ўғли”ни тўйдириб меҳмон қилди: чайла-томнинг шифтига осилган анча-мунча қоқ гўштнинг барини қозонга бостириб қовурди. Бир шиша “Ройал” деган спирти бор экан, қўйиб бермоқчи бўлди, “ўғли” ичмади. Бошқа ёқлардан гаплашиб чақчақлашишди. Ётар маҳали ўғил ноумид бўлмай деб тортиниб сўради:

- Шу, Нурота томонларда эшон кўп дейди, ота, бирор яхши ром кўрадиганим борми?

- Ром харом нарса, болам. Бу бир. Иккинчидан эшонлар фол кўрмайди. Ўқиб қўяди, дуо қилади, дам солади. Касал тузатадиганлариям бор. Иккита мўлтони бор, номи чиққан. Қирғийни икковиданам сўраб кўрганман. Узоқда, қоронгуда, дейди.

- Ишқилиб тирик дейдими?

- Тирик дейди. Лекин ҳеч эшитганинг борми фолбин бирор йўқолганинг мана деб топиб берганини. Жин-ажиналарнинг васвасасига ўйнайди бари. Куръонда, ҳадисда қораланган бу нарса. Агар фол очирмасам бўлмайди десанг, мўлтониларгаям, бошқаларгаям обораман, лекин фойдаси йўқ. Тавба, қандоқ қилиб типпа-тик юрган одам изсиз гум бўлса, шунақаснинг бўларканми?

Маҳкамбой бир оз жим ётди. Кейин ўгирилиб ўғлига:

- Отанг бирорвга қаттиқ гапирса, гапирап эди, лекин қасдлашмас эди, чунки манфаат юзасидан кек сақлайдиган одати йўқ эди-да, — деди.

- Деви бор эди, дейишади, гапиришга гапирап эди, лекин ёқасидан олмас эди, айтганингиздай хусумат қилмайди-да.

У “хусумат қилмас эди” деса, йўқ одамни гапиргандай чиқмасин деб шундоқ, ҳозирги-келаси замон феълига мослаб якунлади. Сўнг хўрсиниб ўйга чўмди: йў-ўқ, душманликдан бўлмагандир, ишонгинг келмайди, одамнинг бирор ишгаям қўли бормай қоларкан, ҳозир шу ерга келиб қолса борми?

- Ўш, тохик, бормисан, деб кириб кеп қолса-я, — деди Маҳкамбой худди “ўғли”нинг хаёlinи ўқиб ўтиргандай. - Суюнчига шу чўбирингни опқолар эдим.

- Бу омонат, — деди ўғил. Кимники эканини айтгиси келмади.

Маҳкамбой йўлда чарчаган экан, туриб чироқнинг пилигини пасайтириди.

- Ўчирсам нима дейсан, ҳеч ёруғда ухлаёлмайманда.

- Ўчиринг, ўчираверинг, — деди ўғил ҳам ва тескари қараб ётиб олди. Лекин ухлаёлмади, тонгга яқин қотиб ухлабди.

У Маҳкамбойнинг аzon чакирганини ҳам эшитмади, пинак қоқмай мушукдек ётаверди.

Бой чўпонлар билан айвончада чойдиш қайнатди, емхалтага беш ҳовуч арпа солиб йилқисининг бошига илиб келди. Охири меҳмонни тутиб ўйфотди.

- Туринг энди, чошгоҳ бўпкетди, меҳмон.

Меҳмон бошини бир кўтариб, керишганча тағин чўзилди. Устига ташланган яланг кўрпача тагида тиришиб ухлабди. Эснаб керишди, тағин бошини ёстиққа қўйди, кўзлари секин юмила бошлади. Чўпонлардан бири кирди-да:

- Хў, меҳмон, чой қайнади, туринг, - деб ўйфотди.

Уйда бўлгандан ё хотини, ё онаси ўйфотган бўларди. Отаси ўзи ўйфотмасди, агар туравермаса, онаси оладиганини оларди Қирғийдан. Бу ер мусофирихона. Ота уй эмас. Иzzатини билиши керак одам.

У йўл жабрининг бу қадар оғирлигини шунгача дэярига ҳис қимлаган экан. Чўйирни қайтиб эгасига опкелгунча бўлари бўлди: чоти ягир бўлиб кетибди. Тагига қалинроқ жабдуқ тўшаб олмабди.

Халиги чўпон ўзида йўқ хурсанд кутиб олди. Иккита кун кечикканига отдан айрилдим, деб пушаймон бўлиб ўтирган экан.

Ўғил энди Қизилчага пиёда йўл юриб қайтиди. Ундан бир юк машинасига илашиб Нуротанинг йўлига, сўнг қийналмай Кўшработга етди. Бу ерда тонг оттириб ўйига жўнади. Пешин намоздигарга окканида уйнинг устидаги тикка қиядан ошиб тушарди. Айбордордай эди: ҳамма кутаётган отани “опкелмаётган”ди.

Аскар қайтгандек бўлди ўзиям.

У ҳамманинг олдида қарздор эди гўё.

Ўғил қарзни узолмади - жўяли бир гап ҳам айтмади, “тақдирга тан бериш керакми дейман” деди онасига. Она хўрсинди. Узоқ тек котди. “Халқа нима дейсан?” Ўғил ҳам узоқ ўйланди. Аросат азобида қолди. Эрталаб тоққа равона бўлишни ўйлади. Маҳкамбойнинг айтганинг қислам, тўғри бўларкан, деган қарорга келди. Боз устига мана бу танглиқдан бир-икки кун тағин қутулгандек бўлади. Кейин Худо пошшо.

Эрталаб чой ичар маҳали участковой келди.

Уйга кирмади. Анови кундаги қофозини чўнтагидан чиқариб ёза бошлади.

- Жўра, амаким бирор киши билан хусуматлашмаганимиди?

- Эшитмаганман.

- Ўша куни бирор билан уришмаганими?

Ўғилнинг ҳам ори келди, ҳам ғазаби қўзиди:

- Шундан бошқа нарсагаям ақлинг етадими ўзи ё миянг шунга келиб тормозланиб қолганими?

- Мендаям началство бор, оғайни, билдинг, сўрайди улар нима бўлди деб. Сообщения бўйича дело кўзгалган. Сен бўлсанг на ариза берасад, на тузук гапирисан одамга. Мана, эртага жиноят қиди-рувнинг бошлиғиям келади, уям шуни сўрайди биринчи, жуда бўлмаса психический касаллиги бормиди, деб сўрайди.

- Ўйда вино тугаган, командир. Энди биратулда отам топилгандан келасилар, узоқ ўйлуга терговчиям келиб ўтиրмасин, илтимос силардан.

- Сенинг винонгга зор бўлиб келармида келса. Берганинг билан ичмайдиям, ана кўрасан. Майна қиласан одамни! Миннат қилаётган бўлсанг, пулини тўлайман.

- Миннатам қилмайман, виноям бермайман, бўлдими, каллани қотирмасанлар бўлди. Етадими?

- Яхшиликниам билмайди бу гўрсўхта.

Милиса жаҳли чиқди шекилли, бу гал мотоциклини жойида ўт олдириб патирлатганча сойга қараб ғойиб бўлди.

Шу билан Қирғий қиссамизни тўхтатиб турайликда, гапни бошқа ёқдан, аниқроғи Тошкент деган шаҳри азимдан эшитинг.

Давоми келгуси сонда.



Сулаймон ШОДИЕВ

ЭРКАЛАНДАР САБОЛАР

Хаёл етакласа сен томон, эй ёр,
Яна келдингми деб берурсан озор.
Мен бир фақир жонман, не гуноҳим бор,
Севиб қолган бўлса кўнгул, не қилай?

Рўзгоримда ҳар кун шул фаму фавро,
Наҳот оламда йўқ ўзга ҳеч савдо.
Сенга шайдо бўлган шу кўнгул, шайдо,
Севиб қолган бўлса кўнгул, не қилай?

Ул сендан завқланур, жонда роҳат йўқ,
Холимдан бехабар, менда тоқат йўқ.
Жонга бундан ортиқ алам, офат йўқ,
Севиб қолган бўлса кўнгул, не қилай?

Зулфинг толасидан қур энди дорни,
Олар бўлсанг ол бу жони фигорни,
Меним бу ранжиттан сен гул узорни,
Севиб қолган бўлса кўнгул, не қилай?

* * *

Дунёнинг ишлари тугарми, қачон,
Мудом безовтасан, дилинг ҳам вайрон.
Саҳардан шомгача юргурган эй жон,
Бир дам ёнимга кел, дийдор ғанимат.

Тушдай ўтиб кетар аспи найсонлар,
Ортига қайтмагай учган пайконлар,
Бизнинг умрлардан сўйлар хазонлар,
Бир дам ёнимга кел, дийдор ғанимат.

Ялпи бутун бўлмас одам мучаси,
Фурсат қўлидадир умр ғунчаси.
Бераҳм ҳаётнинг бу тушунчаси,
Бир дам ёнимга кел, дийдор ғанимат.

Агар инонмасанг сўзимга, кўра,
Сочлари оқарган дунёдан сўра,
Дунё бу - жонларга тўймаган ўра,
Бир дам ёнимга кел, дийдор ғанимат.

Мехр соғинчларда, меҳр кўздадир,
Беминнат парча нон, чимдим туздадир,
Балки у Сулаймон айтган сўздадир,
Бир дам ёнимга кел, дийдор ғанимат.

* * *

Юз жамол ичра жамолинг ўзгача,
Ақлу хуш, тўлғин камолинг ўзгача.

Навниҳоллар кўп хусн бўстонида,
Сарв янглиғ ул ниҳолинг ўзгача.
Ол дудоқлар узра хол кўрганму
Ол дудоғинг узра холинг ўзгача.
Нозлисан маҳзун хаёл сургандা ҳам,
Суҳбатинг ҳам қийлу қолинг ўзгача.
Дона-дона сўзларингдан бол томар,
Эй шакаргуфтор, болинг ўзгача.
Мен кўриб бир ҳолга тушгайман мудом,
Бир демайсан: "Нега ҳолинг ўзгача?"
Бу паришонлик хаёлингдән, гулим,
Чун сенинг фикру хаёлинг ўзгача.

* * *

Излаб-излаб ёр изларин
Тополмадим, ёронларим.
Йўлда ёрсиз ёлғизланиб
Чополмадим, ёронларим.

Дилда тугаб сабру қарор,
Ҳолдан тойиб, кетиб мадор,
Кўзимда ёшим шашқатор,
Ётолмадим, ёронларим.

Мен бундаю ёр андадир,
Ёрим эмас, жон андадир,
Билмайди ёр ёнмоқ надир,
Айтолмадим, ёронларим.

Кўрдим ситамлар қанчасин,
Ютдим аламлар барчасин,
Кўнгил узиб, дил дарчасин
Ёполмадим, ёронларим.

* * *

Саболар, бу саҳар чоги ёримни кўрмадингизму,
Бу дунёда менинг йўқу боримни кўрмадингизму.
Севар эрди чаманлар сайрини танҳо саҳарларда,
Ёноги лолалар янглиғ норимни кўрмадингизму.
Қаро кокулларин икки ўриб юрмакни хуш кўрган,
Алар ҳар толаси кўнгул торимни кўрмадингизму.
Қадам кўйса оёғи остида гуллар бўлар пайдо,
Ўшандоқ хуш чаман ё гулзоримни кўрмадингизму.
Кутарман борича умрим дегувчи эрди-ку ёрим,
Ўзи ҳам мен каби менга зоримни кўрмадингизму.
Бу тонг хуршеди тобондек насиб бўлгайму дийдори,
Менинг кўнглимни олган дилдоримни кўрмадингизму.
Сабр-ла тоғ каби турибман не замонларким,
Оқарди соchlарим, бошда қоримни кўрмадингизму.



Абдукаюм ЙУЛДОШЕВ

ЗАЛОЛАТ

Кисса

МУАЛЛИФДАН: Яқында хуқуқ мавзусида ёзib юрадиган журналист биродарим мардикор бозорида ши олиб борган жинои гурух фаолияти тергов қилинаётганини айтиб қолди. Ростини айтсан, унчалик ишонмадим. Ахир, мардикор бозори қайда-ю, жинои гурух қайда! Аммо журналист ошнам бўши келмасдан, ўзининг айтганида қатъий турив оларкан, бу шида асосий гувоҳ бўлиб қатнашаётгандардан бири ўзининг таниши эканини қистириб ўтиб кетди. Бу таъкидга ҳам унчалик эътибор бермагандим. Аммо лоқайдилгум ғашини келтирган чоги, биродарим кутимаганда шу Илёс исмли гувоҳни бошлаб келиб қолса бўладими! Гурунг орасида воқеа тафсилотлари билан қизиқдим. Илёс тортинчоқ, камтарингина йигит экан, баъзи мулоҳазалардан кейингина бошидан ўтказгандарини қисқачароқ ҳолда, анча қисиниб-қимтенин гапириб берди. Ушбу сиддагина баён мен учун анча ҳаяжонли кечди. Кечга довур эшитгандарим таъсирида юрдим ва ниҳоят баъзи исмларни ўзгартирган ҳолда барини қоғозга тушириб қўйишга уриндим.



“ВОЙ, ОЛЛА!..”

...Ишда куни билан бежиз кўнгли гаш бўлиб юрмаган экан: у “дом” томон бурилган заҳоти ўзи ижарада турадиган олтинчи қаватдаги хонадоннинг шу томонга қараган ҳар иккала деразаси зим-зиё зулмат огушида эканини кўрди. Босхқа, чироқлари порлаб турган уйлар олдида бу манзара жуда хунук кўринаркан: баъзни хонадондан мархум чиққандай.

Бу беўхшов ўй Илёснинг этини сескантириб юборди. У чўнтағидаги икки дона қаттиқ конфетни маҳкам ҷанглалаганча тишларини синдириб юборгудай даражада қаттиқ бирбирига ботирди ва одатдагидай эшиклари ланг очилиб ётган, ичиди чироғи кўпориб олиб кетилганилиги боис нимаси биландир қоп-қора лаҳадни эслатадиган лифтга нафрат билан қараб кўйганча олтинчи қаватга сурдалиб чиқди. Йўлакча ҳам ҳамишадагидай қоп-коронги эди, Илёс асабий тарзда пайпаслаб кўнгироқ тугмачасини излаб топди ва беихтиёр одатдагидай уч маротаба қисқа-қисқа босди: “Мен кел-дим...”. Фақат ичкаридан бир сас эштилавермагачина Илёс кўчада кўрган манзарасини эслади ва алам ичиди эшикни аввалига тақилятди, сўнг эса сабри чидамасдан гурсиллатиб уришга тушди.

Аввали пайтлар бўлганда-ку, индамасдан эшикни калити билан очиб кириб кетаверган бўларди-я. Аммо ўз-ўзига ваъда бериб қўйган-да.

...Ўшанда ишхонада ўтган камтарингина туғилган кун базмида бир амаллаб иккита қип-қизил олмани чўнтағига солиб қўйган эди. Ўзим то базм тугагунча иссиги чиқиб юрди - баъзни ҳамма унинг дўйпайиб қолган чўнтағига қараб-қараб кўяётгандек. Ахйири, ўтириш тутар-тутамас, шоша-пиша кўчага чиққан маҳалигина сал енгил нафас олди ва завод ёнидаги кўчан кесиб ўтасола уй томон ошиқди.

Ў, у маҳаллари ҳали Илёсни мағрурлик, бутун бўлмасдан эртага ишим юришиб кетади, деган ишонч тарк этмаган эди. Гўё тезда, жудаям қисқа муддат ичиди недир мўъжиза юз беради-ю, Илёс бирданига уйли-жойли бўлиб қолади, кўлиям пул кўради. Ана ўшанда... ана ўшанда тор, эгаларининг феъли ундан-да тор ижара уйларга тупурадио, ўзининг уйига, ўзининг кўргонига кўчиб ўтади!

Илёс эшикни жуда эҳтиёткорлик билан, овоз чиқармасдан очи ва коронги йўлакда туфлисими аста етгач, оёқ учида биргина чироқ ёниб турган ошхона томон юрди. Ў, Илёс “хўжайн” деб атайдиган қаримсиқ, мумсик, тишлари сарфайиб кетган, доимо “квартиранлар чироқни кўп ишлатиб кўяди” деган ваҳимада юрадиган, ҳар ойнинг биринчи чисолосида ижара пулинни олишга келганида ҳам ток ортиқча ишлатилганини айтиб мингирайверадиган, ёш келин-куёвга токни иқтисод қилиш нақадар зарур эканлигини тинмай тақрорлайвериб жондан тўйдириб юборадиган (ҳолбуки, чироқ пулинни ижарадорлар тўлашарди), булар йўгида уйга ке-

либ, сўнг бирон ҳат-пат қолдирса ҳам албатта битиги охирида “Чироқларни ўчириб қўйишни унумтманлар” деб алоҳида эслатиб қўйишни асло ёдидан чиқармайдиган (ўз навбатида, Илёс уй-чироқ, пулинни тўлаб қўйдим мазмунидаги жавоб хатини қолдирив кетаркан, мактуби охирида албатта “Ҳамма чироқларни ўчириб қўйдик” деб таъкидлаб қўйишни унумтасди), кўзи яхши кўрмагани боис Илёс жаҳали чиққандай “кўр” деб атайдиган қарияни ҳаттоқи ўйлаганда ҳам эти сесканиб кетадиган Барно кечалари уйнинг фақат битта чироғини ёқиб ўтиришга одатланганди.Faқат Илёс қайта-қайта тайинлайвергандан кейингина, ҳеч бўлмаса эри кеч қоладиган кунлари уйнинг иккита чироғини ёқиб қўйишга ўзида куч топадиган бўлганди.

Ўшанда... ўшанда кўклам эди, рўзфорда ҳар куни ишлатиладиган нарсаларнинг нархи кўтарилиган пайт эди. Аксига олиб пиёз жуда қиматлашганди, аччиқнинг нархи ошдими - қолганларининг баҳоси ҳам осмонга сапчиши одатий ҳолга айланганди. Хулас, чўнтағидаги олмани маҳкам ушлаган Илёс аста ошхонага мўрлади ва одмигина палос устида ўтирган Баронинг пиёз арчиётганини кўрди. Коронгуликда турган Илёс хотинини бемалол кузатиши мумкин эди. Юзига энди-энди дөглар тоша бошлаган Барно битта ўртача катталиклиги пиёзни арчиб бўлгач, негадир тикилиб туриб-туриб, салмоклаб ҳам кўргач, ярмини кесиб олиб бир ликопчага тўғради. Сўнг, тўғралган пиёзга яна бир муддат иккиланиб қараб қолгач, олиб қўйган яримта пиёзни қайта-қайта қўлига олди ва яна иккиланиб туриб қолди. Ниҳоят бир қарорга келди чоги, келинчак журъетсизлик билан пиёздан яна озигина кесиб олди. Ана шунда Илёс хотинининг мижжаларига ёш қалқиб чиққанини кўрди... Илёс бу пиёзнинг аччиғидан деб ўзини ишонтиришга уринди, аммо кейинги лаҳза Баронинг пиқиллаб иғлаб юборганини кўргача - бу ожизлик, алам, йўқчилик дарди оқибатида туғилган кўз ёшлар эканлигини англади.

Ў, қандай мағур эди Барно! Қандай ўзига тўқ оиласдан эди Барно! Шу... заводда дурадгорлик қилиб юрган йигитта кўнгил қўиди, унинг орқасидан шаҳарга келди! Шу кунга довур бирон марта бўлсин ийғчиликдан нолимади! Бирон марта бўлсин эрининг камхаржлигини юзига солмади! Шундай муниса, маъсума эди бу Барно! Илёснинг уй олиш режалари ҳақидаги чўпчакларини ёш боладай мириқиб эшитадиган, ўзининг икки юз чақирим олисадаги уйига борганда ўн килолаб туршагу майизларни кўтариб келишдан уялмайдиган, аввали жара уйларида Илёс меҳмонхонада турган сервантнинг у ёқ-бу ёғини тузатиб кўйтагану, эртаси куни балоқазодай бўлиб етиб келган хўжайин “Импорт сервантимни расво қиссан! Соққасини тўла!” деб айюҳаннос солиб турган бир пайтда индамасдан бармогидаги тўй олдидан ўзи сотиб олган Энликкина никоҳ узугини чиқариб берган Барно мана энди ярим дона аччиқ пиёз устида пиқ-пиқ йигламоқда эди...

Илёснинг юраги орқасига тортиб кетди. У ҳаммасини илгаб турар ва айни пайтда буларнинг бари ёлғон, мен адашяпман, холос, дея ўзини ўзи ишонтиришга уринарди.

Илёс аста сирғалиб ташқарига чиқди.

У эшикни секингина қулфлагач, йўлакда туриб бир-икки бор туфлисини қоқкан бўлди, сўнг ёлғондан бўлсаям йўталди, ана шундан кейингина эшикни атай шовқинлироқ очиб ичкарига кирди. Ошхонадан ютуриб чиққан Барно чироқни ёқаркан, одатдагидай хурсандлик билан:

- Яхши келдингизми? - дейишга уринди.

Илёс хотинининг қизаринқираган кўзларига ер остидан қараб кўяркан, бир нима деб мингирлаган бўлди ва шундан кейин индамасдан чўнтағидаги иккита қип-қизил олмани чиқарди.

Олмалар оддийгина эди. Унчалик карсилаб ҳам турмасди, бильякс, андаккина сўлиган ҳам эди. Аммо уларни кўрган заҳоти нечукдир кўзлари ёниб, тилла топган гадодай ҳаяжонланиб кетган Барно туйкусдан:

- Вой, олма!.. - дея қичқириб юборди ва (сира кутилмаган ҳол!) тезликда уларни эрининг кўлидан деярли юлқиб оласола ўзини ичкари хонага урди.

Бундан ажабланган Илёс аста хотинининг орқасидан кирди ва Барнонинг қоронгиликда олмани ютоқиб-ютоқиб еяётганини кўриб аввалига оғринди. У ҳеч қачон хотинини иккита сўлиган олма учун бу қадар телбаларча шодумон бўлади, деган хаёлга бормаганди.

Шу ўй оғушида кайфияти баттар тушиб кетган Илёс йўлакка чиқиб, устидаги костюмини ечаркан ва афтидан олмаларни еб бўлган ва нафси андак ором олган хотини орқасидан чиқиб келгани сезди. У Барнога дакки бериш ниятида шу томонга қайрилди. Аммо эшик кесакисига суюнганча эрига чексиз миннатдорчилик билан, кўзлари чақнаб, ҳам ўз қилиғидан ўзи уялганидан бўлса керак, қип-қизариб кетиб қараб турган Барно лаблари титраб кулимсиради ва кўзларини олиб қочганча:

- Раҳмат... - деди. - Неча кундан бери айтольмай юргандим... Шундай пайти... шундай пайти... - Жувоннинг овози титраб кетди. - Шундай пайти бошқаларга ўхшаб кесакками, тошгами эмас, қиммат олмага... бўлиб... Билган экансизда...

Илёс аввал эсанкираб қолди, сўнг пешонасига бир мушт ургудай даражада ўзини ёмон кўриб кетди. Тириклик ташвиши деб юраверибди, бу ёқда хотинидан бир оғиз сўрампти-я, кўнглинг нима тусаяпти деб...

Аммо эр эмасми, сир бой бергиси келмади.

- Сезмай ўлипманни... Эртага Бахмалнинг беш юлдуз олмасидан бир сумка олиб келаман. - Илёс хотининг сесканиб кетганини, безовталини қолганини кўрди ва Барнони хотиржам қилиш учун гапнинг иккинчи ярмига ҳам ёлғон кўшиди: - Бир жўрам бозорга бир мөшин опкелган экан, бугун обкет деганди, эриндим.

Ха, ўшанда Илёс ёлғон ваъдасининг устидан чиқди - қарз-ҳавола қилиб бўлсаям тўрт-беш қило Бахмал олмасидан опкелди. Қип-қизил. Серсув. Карсилаб туриби ўзиям. Қарсанг бас, оғзингнинг суви келади. Ў, ўшанда Барнонинг еру кўкка сифмат курсанд бўлганиларини, кечалари эрини маҳкам кучган кўйи титраб-қақшаганча сўзсиз миннатдорчилик билдиригларини, ўзиям уч кун нон ўрнига ҳам, чой ўрнига ҳам карсиллатиб олма етнларини унутиб бўладими... Бироқ Илёс бошқа нарсани ҳам унотомлади: яримта пиёзни тўғрайми-тўғрамайми деб иккиланиб турган, сўнг ўз ҳолидан ўзи изтироб чеккан ҳолда юм-юм йиглаётган Барно. Илёс ана шундан кейин ўйни ҳеч қачон ўз қалити билан очиб кирмасликка ўзига ўзи қасам ичди, қалитини ҳам Барнога топширапкан, "Ишда йўқолиб қолиши мумкин", деб яна бир ўтирик тўқиди. Айни пайтда "Сен энди доим уйда бўл, иш излаб ҳам юрма, барibir бу аҳволингда бирор сенга иш бермайди, менинг ишдан вақт-бемаҳал қайтишим бор", деб ҳам кўйди.

"БИЗ ҲАМ КИЧКИНА ОДАМ ЭМАСМИЗ..."

Илёс муздай эшикка кулогини босди. Ниҳоят ичкаридан Барнонинг оғирлашиб қолган қадам саслари эшитилди.

Илёс хотинининг одатини билади, қолаверса бунга ўзи

ўргатган, яни эшик қўнғироғи жиринглаб қолганда ҳам худа-бехудага овоз беравермайди. Ахир ижарада яшагандан кейин сал эҳтиёт бўлиш ҳам керак-да, ким билади биронтаси ЖЭКдан келадими, газданми, маҳалладанми. Уларнинг барисига тўлов қофзларини кўрсатишу ижарада вақтнча турганингни исботлаганингча она сутинг оғзингдан келиши аён. Бунинг устига Барнога ўшаган тортинчоқ жувонга. Энг ёмони Барно ҳали прописка деган балодан ўтмаган. Илёс қизиқ устида хотинининг паспортини қишлоқдаги рўйхатдан чиқарип келаверган экан. Бу ерга келиб эса жуда катта хато қўлганини билди: ҳатто ўз жуфти ҳалолингни қайддан ўтказиш деярли мумкин бўлмаган иш экан. Бунинг устига, Илёс бир пайтлар заводга кирганида паспортини қайддан ўтказган ётоқхона аллақаён бир фирмада пирмага сотилиб кетган, яқинлашиб қолса бас, у ерада ўтирган янги маъмурлар Илёсга зудлик билан пропискадан чиқиб кетиш шартлигига, акс ҳолда милицияга бериб юборишларини айтиб дўйқ-пўписа қилишга тушиб кетарди. Ҳатто ўшандай чақонлардан бири заводга кунда-кунора бориб асабини бузгани етмагандай, бир кун ижарада турган уйини ҳам топиб келиб, "Уч кун ичиди прописасини ўчирмаса қаматиб юборамиз!" қабилидаги ваҳимали дъявлолар билан бечора Барнонинг юраги ёриб кетипти. Табиийки, бундай шароитда яшаш жойидан маълумотнома олиш ҳақида гап ҳам бўлиши мумкин эмас эди. Бу эса бамислини занжирли реакция сингари ҳамма нарсага ўз тасирини ўтказмай қолмади: Барнони бирон жойга ишга қабул қилишади, маҳалладан ёрдам пулуни олишнинг ҳам иложи бўлмади, энг ёмони эса Илёс хотинини пуллик шифохонага олиб боришга мажбур бўлди. Балки буларнинг бари сабаб бўлгандир, ҳар нечук, Илёс қўни-қўшнилар билан борди-келди қилишни ёқтиримайди, Барно бир-икки бор бундай алоқаларга рағбат билдириглана ҳам ошкора рўйхўшлик билдириган. Ёшгина жувоннинг кун бўйи тўрт девор орасида ўтириб сиқилиб кетишини сезса-да, бундай муносабатларни то алоҳида уй олиб, одам қатори яшай бошлангунга қадар унтиб туришга аҳд қилган...

Шуларни ўйлаб юраги баттар сиқилган Илёс хотинининг эшик ортида нафасини ичига ютиб турганини сезди ва:

- Бу мен, - дея овоз берди.

Калит шиқирлади, зулфин туширилди ва эшик очилди. Илёс қоп-қоронги зулматга меровсираб тикилиб қолди.

- Яхши келдингизми...

- Келдим... Нега светни ёқмадинг?

- Анави... токдан келиб ўчириб кетишиди.

- Нега? Пулини тўлаганимиз демадингми?

- Айтдим... - Барно иккиланиб қолди. - Квитанциясиныям кўрсатдим. Алдаяпсанлар деб бақириб берди... Кейин ўчириб кетди...

Илёс туфлисини ечиш учун эгилган жойида қотиб қолди. Беихтиёр "Квитанцияни кўрсатиш шартмиди?" деб айтмоқчи бўлган жойида тилини тишлади. У олдинги сафар ток пулни тўлаганида тўлдириглан квитанциясидаги ойлар санасини ўзгартириб, яна уч ойга пул тўлганадек қилиб кўйган, лекин бу айрлик шапкўр уй эгаси учун мўлжалланганди, токи у ҳеч бўлмаса икки-уч ой овозини ўчириб турсин. Шўрлик Барнога эса олдиндан пулни тўлаб кўйдим деганди. Ўзиям, ўё ростдан пулни тўлаб кўйгандай юраериди. Мана, ёлғоннинг миси чиқи.

Илёс бир амаллаб томоқ қирди ва туфлисини ечиб, қаддини ростларкан, бепарвороқ оҳангда гапиришга уринди:

- Адашишган-да. Эртага ҳал қиласиз. Э, тўхта-тўхта... Гутуртни олиб чиқ-чи.

Илёс эслади: қайси бири йили "дом"да турадиган бир ўрготинига борганида худди шундай қилиб ўчириб кетилган чироқни биргаликда ёқишганди.

Илёс эски шиппакни оёғига иласола қайтиб подъезд майдончасига чиқди ва гутуртни ёқиб ток ҳисоблагич курилма турган темир яшикни очди. У янгишмаган эди: счётик тенасидаги тўртта қавариқ тутмача пастта туширилган эди. Илёс яхшилаб қаради: муҳр босилган қозош ёпиштириб кетишибди, холос; ҳеч қанақанги сургуч-пургуч кўринмади. Илёс таваккал деб тўрттала тутмачани ҳам юқори кўтарди. Ва худди шу лаҳзада уйдан Барнонинг:

- Ёнди! Ёнди! - деган ҳаяжонли овози эшитилди ва аф-

тидан, жувон чапак ҳам чалиб юборди шекилли.

Илёс хонадон томон ўғирилди ва дарҳақиқат, йўлакка бир тутам нур тушиб турганини кўрди.

Илёс темир эшикчани қайтадан зичлаб ёпиб уйга кирапкан, йўлак чирогини ёқди. Нурдан кўзлари қамашиб кеттан, кувончидан ўзини қўярга жой тополмаётган Барно андаккина эркаланиб деди:

- Бало экансиз-ку, дадаси...

Яқин орадан бери айтилаётган бу сўз баданини жимирилашиб юборган Илёс оғзи кулоғига етиб илжайди ва хотинига жавобан ўхшатиб жавоб қўлмоқ қасдида бир амаллаб лаблунжини йигиштириб оларкан, атай жиддий оҳангда гапиришга уринди:

- Биз ҳам кичкина одам эмасмиз! Авводларимиз жа-а катта одамлар ўтишган. Так-што бундан кейин биз билан сал ўйлашиб гаплашинг...

Барно қиқирлаб кулиб юборди. Шу билан кўнгилни хира қилиб турган ташвишлар дого ёмғирда ювилгандек изизидан ўтид-кетди чоғи, қорни қаппайиб қолган келинчак сал этилинкираб, эрининг бўйиндан қучиб олди...

Хотинининг назарида ҳархамонлик бўлиб туюлган ишни амалга оширганидан ўзи ҳам хурсанд бўлиб кеттан Илёс бир яйради, бир яйради.

Шу оқшом ўзига хос оиласвий байрам бўлди-ёв. Аввалига қаттиқ конфетни маза қилиб чойга ботириб ейиши. Сўнг навбат нон паловга келди. Негадир иштаҳаси очилиб кетган Илёс хотинига шерик бўлди. Кувонун ҳаяжон таъсиридами, Илёс келгусига мўлжаллаган режаларини айтаверди, айтаверди, Барно эса кўзлари чақнаган ҳолда уларни мириқиб эшиставерди, эшиставерди. Илёснинг назарида, арзимаган иш, яъни ўчириб кетилган чироқни қайта улагани хотинининг олдидаги ўзининг обрўйини жуда ошириб юборган эди. Мана шу кайфиятни сақлаб қолиш, мана шу ишончни кучайтироқ қасдидами, хотини пишиллаб ухлаб қолгандан кейин Илёс ўзича анча режалар тузиб чиқа бошлади. Уларнинг ичидаги энг ишончлиси мардикор бозорига чиқиши бўлиб туюларди. Эртага шанба. Демак токни текширишга келишмаса керак. Демак Илёснинг ихтиёрида икки кун вақт бор. Тўғри, Илёс ҳар шанба-яқшанба беш бекат наридаги станцияга пиёда бориб, вагонларда келган юкни туширар, ишқилиб, уч-тўрт сўм топиб келарди. Бироқ кейинги вақтларда юклар мунтазам келмас, шу сабабли бальзан кун бўйи сарғайиб ўтиришга тўғри келарди. Ана шундай пайтлари Илёснинг кўп шериклари мардикор бозорини мақтаб қолишарди.

“Бўлди, тамом! - деган қарорга келди ахийри Илёс. - Икки кун мардикорчилика чиқаман. Чироқ пули, гўшт, картошка-пиёз, мой... Кани энди икки кунда ўн мингчага ишласам. Уйда. уйда яна байрам бўларди-да ўзиям. - Илёс ширин тамшаниб қўйди. - Барногаям пудра-мудра олардим-да, ёстигининг остига яшириб қўярдим. Кейин “Ие, авани дўппайиб турган нарса нима?” дердим. Барно мундай қарапди-ю... кейин бўйнимдан маҳкам қучоқлаб оларди...”

“БЕШ МИНГДАН! ҲАР БИРИМИЗТА!..”

Аммо ҳолва деган билан оғиз чучиб қолмас экан. Илёс тонг саҳарда келиб, мардикор бозоридаги издиҳомни кўрган заҳоти бунга ишонч ҳосил қилди.

Эҳ-хе, кимлар йўқ эди бу ерда. Кетмону белкурагини елкасига кўтарганилар, андавасини қонга солиб олганлар; соқоли ўғсанлар, иркит либосдагилар; бир шиша вино учун кун бўйи ишлашга тайёр алкашлар; тўртта нон учун оқ одамни сўйиб кетишга тайёрлиги ҳиссиз бокшишларидан билиниб турган жиноятчилар...

Бунча ишга талабгорни кўраман деб ўйламаган Илёс аввалига шошиб қолди. Бироқ энг оғиги - ўрганмаган одам учун ишга ёлловчини топиш экан. Бирон машина ёки мижоз келса бас - бу издиҳом гувиллаб машина ёки ўша одамнинг атрофини ўраб олади. Ари уясидек тинмай фўнгиллашгина ўшиладиган бу савдода нима бўляяпти, нима қолаяпти - аниқлашнинг иложи йўқ эди. Ҳар қалай, савдо пишиш керакки, орадан бир неча дақиқа ўтгач оломон ортга чекинар ва уч-тўрт баҳтиёр мардикор гердайганча мижоз машинасида ённи етовида қайгадир йўл оларди. Қолганлар эса уларнинг ортидан ҳавас ва ҳасад билан қараб қўйишаркан, навбатдаги

мижознинг йўлига оч бўридай термулишга ўтишарди.

Илёс деярли уч соат мобайнода бирон харидор ёнига ҳатто яқинлашомлади ҳам. Издиҳом дарҳол уни четга суреб ташлар, бақириб-чақиришу, туртишларга ўрганмаган Илёснинг ўзи эса олдинга ўтиб олишининг уддасидан чиқолмасди. Устига устак, Илёснинг ўтибор беришича, аксар иш топган мардикорлар гурух-гурух бўлиб ҳаракат қилишарди. Яъни гурухнинг бир қисми ичкария бегонани киритмай, харидорни ҳалқа шаклида ўраб олар, гурух бошлиги эса савдони пиштарди. Алами келгандар гурух ташқарисида турб ҳам бақиричақир қилишар, арзонроқ нархга ҳам рози эканликларини айтишар, натижада кўп ҳолларда бу фала-ғовур охири албатта жанжал, беҳаё сўқинишлару турта-туртлар билан якун топарди. Тажрибалироқ харидорлар эса айнан мана шундай вазиятни кутиб туршишар ва жанжал авжга чиққан маҳал усталик билан мардикорларни танлаб-танлаб ва жуда арzon нархга олиб кетарди. Бундан газабланган “уюшган гурух” эса мижоз кетган заҳоти қолган мардикорларни сиқувга олар, ошкора пўписага ўтар, ҳатто ора-сира пичноқ тиғлари ҳам ялтираб қолар, аммо ўладиган хўқиз қабилида болтадан қайтмайдиган, тириклий дея, бир бурда нон илинжида бозорга чиққан мардикорларнинг аксарияти оғзидағи ошни олдириб ўтирадиганлардан бўлмаганлиги сабабли даҳанаки жанг бъязан ошкора солишивга ҳам бориб етар, бу жойнинг ўзига хос оқсоқолларига айланган кекса мардикорларнинг аралашуви билантина бу жанжаллар қон тўкилишга бориб етмай барҳам топар, кўп ҳолларда эса жанжалларнинг авж нуктаси навбатдаги харидор келган заҳоти тўсатдан таққа тўхтар, тарафлардан биронгасига ҳам омад қулиб боқмаса, яна келган жойидан давом этарди. Мабодо бирон тараф поини пиёда ёнини машинада харидор етовида жўнаб қолса, фифон фалакка чиққан иккинч тараф нақ ярим соат сасириди: “Кочиб кетмаганида мен уларни ундаи қилардим, бундай қилардим...”

Илёс яна бир нарсага ўтибор берди. Шу тарафга милиционерлар келаверишса бас, мардикорлар тўсатдан жим бўлиб қолишар ва дарҳол ҳар тарафга тарқаб кетишга ҳаракат қилиб қолишарди. Фақат кекса мардикорларгина жойларида бемалол ўтираверишарди. Шундай бўлсаям миршаблар мардикорлардан икки-учтасини тутиб, орқаси ёпик мишинада қайгадир олиб кетишар ва бу воқеадан уч дақиқа ўтар-ўтмас мардикор бозори яна аввалгида гавжум бўларди-қоларди.

Илёс секин сурциштириб кўриб, бунинг сабабини тушунгандай бўлди. Миршаблар текинга ишлатиш учун одатда ёш ва бақувват мардикорларни олиб кетишаркан.

Илёснинг ёнида ўтирган, “қўлимдан молга қарашибдан бошкаси келмайди” деб такрорлаб-такрорлаб кўйишни хуш кўрадиган, афтидан, уйда зериканидан чиққан, иш топишга ҳам унчалик ҳафсала қўймаётган кемшик тиши чол саволга жавоб берга туриб, ғалати тарзда ишшайди:

- Ҳалиям хув авани кўприкнинг остида аёлларнинг мардикор бозори ишга тушиб қолиб, қулогимиз тинчиди. Энди миршаб зоти борки, ўша ерда искалануб юради.

Илёс қария кўрсатган томонга қаради ва уч юз қадамча наридаги кўприк остида турган аёллар издиҳомини кўрди. Бу йўлдан шунчага ўтиб, сира ўтибор бермаган экан...

Бора-бора Илёста алам қила бошлади. Уч соатта яқин вақти осмонга уди-я. Бундан кўра тинчигина ўз станциясига бораверса бўларкан, ҳар қалай, юқ-пук келиб қолиши мумкин эди, энг муҳими - юқ туширувчиларнинг аксарияти ўзига таниши эди. Таниш одам билан эса ҳеч бўлмаса ўёқ-буёқдан гурунглашиб ўтириш мумкин. Бу ерда бўлса ҳамма бир-бирига душман, ҳамма бир-бирига рақиб, бири иккинчисига кулиб қараган одамни тополмайсан. Қаёққа қарама - хўмрайган, бадқовоқ, қаримсиқ, шишиб кетган, ўзинга шубҳаланиб тикилиб турган заҳил чехралар, баайни сен уларнинг оғзидағи ошни тортиб олаётгандексан. Ҳолбуки, ҳамма бир кемага тушган, инчунун, ҳамманинг жони бир, аммо шунга қарамасдан бу қадар бир бирига нисбатан файрилик, ичиқоралик, кўролмасликни кузатаркан, Илёснинг юраги батар сикилид. Дунёда шундай одамлар, шундай мұхит ҳам бўлар экан-да. Кимлар булар? Иши юришмаган, ҳаётда омади келмаган аламзада кимсаларми ёки жамиятнинг қўйқасими? Ундаи деса, ана, кўриниб турибди, улар орасида ўқимшли, зиёли кишилар ҳам бор. Анов биттаси навбатдаги харидор



дор кетиши билан чекароққа чиқади ва берилиб китоб ўқыйди. Илес унинг ёнидан ўтаётib разм солди: Достоевский танланган асарларининг тўққизинчи-ўнинчи томлари. Бу китобни Илес ўзи билан бирга ишлайдиган уста Александр Николаевичнинг уйидаги жавонда кўрганди. Янглишмаса, “Акайка Карамазовлар” романи эди. Анави қабариқ кўзойнакли одамнинг чўнтағидан иккита бугун чоп этилган газета чиқиб турибди. Ўзиям вақт топса бўлди, кўзойнагини бурни устига туширганча берилиб ўқигани-ўқиган...

Вақти ҳавога совурилганини ўйлаб тобора асаби бузилиб бораётган Илес ҳар нечук ўзи тасалли беришнинг эвни қилди: яхшиям Барнога бир станцияга ўтиб келай дегани. Уйга боради-да, бутун юк келмади, деб қўяди. Тўғри, бу гапни айтиш оғир, аммо на илож. Яхшиям мардикор бозорига чиқаётганини айтмагани. Ўзича анчагина пул ишлаб, хотими яна бир бор ҳайратларда қолдирмоқчи эди. Ўйда кичкинагина байрам бўлишини истаганди. Бу ёқда эса... байрами чиқиб турибди...

Тушга бориб одам бироз сийраклашди. Бозор ўртасида газета тўшаб, пишиллаганча кўр тўкиб ўтирган, чамаси олтмиш ёшлардаги, семиз киши ногаҳон Илесни имлаб чақирди:

- Ман бетга кел-чи, бола.
- Илес яқин борди.
- Ассалому алайкум.

Семиз киши бепарво кўл силтади.

- Валайк. Хўш, кўлингдан нима иш келади?

Илес ҳайрон бўлиб елка қисди.

- Нимайди?

Семиз киши ёмон ўқрайди.

- Энанги фалонийди... Ман санга иш бердиму, сан бола ноз қилиб қолдингми?

Рангига ўчиб кетган Илес бир амаллаб тишларини тишларига босди.

- Кўлимдан ҳамма иш келади, амаки.

- Шаҳарлик эмасмисан, бола?

- Йўқ, қишлоқданман.

Амаки оғир кўзғалиб ўқиди.

- Унда тузук. Шаҳар кўрган эчкидан кўрк деганлар. Шаҳарлик олифта любой ишди қалпоқ қилиб ташлайман деб кулоғингга лағмон осади-да, ишдинг ўзини кўрганда иштонини хўллаб кўяди.

- Ишдан қочадиганлар эмасман, амаки.

- Тузук, тузук. Унда боҳабар бўлиб тур, бир мосин-пошин келгандан ютуриб бор, бригадамиз деб айт. Шундай десанг иш топиш осон бўлади. Уқдингми? Уй-пуди чизиши керак бўлса рассомимизам бор деб айт. Ҳа, ана, - амаки чеккароқда осмонга термулганча қаққайиб турган жиккаккина йигитчага ишора қилди. - Устудент у. Уям бизди бригададан. Манинг отим Нишонбой. Рассомди оти Холмурод. Уқдингми? Санинг отинг нима?

- Уқдим. Манинг отим Илес.

Хафсаласи пир бўлган Илес нари кетди. Афтидан, “уюнганин гурух”лар жой-жойини топиб кетиб, бозор бўшай бошлилаган сайнин манавиниң амакига ўхшаш хонаки жўрабошилар пайдо бўлади шекилли бу ерда. Шу маҳал бозорга бир “Нексия” ва орқаси ёпиқ, қишлоқда “перашковоз” деб аталағандиган “Москвич” келдию, бозор тўполон бўлиб кетди. Ердан чиқдими, осмондан тушдими, бир пасда икки машинани камиди юзта мардикор ўраб олди. Чикмаган жон умид. Илес ҳам ҳеч бўлмаса кетар жафосига дея ўзини тўдага урди. Ранг кўр - ҳол сўр, деганларидек, мардикорларнинг асосий қисми “Нексия” томон интилмоқда эдилар. Илес мана шу фурсатдан фойдаланиб қолди ва иш сўровчилар нисбатан камроқ бўлган “Москвич” томон отилди.

“Москвич” эгаси, чамаси қирқ-қирқ беш ёшлардаги, эгнида ҳаво ранг спорт либоси, оғиги оқ кроссовка кийган гирдигум, қорувли, сочини тақир олдирган, пешонасида тириғи бор, қисқагина ва йўғон бўйни елкалари ичига кириб кетган, қориндор эркак бақириб-чақириб ўзларини таклиф қилаётган мардикорларга беписандлик билан, ҳаттоқи кибр аралаш қараб тураркан, гала-ғовури босиб юборадиган даражада йўғон овозда:

- Манга бригада керак, - деди.

Ҳали атрофдагилар бу гап мағзини чақмай туриб Илес турган жойида чинқириб юборди:

- Мана бизда бор бригада!

Гирдиғум эркак шу томонига қаради ва кекирдагини чўзиб турган Илесни имлаб чақириди.

Ўзларига келиб олишган бошқа мардикорлар ҳам “Манда бор... Мандаям бор...” деб бақир-чақир қила бошлиди. Аммо харидор одамлар орасини ёриб ўзи томон яқинлашиб келаётган Илесни диққат билан кузатиб тураркан, ниҳоят у ёнига келган маҳал бозордаги отжаллобдай йигитчани бошдан-оёқ кузатиб чиқди ва унчалик ёқтирмаган тарзда бошчайқаб кўяркан:

- Бригадандага кимлар бор? - деди дўқ ургандай дагал тарзда.

Ваъдани беришга бериб қўйиб, энди ним қилсан экан дея типиричилаб турган Илес чўкаёттан одам хаста ёпишиди, қабилида иш тутди:

- Нишонбой ака, рассом студент...

Харидор ёқтирмайроқ лаб бурди:

- Шаҳарликмисанлар?

Бояги зўраки жўрабоши Нишонбой аканинг талаби ёдида турган Илес жон ҳолатда эътиroz билдириди:

- Йўқ, йўқ, ҳаммамиз қишлоқдан келганимиз, қишлоқмиз.

Харидор барибир ишонқирамади шекилли, бир муддат Илесга синчковлик билан тикилиб тургач, тўнғиллади:

- Чакир-чи бригадандиги. Пичоққа илинадигани борми ўзи...

Илес яна гала-ғовур ила ўзларини таклиф қишишга тушган мардикорлар орасидан ситилиб чиқди ва ҳамон жойида кўр тўкиб ўтирган Нишонбой ака томон шошиди.

- Амаки, амаки, - деди у ҳовлиқиб, - анави “Москвич”-да келган одамга бригадамиз бор дегандим, чақир ҳаммасини деяпти.

- Шунақами, шунақами... - афтидан, ўзининг бекорчиликдан ўйлаб топган режаси иш беришини кутмаган бўлса керак, Нишонбой ака шошид ўрнидан турба бошлиди. - Ундей бўлса... ундей бўлса... - у ҳовлиқиб атрофга аланглади ва ҳамон бир чеккада кўқдан кўз узмай ўтирган рассом талабани топди, - ҳой, устудент, бу ёққа кел-чи. Чақир анави қишлоқдан келган маллимниям.

Талаба ёнида турган ўттиз беш ёшлардаги, одмигина кийинган, бироқ кўйлак-шими дазмолланган, калта соchlари типратиканни янглиг диккайиб турган, эрталабдан бўён айборона кулимсираганча Илесга ўзшаб кўпчиликка кўшила олмай юрган кишини имлаб чақириди.

Хуллас, тўртловон мардикорлар ҳалқасина бир амаллаб ёриб ўтишиди ва “Москвич” эгаси ёнига келишиди.

- Мана, биз келдик, - деди Илес ҳансираф.

Харидор Илесга ўқрайиб бир қараб кўйгач, “бригада” аъзоларини диққат билан кўздан кечирди. Маъқул бўлмади чоғи, аччиқ нарса етандай афтини буришитираркан, яна дўқ оҳангиди Илесга мурожаат қилди:

- Каттант ким?

Шу саволни кутиб турганда Нишонбой ака бир қадам олдинга чиқди ва харидор билан юзма-юз туриб қолди.

- Ман бригадирман.

Харидор бригадирга очиқдан-очиқ мазахомуз қаради.

- Кўлларингдан нима иш келади?

Нишонбой ака сир бой бермасликка уринди:

- Кўқонини келишсак, любой ишди эплаб ташлайверамиз, ака. Сифатига гарантия бераман. Сабаби тириклик деб бу ерлара юрибмиз-да.

Ушбу кулоқ ваъдага жавобан истеҳзоли илжайиб кўйган харидор кўлларини бир-бирига чалиштириди, сўнг чап кўли билан иятини эззиларкан, дабдурустдан сўраб қолди:

- Бир кунлик нархларинг қанча?

“Бригадир” маслаҳат сўрагандай ён-верига қаради, сўнг ушбу арзимаган масалада ҳам кўмак сўрашдан ор қилди чоғи, дангалига кўчди:

- Беш мингдан! Ҳар биримизга! Уч маҳал иссиқ овқат ўзингиздан!

- Харидор соатига қаради.

- Соат ўн икки бўллипти. Значить, куннинг ярми ўтипти. Ман ҳар бирингта икки ярим мингдан бераман. Бўладими?

- Сал кўшинг, ака, - ялинди бригадир.
Харидор мардикорга ижирганиб қаради.
- Ҳар бирининг уч мингдан. Ортиқ бир сўм ҳам бермайман. Кўйнисаларинг катта кўча.
- Розимиз! - ҳамманинг номидан ваъда бериб юборди ҳақиқатан ҳам раҳбарликни ўз зиммасига олган Нишонбой ака.

- Кетдик бўлмас!
Харидор айланниб ўтиб машинасига мина бошлади.
- Ҳозир, ака, ҳозир.
Ховлиқиб қолган Нишонбой ака бригада аъзоларини бир четта имлаб ҷақириди.

- Манга қараларинг, - деди у ҳансираб-пишиллаб нафас оларкан, - кечкуну ҳар биринг манга беш юздан берасан.

Илес ҳали оғиз жуфтлаб ултурмасдан торгинчоқ муаллим беихтиёр:

- Нега энди? - деб сўраб юборди.

Нишонбой ака эса гапни чўрт кесди:

- Ман санларинг бригадирларингман. Агар норози бўлсаларинг; ана, катта кўча, любой мардикор ярим кунга икки мингта жон-жон деб бораги.

Илес ажабланиб рассом талабага қаради. Аммо у ҳамон кўкка тикилиб турар, шу туришида гўё диққат билан юлдуз санаёттандай эди. Ўқитувчи эса Илесга саволомуз қараб қолганди.

- Майли, борига барака, - деб юборди Илес.

Шу билан ҳаммаси келишиб олингандай бўлди ва бригада аъзолари машина томон юришди. Илес йўлда ҳали ишнинг ўзи нима эканлиги аниқласлиги эслаб қолди, аммо афтидан мардикор бозорида шундай йўл тутилади, яъни ишнинг ўзи иш жойига борилганда айтилса керак, ҳар қалай, одам ўлиб қоладиган иш бўлмас, деган холосага келди.

Буларга ўқрайиб қараб турган харидор индамай будканинг эшитигин очди. Нишонбой ака бригадир сифатида олдинга, ҳайдовчининг ёнига ўтмоқчи эди, аммо харидорнинг ўзига еб қўйгудай бўлиб тикилганини кўргач, индамасдан бригада аъзолари сафига кўшиди.

Торгина будкага тўрт киши сиғиб кетади, деса эҳтимол Илес ишонмасди. Аммо поллари занглаб кетган будка эшиги ташқаридан қарсиллаб ёпилганда ва харидор уни қулфлаётган маҳал кўрдик, тўртовлон бинойидайгина жойлашиб олишибди. Будканинг кафтдайгина ҳам деразаси йўқ эди, бунинг ўрнига икки ёнбошига мих билан беш-олтигидан тешик очиб қўйилган, ҳар нечук, ҳаво алмашиб туришига шароит бор эди.

Сир бой бергиси келмадими, полга гурсиллаб ўтириб олган бригадир Нишонбой ака изоҳ берган бўлди:

- Йўлда ўртоғларини олишлари керак экан.

Ёлғонлиги шундоққина билиниб турган бу гапга ҳеч ким жавоб бермади.

Машина мотори туриллаб ўт олди. Сўнг машина бир кескин силтаниб ўрнидан жилди ва тўрт мардикорни номаълум томонга қараб олиб кетди.

ИИИ

Машина ўнқир-чўнқир йўллардан юриб кетди. Ҳар чукурда сакраганда мардикорлар ўринларидан учиб кетишиар, бошларини шифтга уриб олишар эди. Айниқса бригадирга қийин бўлди. Нишонбой ака оҳ-воҳ қилар, сўкинар, бунақа машина ўйлаб топганнинг ҳам, уни сотиб олганнинг ҳам онасининг гўрига фишт қалар, шу ишдан қайтиб келса бас, иккинчи маротаба мардикорчиликка чиқмасликка қасамлар ичарди. Гапларига қараганда, у қандайдир фарзандими, куёвига аччиқ қилиб мардикор бозорига чиқар, ишқилиб, ризқини шу ерда териб еб юриб, уйдагиларга оғирлигини туширмаслик пайида бўларкан.

Рассом талаба одатига кўра мум тишлаб ўтирас, ҳатто машина уларнинг ҳаммасини бирвarkiniga олиб урганида ҳам миқ, этиб овоз чиқармасди. Илеснинг ёнида ўтирган зиёлинома киши ҳақиқатан ўқитувчи экан, қайсиридир бир тупканинг тубидаги қишлоқда келган экан; бу йил лалми ерга эккан нўхати униб чиқмай, анча қарзга ботиби, бунинг устига кузда ўғил уйлантироқчи экан, шу сабабли таътил пайти шаҳарга қараб жўнайвериби. Айтишига қараганда том-

сувоққа анча кўли келишаркан. Исмини аниқ айттиси келмадими, ишқилиб, "муаллимманд" деб кўя қолди.

Йўл эса сира адо бўлай демасди. Саҳар паллаёқ ёв қувандай туз тотмасдан бозорга чиқиб олган Илес қорни пиёз пўсти бўлиб кетганини энди ҳис қиласарди. Боя, асабийлашиб иш излаш чофи сезилмаган экан. Ҳолсизланиб ўтиришига қараганда, муаллимнинг аҳволи ҳам ўзи қатори шекилли. Холмурод очдан ўлиб қолса ҳам миқ этиб овоз чиқармайдиганлар хилиданга ўхшайди. Бригадир эса аллақачон чўнтагидан бир бўлак нон олиб кавшанар, занглаган темиру гўнг ҳидини босганча келаётган тандирда ёпилган нон иси кабина ичидагиларнинг баттар сўлагини оқизарди.

- Шу кетишимиз бўлса камида бошқа давлатга ўтиб кетдик-ов, - деди навбатдаги сакрашдан сўнг бошини фурда қилиб олган бригадир жон атчиғида Илеснинг елкасидан чанглаб ўзини ўнглаб олишга уриаркан.

Бу гапга жавобан ҳеч ким индамади, аммо бригадирнинг луқмасини эътиборсиз қолдириш нокулай бўлади, деган истиҳолага борди шекилли, муаллим ноаникроқ тарзда жавоб берган бўлди:

- Юртимиз кенг. Ҳали яна саккиз соат юрсак ҳам ўзимизнинг территорияда бўламиз.

Шу билан гап-сўз ўз-ўзидан барҳам топгандек эди. Аммо кутилмаганда қоронгиликда талаба Холмуроднинг бўғиқ овози эшитилиб қолди:

- Бу ердан ўттандик. Ҳозир бир катта чуқур келади... Чапда...

Дарҳақиқат, талабанинг гапини тасдиқлагандай машинанинг чап баллони ногаҳон бир чуқурга тушиб кетди ва бригадир оҳ-вой қилганча шу тарафга қараб юмалади.

Ахйри йўл азоби бўлган гўр азоби ҳам тугади чоғи, машина тўхтади. Темир дарвозанинг гийқиллаб очилгани эшитилди ва машина яна жойидан жилиб, ичкарига кирди. Дарвозанинг яна гийқиллаб ёпилгани эшитилди, сўнг мотор ўчди ва машина эшиги очилди. Хўжайнин қайғадир кетди шекилли, шу билан жимлик чўқди. Факат ора-сира занжирнинг шиқирилагани эшитиб қоларди, холос. Бригадирнинг нолишлари жонига теккан Илес тешикдан ҳар қанча мўрамасин, ҳеч нарсани кўролмади.

Ниҳоят оғир қадам товушлари эшитилди ва будка эшиги очилди. Қовоғидан қор ёғаётган, умуман бадқаҳр қиёфадаги хўжайнин тушишга ишора қилди. Биринчи бўлиб пастта эшик ёнида буқчайиб ўтирган талаба енгилгина сакраб тушибди. Шу заҳоти қаттиқ вовуллаши эшитилди ва талабанинг шундоқ ёнида нақ эшшакдек келадиган бир баҳайбат ит пайдо бўлди, оппоқ курак тишларини намойиш қилганча унга ташланди. Ҳалимия Холмурод чақонини қилиди - иргиб яна машинага чиқиб олди. Унинг ўрнига оғиркарвон бригадир тушганда нима содир бўлишини тасавур қилиш мушкул эди. Хўжайнин мамнун тарзда ишшайиб, ҳалим ириллаётган кучкунинг бошини силаб қўяркан, мардикорларга яна бир бор тушинглар ишорасини қилди. Ана шу лаҳзада Илес хўжайниннинг юз қиёфаси нимаси биландир ёнида турган баҳайбат итига ўхшаб кетишини илғади. Аммо ортиқча хаёл суриси ўтиришига вақт йўқ эди ва у муаллим ортидан пастга тушибди. Энг охирида ҳарсиллаб-пишиллаб тушиб келган Нишонбой ака кучкка хавфсираб қараганча ўзини четта олди.

Мардикорлар шлакоблок гишт терилган, аммо ҳали сувалмаган, камида тўрт метр баландлиқдаги девор ёнида саф тортиши. Атрофга разм солган Илес ҳовлида катта қурилиш кетаёттанини кўрди. Уч-тўрт жойда ҳандак, уюм-уюм гишт, тупроқ, цемент, шифер, тахта - буларнинг бариси шундан далолат бериб турарди. Хўжайнин яна бир бор мардикорларни норозироқ тарзда кўздан кечириб чиққача:

- Документлар борми? - деб сўради. - Бир кўриб кўяйликчи. Бригадаларингда, - хўжайнин негадир бу сўзни сал ҳузурланиб ва мазахомуз тарзда чўзиб айтди, - қамоқдан қочган зек-пек йўқми мабоди?

- Йўғ-э, ака, бу нима деганингиз, - дея яна сўзамол бўлишига уринди жўрабоши эканлигини ёддан чиқармаган Нишонбой ака. - Биздинг ишимиш ҳам, ўзимиз ҳам тоза.

- Документ борми деяпсан? - Бу гал сал жеркиброн сўради хўжайнин.

- Ҳозир шаҳарда документсиз юриб бўладима, ака, - дея

бригадир чўнтағидан пенсия гувоҳномасини олиб узатди.

Холмуродда талабалик гувоҳномаси бор экан, муаллим паспортини узатди. Илес паспортини олишини унугтан эди, бунинг устига шаҳарда яшашими хўжайин билмай кўя қолсин деган ўйда бундан уч йилчага бурун ишлаган жойи - туман газлаштириш бўлмисидан муддатсиз берилган гувоҳномани кўрсата қолди.

Хўжайин хужжатларни синчилаб кўздан кечирди, айниқса бригадирнинг пенсия дафтарини қайта-қайта варакларкан, унинг ўзига бир неча бор синчков кўз ташлаб қўйди. Ахийри яна одатдагидек норози тарзда хужжатлардан бош кўтарди ва уларнинг ҳаммасини ён чўнтағига жойлади. Нимадир демоққа чоғланган ва беихтиёр қўлини олдинга чўзган муаллимга қараб кескинлик билан:

- Буларни иш биттандан сўнг бераман! - деди.

Шундан сўнг хўжайин энг яқиндаги ҳандақ ёнидаги ётган кийим-бошларга ишора қилди:

- Қани, дарров рабочий формага ўтиб олинглар-чи.

Мардикорлар индамасдан шу тарафга юришиди.

Тўғриси, бу жанда-жуналарни “иш кийими” деб аташ учун анча-мунча хаёлпастар бўлиш керак эди чоғи. Бир пайтлар жуда арzon нархда сотиладиган оддий шимларнинг кийгулик ҳоли қолмаганди ҳисоб. Илес лойга ботган бундай шимлардан бирини қўлга олиб томоша қиларкан, уни кийишига ирганди. Кўйлакка ўхшаш бир нима ҳам шимдан қолиши масди: бир енги бор, иккинчиси йўқ, нак елкасида пиёладай-пиёладай ўйиқлари бор. Бунинг устига жуда калта, нари борса киндигидан келар. Илес ҳамкасларининг қўлларидаги кийим-бошларга разм солди ва улар ҳам ўзиники сингари эканлигига ишонч ҳосил қилди. Аммо, на илож. Пулини тўланган одам нафақат мусиқасини, балки кийимини ҳам буюртма қиласидан замонлар етиб келибди-да. Бунинг устига, ҳар қалай сумкага солиб келган эски шим билан кўйлаги тоза ҳолида қоладиган бўлди.

Муаллим ҳайрон бўлиб, ажабланиб бу энгил-бошлар аталмиш либосларни кўздан кечириб чиққач, уларни жойига қайтариб ташлади-да, ўзи ихчамгина сумкаласида олиб келган кийимларни кия бошлиди. Худди шу маҳал ердан чиқдими, осмондан тушдими - номаълум, ишқилиб, йигирма беш ёшлардаги бир қорувлари, мушакдор, ҳар елкасига иккитадан одам сиғиб кетадиган, сочини тақири олдирган, тор жинси шим кийтган дароз йигит муаллим ёнида пайдо бўлди ва унга тик қараганча, буйруқ оҳангиди:

- Айтилганини кий! - деди.

Ҳеч ким бундай бўлишини кутмаган эди, айниқса муаллим. Шу сабабли у аввал йигитчага ажабланиб қаради, сўнг ён-верига алантглаб, “бригада” сидан најот йўқлигини англати шекилили, ҳеч бўлмаса вақтдан ютиш учунни ёнки довдираф қолганиданми:

- Ассалому алайкум, ука, - деди.

Бўйруги оғзидан чиқмасидан адo этилишига кўнишиб қолган эркаторлардан шекилили, ногоҳ бурун катаклари керилиб кетган йигитча ортиқча зўриқишиз, аммо малакали зўравонларга хос чапдастлик билан ён томонга энгашиб, “их!” дейа оёғини кўтарган эди, юзига кучли зарба келиб тушган муаллим лой яримлаб қолган ҳандаққа отилиб кетди. Худди шуни кутиб турганда бояти баҳайбат ит чопиб келасола ҳандақ атрофида айланганча бечора муаллимга қараб сўлакларини оқизганча вовуллай кетди.

Мардикорлар турган жойларida донг қотиб қолиши: Тамоми эсанкираб қолган Нишонбой ака беихтиёр:

- Э, ука... - дейа йигитча томон ўтирилди ва ҳали кейинги сўзни айтиб ултурмасидан наубатдаги зарбани олиб, муаллим ёнига бир қоп гўштдай учиб тушди. Лойга ёнбоши билан қулаган, бурнидан шариллаб қон келаётган муаллим бир амаллаб қаддини кўтарди ва тепасидаги гўдайиб турган зўравонга қараб ёмон сўкинди:

- Э, онантни сан болани...

Ана шундан кейин бошланди! Бўйин томирлари ўқлоғдай бўртиб чиққан йигитча бир ҳаракат билан муаллимни лойдан суғуриб олиб, шундоқ ҳандақ ёнига йиқитдию тепаверди, тепаверди...

Коп-кора қонига беланганд, сулайиб қолган муаллим устига бир чекал сувеп сепган хўжайин (Илес бозорда ўзларини

ёллаган харидорни шундай деб атай бошлаган эди) каракт аҳволда турган мардикорларга қараб ўққирди:

- Биттандиң десант ҳамманинг бундан баттар ясаласан! Бу ер санларга онангларнинг ўйлари эмас! Раз ишлашга келдиларингми, ишлаларинг! Бўлмаса қоринларнинг ёриб, ўликларингни асфалтнинг тагига ташлатвораман!

Илес дўй-пўписаларни кўп эшиштади. Ҳатто уларга кўнишиб ҳам қолган. Аммо ҳали бирон марта пўписа эшишиб, бу қадар ваҳимага тушмаган эди. Илло хўжайин рост гапирмоқда эди - биронтасининг қорнини ёриб, ўлигини асфалт тагига ташлаб юбориш бундайлар учун чўт эмас эди.

Мана шунда, мана шунда ваҳимали қабристон сукунати чўккан, ҳатто баҳайбат ит ҳам ниманидир кутаёттандай жимид қолган ҳовлида пиқ-пиқ ийги овози эшишилди. Йиглаёттади бригадирлик вазифасини ўз ихтиёри билан бўйнига олган Нишонбой ака эди. Лойга кўмилган, кўз ёшини артаман дея юзига ҳам лой чаплаган бу семиз одам пиқиллаб йигланганча деярли эмаклаб ҳандақ четида турган хўжайин томон яқинлашишга уринарди.

- Худо хайрингизни берсинг, мани кўйиб юборинг...

Бригадир томон чирт этиб тупурган хўжайин соатига қарди:

- Уч минутдан кейин кийинмаганингни итга талатаман!

Уч дақиқа эмасдир-у, бирон беш дақиқада мардикорлар кийиниб ултуришиди. Ҳатто бригадирни ҳандақдан тортиб чиқарип, унинг кийинишига кўмаклашишиди. Бу орада хушига келган муаллимни судраб ҳандақ чеккасига олиб келишиди ва хўжайнингни ишораси билан унинг ҳам кийимларини алмаштиришиди.

Ана шундан кейин ҳамон бадқаҳр қиёфада турган хўжайнин ҳандаққа ва деворга ишора қилди.

- Ман бир уста бераман. Ўшанинг бошчилигида манави деворни суваб қўяссанлар. Муҳлат кечгача!

- Кейин... кейин бизга рухсатми? - дея қўрқа-писа сўради ҳамон энтикиб-энтикиб қўйёттади Нишонбой ака.

Хўжайин бригадир томон тешиб юборгудай нигоҳини қадаркан, лабларини - балки кулиб юбормаслик учундир - фалати тарзда бужмайтириди ва деди:

- Бу энди қандай ишлашларингга боғлиқ. Так што, одамга ўхшаб ҳаракат қилинглар, ўйин қўйманлар... - Хўжайин ҳовли этиагига қараб оҳиста чакқирди: - Бара-бара.

Шу заҳоти, баайни ушбу чорловни кутиб турганда ҳовли этиагида кун иссиқлигига қарамай ийги чиқиб кетган пальто, кулоқчин, қалтагина қалин жун иштон кийиб олган одам чиқди ва оқсоқланганча шу тарафга юргурилаб кела бошлиди. “Бара-бара” аталмиш бу одам яқин келганда Илес унга разм солди ва яна бир бор эти жунжикиб кетди. Бара-барага бир қарашда эллик ёш ҳам бериш мумкин эди, яна бир қарашда эса ўн беш. Оғзи очилиб, сўйлоқ тишларини намойиш қилиб турган, юзи бужмайиб қолган, бит кўзлари деярли кўринмай қолган бу одамнинг ақдан нософ эканлигини бир кўришидаёт фахмлаш мумкин эди.

Бара-бара оқсоқланниб этиб келган заҳоти садоқатли итдай хўжайин қошида бош эгиг турди. Хўжайин у томонга разм ҳатто қарамасдан мардикорлар томон ишора қилди:

- Манавиларни ишлат. Кечгача деворсувоқ тутасин. Қайси бири дангасалик қисса айт. Орқасига, - у шимининг занжирини ўйнади, - манави ердаги қозигимни қоқаман. Ҳамманинг олдиди.

Жавоб ўрнига қарғанинг қагиллашига ўхшаш овоз чиқарган Бара-бара оқсоқланган кўйи, бироқ анчайин чакқонлик билан ҳаракат қилганча ҳандақ ёнида турган лой челакларини ва андаваларни олди.

Бир муддат пичир-пичир маслаҳатлару Бара-баранинг имо-ишора билан ўргатиб туришларидан кейин ҳандақка Илес тушди, лой ташиш талаба билан бригадирнинг зиммасига юкланди, муаллим билан Бара-бара эса сувоққа ўтадиган бўлишиди.

Илес йигирма тўрт ёшта кирганига қарамасдан ҳали нонни “нанин” деб юрганига шу ерда, ҳандақнинг ичидаги иқор бўлди. Э, кунини ўтказаётган экан-да ишлайпман деб кўкрак кериб. Эзиз ишлатиш дегани бунақа бўларкан!

Бара-бара деганлари одам эмас, машина, паровоз экан, унга лой етказиб беришнинг ўзи бўлмас экан. Қишлоқда ту-

зуккина сувоқчилик қилиб юрган муаллим унинг олдида иш эшолмай қолди. Бара-бара пишиллаб-хириллаб, пешонасидан реза-реза тер томиб тинмай ишлар, қаргадай қагиллаб тинмай лой талаб қилас, лой вақтида етиб келмаганида норози бўлиб қандайдир бошқачароқ қагилласа керакки, сал нарироқдаги кўрпалар тўшалган чорпояда яримтани майдалаган кўйи қарта ўйнаб ўтирган бояти турқи совуқ зўравон пайдо бўлар ва иккита лой пакирни гандирлаб, базур кўтариб кетаётган бригадирнингм ё бўлмаса аллақачон оғзини каппа-каппа очиб, ҳансираф қолган, одим юрмасдан қорйни чангллаганча буқчайиб қолаётган талабанингм юшмоқ жойига ўхшатиб бир тепар, бундан зериккан чоғлари эса бояти баҳайбат кучукни чақириб, мардикорларга олкишлаб ўтиради.

Бу зўравон ё инсон зотига нафрат билан қарар ва иложи топилди дегунча бу нафратини намоён этишга шошар, ё бўлмаса табиатин инсонни қийнашни хуш кўрадиган садизм хасталигига мубтало бўлган шекилли, одамнинг устидан кулиб маза қиласди. Айни пайтда зўравон ҳатто ароқ ичаётган чоғида ҳам мардикорларни назардан қочирмас, уларни кўз қири билан кузатиб туришни уддалармиди ёнки савқи табиий билан ҳис қиласмиди, ишқилиб, биронгаси суръатни сал сусайтира бас, бало-қазодай бўлиб етиб келасола айборни савалаб қоларди. Хўжайн семиз бригадирни зўравонга эрмак учун обкелган шекилли, у айниқса мана шу Нишонбой акани маза қилиб бошқача роҳат топадиганга ўхшарди. Бечора хўппа семиз бригадир лой тўла зилдай пақирларни олиб, эгилиб-буралиб тинмай қагилаётган соқов Бара-бара томон бораркан, гоҳ оёғига зўравон ташлаган тиканлар кириб кетар, гоҳ чалиб йиқилар, гоҳ бўйнига кўйиб юборилган курт-пуртдан ўтакаси ёрилгудай ваҳимага тушиб додлар, ишқилиб, зўравонга яхшигина эрмак эди.

Ниҳоят хўппа семиз Нишонбой акани чидай олмади - юмшоқ жойига бигиз тиқиши қўринишидаги навбатдаги азоблашлардан бирида ўлдирсанг ўлдир, дегандай фужанак бўлиб ётиб олди. Зўравон бир-икки тенса ҳамки пишиллаб-хириллаб ётаверди. Ана шунда зўравон бутунлай кутуриб кетди. Куч ҳам бор экан шекилли, бригадирни шартта бўйнидан ушладио, семиз жўждай чийиллатиб ҳовли адогидаги бостирма томон судради ва шундок олма даражти тагига итқитаркан, ростдан ҳам дустаман ётган бечора Нишонбой аканинг шимини ечиши асносида ўзининг жинси шимининг ҳам қайшини бўшата бошлади.

- Ҳой, ука, бўлди-да энди. Одаммисан ўзи...

Гапирган муаллим эди. Лаби дўмбирадай шишиб кетган, ўнг кўзи атрофи қоп-қорайиб қолган муаллим андавани қўлида тутганча зўравонга нафрат билан қараб турарди. Илес ҳис қилиди - муаллим ўлимни бўйнига олмоққа ҳам рози бўлгандан сўнгтина сас чиқармоқда эди. Аммо, аммо зўравон одамнинг жонини осонгина олиб қўядиганлар хилидан эмас экан. У шу тарафга ўқрайиб қарагач, бир оғизгина:

- Бара-бара! - деган эди, воқеани бепарволик билан томша қилиб турган Бара-бара қўлидаги андавани отиб юборрасола, байни хўжайниндан ол-киш олган садоқатли итдай важоҳат илиа муаллимга ташланди. Муаллим шўрликнинг суюгиям ентилгина бўлса керак, Бара-бара бир силтвода уни елкасига ўнгарди ва тўшпа-тўғри зўравон томон зипиллаб югуриб кетди. Муаллим жон ҳаллида соқовнинг елкасида ти-тиричилар, уни урар, кулоқчин тагидан чиқиб қолган патиля-патила соchlаридан тортар, тепшига уринар, аммо Бара-бара шўхлик қилган болакайни кўтариб кетаётгандай бунга парво ҳам қилмасди.

Соқов муалимни Нишонбой аканинг ёнига отиб урди. Воқеа ўзани қаёққа томон оғиб бораётганини тушуниб ётган бригадир эса бир муддат меровсираб-гарантсиб зўравон ва соқовга термулиб қаддини ростлашга ва бир қўли билан шимини тўғрилашга уринаркан, тўсатдан кўзларидан дувиллаб ёш қўйилганча тиз чўкиб, эмаклаб зўравон томон кела бошлиди.

- Акажон, садагангиз кетай, акажон, сочим оқарганда мани шарманда қилманг...

Аллақачон энли қайшини ечиб олиб, қўлида ўйнаб турган зўравон қўлини бир сермаган эди, қайшининг темир тўқаси бригадирнинг бошига келиб тегди. Қарсилаган овоз эши-

тилди. Нишонбой ака "Ум-м" деб инграганча турса этиб йиқилди ва жон ҳолатда бошини чангллади. Унинг бармоқлари орасидан қўп-қизил қон оқарди...

Зўравон энди қайшини муаллимнинг боши устида ўйнади.

- Манга қара, яна бир марта "Фиринг" этган овоз чиқарсанг, элликта одамнинг тагига ётқиздираман. Ҳар биттаси билан расмга оламан-да, қишлоғингта юбораман! Тушундингми, ифлос?

Бу пишак дўқи эмасди, зўравон айттанини қиладиганлар тоифасидан эканлиги қўриниб турарди. Ва... муаллим бўйсунди. Илес унинг бирдан мунгайиб-бўшашиб қолганидан, кўзларидаги бояти исенкор ўт ҳам сўнганидан буни илгади. Бениҳоя тубанлик, шармандалик қошида инсон бош этганди. Лекин мағлуб бўлган, гурури, иродаси чил-парчин бўлган муаллим сал паришенхотирроқ тарзда бўлса ҳам атрофга алланглар ва афтидан ниманидир топишга уринарди. Бунақаларни кўравериб кўзи пишиб қолган шекилли, зўравон орқа чўнгатидан бир нима чиқариб, тугмачасини босган эди, "ширқ" этган овоз эшитилди ва унинг қўлида пичоқ ялтиради.

- Манавини излаяпсанми? Керак пайти ўзим қорнингта тикиб кўйман. Ана ундан кейин ётасан ўн тонна асфальтнинг тагига суякларинг чириб. Қани, ишингга бор-чи!

Эзилган, забун аҳвoldаги муаллим аста ўрнидан туриб, бошини ҳам қўлганча девор томон оғир қадамлар билан келаетган эди, орқадан Бара-бара уни суриб-итариб, илдам қадам ташлашга мажбур этди.

Бара-бара қолган мардикорларга бир офтобни, бир лойни кўрсатиб, нимадир дея қагиллади.

Иш келган жойидан давом этди. Мунгайиб, жисман кичкиналашиб қолган Нишонбой ака зўр бериб бошқалардан қолмасликка ҳаракат қилас, юзидан оқиб тушаётган каттакатта кўз ёшлари лойга кўшилиб кетаётганини сезмас ҳам эди.

Ногоҳ, лой тўла оғир сатилни забт билан кўтарган маҳал умуртқа поғонасидан суяқ сингандай "чирс" этган товуш чиққан ва даҳшатли оғриқ зўридан тиззалашиб қолган муаллим соқов устанинг норози бўлиб қагиллашини эшитиб, зўравоннинг ўзи томон ўқрайиб қараб турганини кўргач андавани яна қўлига олишга мажбур бўларкан:

- Э, бу ҳаётларининг ҳам оналарини... - дедио хўнграб ийлаб юборди.

Эрқак кишининг йиғлагани ёмон бўларкан. Илес буни энди сезди. Боя, Нишонбой ака қандайдир хотинчалиш йиғисиги қилганмиди ёнки йиғиси ортида фақат қўркув, жон сакълаб қолиши илинжи турганими, ишқилиб, Илесга унчалик таъсир қилмаганди. Бу эса...

Шу лаҳзада Илес ёнида зўр бериб пақирга лой солаётган талабанинг нимадир деб пиҷирлаётганини эшигандай бўлди. Илес кетмонни кўтарган жойида бир лаҳза туриб қолди ва дарҳақиқат талабанинг баайни ибодат қилаётгандай бир маҳомда тинмай шивирлаётганини эшиди:

- Биз қулмиз... Қулмиз биз...

ВАХМ

Инсоннинг жисмоний имкониятлари нақадар чексиз эканлигига мардикорлик асносида ишонч ҳосил қилиш мумкин экан. Илес бир кунгина бурун ҳам оч қоринга ҳеч тугамайдигандек туюлган уч-тўрт соат ичилда шу-унча ишни қилиш мумкинлигини хаёлига ҳам келтирмаган бўларди, мана энди эса бунга ўзи гувоҳ бўлиб турибди.

Лой иши - жуда оғир, инсонни жисман чақиб ташлайдиган иш. Яхшилаб пишитилган ёпишқоқ лой бирпастда одамнинг бор мадорини сўриб олиб қўйди, бора-бора қўллар қалтириади, бел сирқираб оғрийди, одамнинг кўз олди қорон-filaшади, кўнгилни, мияни бор-йўғи битта истак - буларнинг барисига кўл силташу мана шу лойга бўлса ҳам ётиб, бир лаҳза бўлса-да мизгиб олиши, бу оғир жисмоний ишни, бу азобни унтиши истаги қамраб олади. Аммо жаллод қиличидай бошингда тигини ялтиратиб турган хавф, бундан-да хавлифроқ бўлган қўркув, жонни асрар қолишига интилиш туйгуси, ўлимдан-да оғирроқ бўлган шармандали аҳволга тушиб қолиш эҳтимоли ваҳимаси бу хоҳишни амалга оширишга изн бермайди, бильякс, ўлиб-тирилиб бўлса ҳам,

мадорнинг охирги қатраларининг сиқиб сувини ичиб бўлса ҳам ишлаш, ишлаш ва яна ишлаш керак эди, илло жонни, гурурни омон сақлаб қолишнинг ўзга чораси йўқ эди...

Сунбуланинг ожизона нур таратиб турган күёши баланд девор ортига ёнбошлиганига анча бўлган, ҳовлига шом қоронгулиги чўккан маҳал ниҳоят бу лаънати деворни суваб туташиди.

Биринчидан бўлиб Бара-бара андавани ерга қўйди ва бир неча қадам ортга чекинганча сувоқдан чиқсан деворни танқидий кўз билан, ҳатто айтиш мумкинки, норози тарзда син-циклаб кўздан ўтказа бошлиди. Ишдан кўнгли тўлмадими, соқов бир нималарни ўзига гудраниб-қагиллаб айтган бўлдида, “лой” ишорасини қилди. Талаба қийшайиб-майишиб олиб борган бир пақир лойдан андавасига озигина олди ва деворнинг бир-икки жойини қайтатдан сувади.

Ниҳоят бу ҳам тугади. Бара-бара девор адоги яқинидаги ҳандакқа тўлатилган сувда андавасини ювишга киришаркан, бошқаларга ҳам пақир билан андаваларни тозалаш лозимлигини кўрсатди. Жонни сууриб оладиган иш якунига етганини англаган бригадир судралиб бориб бўлса ҳам жон-жаҳди билан пақирларни тозалашга тушди. Чукурдан чиқиб келган Илес нақ, бир пудча келадиган кетмонни сувга чайиб олди. Талаба гурс этиб шундоқ ҳандақ ёнига қулади, муаллим ҳам суйлайиб ҷўзилиб ётари.

Буларга ёқтиргмагандай ижирғаниброк қараб кўйган Бара-бара кўл ишораси билан ўзини ош еяётган қилиб кўрсатди ва ҳаммани ҳандақ ёнида сал қийшайиброк турган, гилдирлари ўрнига гишт қўйилган вагонга таклиф қилди.

Ҳар қалай, соқовнинг овқатта чақираётганини илғаган мардикорлар қўлларини лойқа сувда шоша-пиша чайганларича вагонга отилишди.

Торгина вагоннинг тунука полига бир газета тўшалган, унинг устида иккита қаттиқ буханка нон, иккита пиёз. Алюминий чойнада илиб қолган суюққина чой. Тўртта ичи сарғайиб кетган, лаби учган, ҳатто биттаси ёриқ сопол пиёла. Уртада бир сассиқ шам тутаб ёниб туриби.

Мардикорлар жойлашиб ултурмасидан Бара-бара сарғайиб-қорайиб кетган тўртта алюминий косада овқат олиб келди. Бу таомнинг номи нималигини аниқлаш ачайин мушкул эди. Шўрва деса гўшти йўқ, бир-иккита макарон сузиб юрганига қараганда эса балки макарон шўрва деб аташ мумкиндир. Муаллим идиш-товорклардан иргандими, соқовга ғазаб билан қараганча ўшқирди:

- Итнинг ялғиям бундан тозароқ бўлар, ука. Биз одам-миз-ку!

Бара-бара муаллимга ундан ошириб ўқрайиб қарапкан, “Қайтариб олиб кетаверайинми?” дегандай ишора қилди. Ноилож қолган муаллим индамай идишга кўл чўзди.

Мардикорлар дастурхонга оч бўрилардай ташланишиди. Пичноқ йўқлигидан буханка нонни бир амаллаб қўлда синдиришди, пиёзни ҳам қўлда арчишиди. Нишонбой ака нонни шўрвага бўктириб, шоша-пиша ҳарсиллаб-пишиллаб еб, пиёзни қарсиллатиб тишларкан, қолган нон бўлакларидан кўз узмас, иложини топса уларнинг ҳаммасини бир йўла оғизга солиб олгудай эди. Коринларнинг қулдирашини оғизларнинг чапиллашию, хўриллатиб шўрва ичишилар босиб кетди. Бунақанги ёввойи тарзда овқатланишга ўрганмаган Илес ҳатто гаши келаётганини сезгунига қадар косаси бўшаб қолганини кўрди.

Дарҳақиқат, бу овқат чап ичакка юқ бўлмади. Мардикорлар эшикка мўлтириб қараб ўтиравердилар. Бироқ уларни ёддан чиқаришганни, нима бало, иккинчи таомдан дарак бўлмади. Ҳолбуки, ҳовлидан димоқни қитиқловчи кабоб иси келмоқда эди. Ахрий Нишонбой аканинг аллақачон бригадирлик ваколатидан тамомила ихтиёрий тарзда воз кечганини тушуниди шекилли, муаллим базур ўрнидан туриб бориб эшикни итарди. Бироқ эшик берк эди. Муаллим ажабланиб ҳамкасларига қаради, сўнг яна эшикни итарди. Аммо эшик очилай демасди. Шунда жаҳли чиқсан муаллим эшикни дўмбира қилиб ура кетди.

Ниҳоят ташқаридан Бара-баранинг норози тарзда қагиллагани эшитилди ва эшик очилиб, остонона ўша турки соvuқ йилтирибош баҳайбат барзанги пайдо бўлди. У енгил бир ҳаракат билан туртиб, муаллимни икки-уч қадам ортга учи-

риб юбораркан, сира яхшилик ваъда қўлмайдиган оҳангда бир оғизина:

- Хўш? - деди.

Гандираклаб келиб дастурхонга ўтириб қолган муаллимнинг ўрнидан туришга уринаётганини ваҳима ичиди кузатиб турган Нишонбой ака иккинчи таомдан умид қилишнинг ўзи телбалик эканлигини пайқадими, қўрқа-писа, деярли шивирлаб гапирди:

- Энди бизга рухсат берсангиз... Айтилган ишни бажардик... Биз борсак...

Ўзини шунча зўрласа-да, иш ҳақи хусусида оғиз очолмаётган собиқ бригадир шу ердан эсон-омон чиқиб кетишнигина кўзлаётганини тушунган Илеснинг баданидан совук тер чиқиб кетди: наҳотки уйга қуруқ кўл билан боради? Молдай, мол ҳам гапми, кулдай ишлаб-а...

Барзанги чап қўлини белига тиради ва тишлари орасида чирт этиб тупураркан, мазахомуз оҳангда сўради:

- Энангнинг фалонига борасанми?

Бундай зарбани кутмаган Нишонбой ака тамомила эсан-кираб-довдираб қолди ва йўғон бўйини ичига тортиб, иложи борича кўзга ташланмасликка уринаркан, најот истагандай шериқларига ёлворган тарзда аланглади.

Юраги пўкиллаб турган бўлса-да, уйда эшикка илҳақ кўз тикиб ўтирган хотинини кўз олдига келтирган Илес томоқ қириб олгач, титроқ овозда деди:

- Биздинг ҳам бола-чақамиз бор... Үйимиз бор... Кутишиди...

Бааний қулоғи тагида пашша минғирлагандай бепарво кўл силтаб қўйган барзанги ҳатто Илес томонга қараб қўйиши ҳам ўзига эп кўрмаган тарзда:

- Энди сени энангнинг фалонида кутишиди, - деб қўйиши билан кифояланди.

Нишонбой ака ожизона тарзда чийиллади:

- Лафз ҳалол, ука...

Бунга жавобан барзанги тиржайди:

- Сан ман билан қўл ташлашганимидинг, а?

Саводдаги таҳдид оҳангни илғаган “бригадир” жон ҳалпода қунишганча, иккала қўлини силтади:

- Йўқ, йўқ, у бошқа одам эди, бошқа...

- Ундей бўлса энангнинг фалонига манга претензия билдирасанми, паст!?

Оғзи шалоқ бу йигитчага бирон нима уқтириб бўлмаслиги равшан эди. Айни пайтда унинг асл нияти нима эқанлигини ҳам пайқаш қийин кечмоқдайди. Мардикорларнинг бошида чарх ураётган хавотирли савонли сезди шекилли, барзанги шошилмасдан, дона-дона қилиб, бааний ёш болага гап уқтираётгандай оҳангда вишиллади:

- Санлар баринг ғашх ғашх билан бир кортда, ман сотиб олган куллар қаторисанлар!

Бу ерда закон йўқ, закон - ман! Қаочон жавоб берсан - кетасанлар, жавоб бермассан - ишлаб юраверсанлар! “Фиринг” деганингнинг орқанга қозиқ қоқиб, чиқиан жойингта киритиб қўйман! Гап тамом!

Барзанги шахт билан бир қадам орқага чекинди ва эшикни қарсиллатиб ёди. Эшик ташқаридан қулфланди. Мана, барзангининг оғир қадамлар билан аста-секин узоқлашаётгани эшитилди. Вагонга ўлик сукунат чўкли. Ҳозиргина пишиллаб турган Нишонбой ака нафас олиши ҳам унунтандай эди. Ташқаридан ҳам ғалати сукунат, ҳатто ит занжиринг овози ҳам эшитилмасди.

Мана шу ваҳм, қўркув тўла сукунатда ногаҳон кимнинг пиқ-пиқ йиглаётгани эшитилди. Бу Нишонбой ака эди. Йиги тобора кучайиб борди ва туйкусдан собиқ бригадирға ғазаб билан бошини вагоннинг тунука деворига ураркан, мислсиз азобдан дунё кўзига қоронғу кўриниб-кетган маҳкум мисоли ҳайқириб юборди:

- Мани нега түгдинг, буви...

БАЗИМ

Бу ерда қандайдир адолатсизлик, файриқонуний нимадир рўй бермоқда эди. Буни Илес вужуд-вужуди билан ҳис этиб турар, аммо бу воқеъликка қарши қандай башкотиши мумкинлигини тасаввур ҳам этолмасди. Илло, бундай қалтис вазиятда исёнга кўтарилиган бошнинг сапчадек узилиб ташланиши эҳтимолдан холи эмасга ўхшайди.

Нишонбой ака билан муаллим ҳар қалай буларнинг ичида ёши улувлари ва уларнинг бола-чақадан тинчиган бўлишлари ҳақиқатга яқин. Муаллимнинг ташвишини-ку, айтмаса ҳам бўлади - ўзбек тўй қиласи-ю, хеш-уруглар қараб турармиди. Гап фақат тўйнинг ортиқча сарф-харажатсиз ўтишида, холос. Талаба эса мўйлаби энди сабза урган фурӯзигитчага ўхшайди. Аёнки ҳали унинг бўйнига рўзгор халтаси илингман. Кийин бўлгандан Илёсга кийин бўлди. Ўтирасам, турса-ям Барнонинг хавотир тўла нигоҳи кўз олдидан кетмайди. Илёс станциядан сал кеч қолганда ҳам бечора Барно эшикка тикилиб, не бир вахималар оғушида титрабгина ўтириши маълум эди: гўё барча фалокатлару ноҳуш тасодифлар эри-нинг остона ҳатлаб кўчага чиқишини пойлаб турадигандек...

Тўғриси, бундай меҳрибонлик Илёсга ёқарди. Ўзи-ку, буни билдирилас, аксинча, баъзан тўйниллаб ҳам қўярди: "Сенга қолса ўтиришим керак экан-да уй қизи бўли-иб" деб. Энди ўйлаб қараса, Барно бекорга жонсарак бўлмас экан.

Илёс ёмон сиқилди. Наинки шу мўъжаз кути, бутун дунё ҳам кўзига тор қўриниб кетди. Бу қандай балоки, на уйга кетоласан, на ўзингни одам ҳис қила оласан...

Бошқаларнинг ахволига кайфияти ҳам Илёсники сингари эди. Айниқса мана шу торгина вагонда тўрт эркакнинг қандай қилиб тонг оттириши мумкинлигини тасаввур қилишнинг ўзи мушкул эди. Бунинг устига... бунинг устига ҳалидан буён Нишонбой ака ҳиқиллаб заҳартанг қилигиси келаётганини, ҳеч чидай олмаётганини айтар, лекин эшикни тақилтишига журъат этолмасди.

Тобора сўниб бораётган сассиқ шам ёруғида собиқ бригадирнинг ингрاب эшилиб-бураётганини, пешонасига тер тепчиганини ачиниб кузатаётган муаллим ҳеч чидай олмади шекилли, туйкусдан сакраб ўрнидан турдию яна эшикни урди.

Муаллим узоқ тақиллатди. Ахийри ташқарида калитнинг шиқирилагани эштилди ва эшик очилиб, оstonада яна ўша барзанг пайдо бўлди.

- Яна нима гап? - деди у ўшқириб.

- Мана бу акамиз, - муаллим Нишонбой акага ишора қилди, - бу акамиз туалетга боришилар керак экан.

Барзанги ёнбошига ўтирилган эди, бамисоли шуни кутиб тургандай соя мисоли қоронгуликдан ажрабли чиқсан Бара-бара бояги лой челаклардан бирини оstonага кўйди. Барзанги пақирни тепиб юборди. Пақир учиб келиб дастурхон ўрнида ишлатилган газета устига тушди ва Нишонбой ака томонга юмалаб кетди.

- Яна биттанд овоз чиқарсанг мандан кўрадиганинги кўрасан!

Ушбу пўписадан кейин барзанги соқов шериги ҳамроҳлигига ташқарига чиқиб, эшикни яна қулфлаб кўйди.

Нишонбой ака ўз кўраётгандарига ишонмагандай, ишонгиси келмагандай лой пақирга ҳайрон бўлиб тикилиб қолди. Муаллим уни юпратувчи оҳангда гапиришга уринди:

- Уруш йиллари сургун қилинган чечен аёллари вагонда, соқчи ёнида ёзилишдан номус қилиб, тишини тишига босиб ўтираверганларни учун қонлари заҳарланиб ўлиб кетишиган экан. Сиз ҳам биздан уялиб шундай аҳволга тушманг тағин. Ҳар қалай, эркакмиз-ку. Эркакнинг бошига не балолар тушмайди.

Ахийри муаллим айтган гап мағзи онгига етиб борган Нишонбой ака ўтирганларга бир-бир жовдираб қараб чиқди ва унсиз маъқулловни илгаса-да, бу ишга журъат этолмай бир муддат иккиланиб туриб қолди. Бироқ аҳволи тобора ёмон бўлиб бораётган бўлса керакки, у тинмай бурагар, ҳатто инграб ҳам юборар эди.

Муаллим пақирни вагон четига олиб борди ва Нишонбой акага ишора қилди:

- Биз тескари қараб турамиз... Ўйланманг, шу кетиши бўлса бу тувакка ҳали ҳаммамизнинг ишимиш тушадиганга ўхшайди.

Нишонбой ака эгилган ҳолида бурчакка чопқиллаб борди ва...

Вазиятни юмшатмоқчи бўлдими, муаллим ҳазиллашишга уринди:

- Ўзиям акамиз бир кайф қилдилар-да... Қишлоғимизда бир Тиркакш ака деган одам бор. Шу киши айтганди: "Сак-

киз литер пиво ичиб кайф қилмадим, лекин томнинг ёнбосишига ўтиб ёмонам зўр маза қилдим-да" деб...

Азбаройи одоб юзасидан Илёс бу гапга жавобан тишининг оқини кўрсатган бўлди.

Кутилмагандан Холмурод гапга аралаши.

- Мен сизни шаҳарда кўргандайман, ака.

Талабанинг ўзига мурожаат қилаётганини анлаган Илёс ёқтирийроқ жавоб қайтарди.

- Ҳа, мен фалон жойда ишлайман. Нимайди?

- Шунчаки сўрадим-да, ака. Шаҳар унча катта эмас. Балки бир кун қўришиб қолармиз.

Бундай келажак ўзига унча маъқул кўринмаган Илёс елка қисиб қўйди:

- Ҳай билмадим-ов...

Ховлида эса недир бир тадорик кечмоқда эди. Буни шовқин кучайганидан, одамларнинг нечукдир бесаранжом бўлиб қолганидан ҳам илгаса бўларди. Дамо-дам Бара-бара қагиллаб қолар, бироқ энди унинг жоникуб, асабийлашиб эмас, қувониб, ҳаттоқи андакина ҳаяжонланиб қағиллаётганини пайқаб олиш мушкул эмасди. Ора-сира шишиларнинг бир-бирига урилиб қолиши эса ичклиқбозлиқ кутилаётганинишдан шоҳиллик берадигандай эди.

Бу орада сассиқ шам ҳам бир лишиллаб олгач сўнди. Ҳар қалай, озгина бўлсаям ёритиб турган экан, вагонга бирдан қоронгулик чўқди. Айни шу лаҳзадан бошлаб, балки қоронгулик тушгани сабабли истиҳолани озгина бўлса ҳам ёддан чиқаргандир - ахир, энди ҳеччурса кўз кўзга тушмайди, Нишонбой ака тувак-пақирни деярли бир ўзи эгаллаб олди. Унинг инқиллаб тушунтиришига қараганда, ичи сувдай кетаётганиши.

Вагонни бадбўй ис босиб кетди. Бунинг устига ҳар қанча ўталишмасин, газетани шалдиратиб гижимлашга уринишмисин гоҳ унисининг, гоҳ бунисининг ичи қаттиқ қулдираб кетар, инграб кучанаётган Нишонбой акани-ку гапирмаса ҳам бўлади...

Ховлида магнитофон баланд қилиб кўйилди. Ниҳоят аёлларнинг ҳам шодон кулгуси эштила бошлади. Айниқса Холмурод астойдил ҳаракат қилиди - вагоннинг қаерида тирқиши кўринса, ўша ерига ёпишиб ҳовлини кузатди, кўришга ёки эштишига муваффақ бўлганларини эса изоҳлаб ҳам турди.

- Катта стол қилишибди, абллаҳлар... Камида ўнта одам бор-ов... Ичишайти... Тостсиз... Тушунарли... Ейишайти, абллаҳлар... Шашлик ейишайти... Тиқилиб ўлтурлар...

Талаба анча гапирди, анча қарғанди. Аммо бу ҳол Илёсни зериктириб юборди. Муаллим ҳам бунақа нарсаларга қизиқадиганга ўхшамасди. Пақирда ўтиришдан бошқасига ярамай қолган Нишонбой аканинг кулоғига гап кирмаётганилиги аниқ эди. Айни пайтда чарчоқ ҳам ўз ишини қилмоқда эди.

Илёс бир ҳақиқатини кашф этди - оч одамнинг ухлаши қийин бўларкан. Айниқса ушшўй, ишгаҳани қитиқлаб, сўлакларинги оқизиб юборувчи таомларнинг ҳиди гуркираб келиб турганда.

Талаба ҳам чарчади шекилли, томошани бас қилганча шундоққина тунука пол устига гужанак бўлиб ётиб олди. Деворга суюниб ўтирган Илёс ёнбошлиди. Текис нафас олишига қараганда, муаллим аллақачон ухлаб қолганга ўхшарди.

Ховлидан ҳамон мусиқа овози келар, ора-сира Бара-баранинг қағиллшио аёлларнинг кулгуси эштилиб қоларди.

Орадан бир соат ўтдими, икки соатми, аниқ билмайди - бир маҳал Илёс вагон томон кимдир чопиб келаётганини савқи табиийси билан илғади ва беихтиёр кўзларини очди. Мана, қадам товушлари вагонга жуда яқинлашди. Бироқ орқадан келаётган оғир, залворли қадам товушлари ҳам вагонга етиб келди ва айни шу лаҳзада қарсилаган овоз эштилди. Илёс янгилиши мумкин эмас эди - кимдир кимгadir шапалоқ туширгани аниқ эди. Афтидан, шапалоқ еган додлаб юборди ва Илёс бу овоз аёл кишига тегиши эканини англар-англамас кимдир вагон зирхига гуп этиб урилди.

- Онангнинг палонига тиқиб қўйман, ифлос! - Бояги барзантининг палағда овозини эшитган Илёс титраб кетди.

Бунга жавобан аёл кишининг титроқ саси эштилди:

- Раҳм қилинг, ақажон! Бола-чақам бор! Бошимда эрим бор!

Барзанги яна ўмон сўқинди:

- Э, онантни... Хотинини мардикор бозорига чиқарип күйган эрингниям...

- Раҳмингиз келсин, ақажон... Йўқчилик... Менга идиштовақ ювамиз дейишганди... Мени ановилар аллади... Бундан кўра ўлганим яхши...

Аёл изиллаб йигларди.

Барзанги ёмон тепди шекилли, гуп этиб ўтириб қолган аёл аянчли чийиллади.

- Энди бошқа нарсани тозалайсан!.. Айтганимни құлма-санғ элликтә эркакнинг тагига ётқизаман-да, ҳар биттаси билан расмийнги олиб, эрингта олиб бориб бераман. Да-кументинг манда, ҳеч қаёққа боролмайсан. Юр-чи...

- Бормайман, бормайман...

- Мана бормасан!

Барзанги аёлни энди аямай ура бошлади. Дод-вой солаёт-ган аёл гавдаси вагонга тез-тез зарб билан уриларди.

Вагонда ётганларнинг уйгониб кетгани аниқ эди. Ниҳоят чидай олмади шекилли, муаллим қўлини кўвача қилганча ташқарига қараб бақирди:

- Сениям она туққанми, ифлос! Бас қыл-да энди!

Баногоҳ, сира кутилмаганда Нишонбой ака бор овозда, ийғламсираб қарғаниб қолди:

- Илоё ўша жойини ўзилиб тушсин сен аблажнинг!

Аммо ваҳшний, кутубриб кетган зўравон бу гапларни эши-тадиган аҳволда эмас шекилли:

- Қани, бу ёққа юр-чи! - деганча афтидан аёлни сочидан судраб кетди - ило аёлнинг жон аччиғида чинқириши шун-дан далоат бераётгандек эди.

Ғазаби қўзиб кетган, ҳарсиллаб нафас олаётган муаллим баайни ўзи ўзига гапираётгандай деди:

- Шундай пайтлари... шундай пайтлари аёл бўлиб туғил-маганимга шукр қиласман... Лекин... эркак бўлиб ҳам жуда бир ишини қотириб қўймаганимни ўйласам... бу дунёга келганла-римгаям пушаймон бўлиб кетаман... Яхшиям бир марта яшай-миз...

Ташқарida эса ҳамон мусиқа янграр, ора-сира узук-юлуқ овозлар, кулгулар, бақир-чақирлар ҳам эшитилиб қоларди.

ЖАВОБ

Бир амаллаб тонг оттиришиди.

Вагон эшиги очилган маҳал ҳали уйқусираган, чала ух-лаганларидан бошлари фувиллаб турган мардикорлар осто-на-да гердайб турган барзангини кўришиди. Унинг ортида эса садоқатли итдек Бара-бара турарди.

Талаба уф тортиб юборди.

- Чиқларинг! - дейа буйруқ берди барзанги. - Тез!

Мардикорлар бирин-кетин пастта тушиши.

Сахар палла. Ҳали борлиқ ёришмаган ҳам.

Мардикорларни Бара-бара бир сағға тизиб чиқди. Хомузя тортиб қўйган барзанги қарама-қарши тарафдаги тўрт метр баландликдаги фиштин деворга ишора қилди:

- Бутун манавини тугатиб қўясанлар. Кейин тўрт томон-ларинг қибла! Ишни бошлаларинг! Икки соатдан кейин зав-трак.

Вазифамни адo этдим деган ўйда чорпоя томон бораётган барзангини муаллим чакириб қолди:

- Менга қара, ука...

Барзанги эринибгина ўгирилди.

Худди шу лаҳзада муаллим унга ташланди. Қайдан куч, журъат олгани номаълум, аммо муаллимнинг ҳамласида жо-нидан тўйган одамнинг шиддати, қудрати бор эдики, буни кутмаган барзанги бир лаҳзага каловланиб қолди. Мана шу лаҳза эса муаллимга қўл келди - у барзангининг ёқасидан чангаллаб олиб бир силташда ерга ағдарди ва унинг қорнига миниб олганча юз-қўзига аямай муштларкан:

- Қочинглар! Қочинглар! - деб хирқиради.

Лекин воқеанинг бундай тус олишини кутмаган мардикорлар довдираб қолишганди. Ниҳоят биринчи бўлиб ўзига келган Бара-бара икки қўллаб муаллимнинг сочидан тортиб, уни барзангининг устидан ағдариб ташлади. Шунинг ўзи бар-зангина кифоя эди - у ҳатто бурнидан булоқдек отилаётган қонни ҳам артиб ўтирамасдан муаллимга ташланди-да, бу та-нани, бу одамни бир қоп тўшт мисоли аямасдан ураверди, тепаверди...

Кўзларидан тирқираб ёш чиқиб кетган Илес қандай қилиб ваҳшшина тарзда бўкирганча барзанги томон отилганини ўзи ҳам билмай қолди-ёв. У жон ҳолатда чап қўли билан барзан-тининг юзига чангл солиб ўзига қаратди ва мана шу қонга беланган башарани бор кучи билан урмоқ, майдалаб, йўқ қилиб ташламоқ қасдида мушт бўлиб туғилган ўнг қўлини боши узра кўтарди. Айнан мана шу лаҳзада бирорни уриб ўрганмаган Илес ўзига ялт этиб тикилган барзангининг кўзла-рида ваҳима учқунларини кўрди-ю, туйқусдан бўшашиб, бир сонияга икиланиб қолди. Бу сония эса Бара-бара учун етар-ли бўлди. Балки бунақа исёнларни кўраверib қўнишиб қолган бўлса керакки, Бара-бара орқадан келасолиб Илесни бир қоп хашакдек енгиллик билан кўтариб олди-да, икки қадамча нарига отиб юборди.

Афтидан шоқин-суронни эшитиши шекилли, авва-лига ит хурди, сўнг кутилмаганда барзанги ваъда бергандай элликтә бўлмаса ҳам, ҳар қалай беш-олтита бақувват, қорув-ли йигитлар пайдо бўлишиди ва мардикорларни эрмакка ер билан бигта қилиб пийпалаб ташлаши...

Орадан ярим соатлар чамаси вақт ўтди. Шусиз ҳам жулдур уст-бошлари батттар йиртилган, афт-башаралари қон, лабла-ри ёрилган, шишиб кетган, бири чўлқуланаётган, бири бе-лини ололмаётган мардикорлар тамомила ваҳшши қиёфага кирган, яна темир тўқиши қайшиши қўлига олган барзангининг зууми остида ишга киришишиди. Тақсимот яна кечаги-дай бўлди: Илес ҳандаққа тушди, лой ташиши Нишонбой ака билан талабага юкланди, муаллим Бара-бара билан бирга-ликда деворни сувоқ қиладиган бўлди.

Тақдирга тан берди чоги, гандираклаб, базур қадам таш-лаётган Нишонбой ака исёнкор муаллим билан Илесга миқ этиб оғиз очмади, таъна қилмади. Илес мана шундан кўрқкан эди. Йўқ, ҳатто эл қатори насибасини олган Холмурод ҳам индамай кўя қолди.

Қовогидан көр ёғаётган барзанги юз-қўлини ювгач, чор-пояга бориб ўтириб олди ва буларнинг ишини диққат билан кузата бошлади. Лекин уйқусиз тун ўз ишини қилди шекилли, ора-сира барзанги мултиб кетар эди. Мана шундай, оғзи-ни очолмаётган муаллим муаллим истеҳзо билан "намоз ўқиши" деб пичирлаб айтган ўхшатиш қилган онлари иш суръ-ати сал секинлашар, бундай пайтлари нечукдир Бара-бара ҳам ортиқча тихирлик қилиб ўтирас, билъакс, мардикор-ларни кўллаётганини сезидириб қўйгиси келмаётгандай ҳозир-гина сувоқдан чиққан жойларни кўздан кечириб чиққан бўлар-ди; айниқса ҳар ўн-ўн беш дақиқада вагон ёнига омонат курил-ган ҳожатона томон чопаётган Нишонбой ака иш суръатини пасайтираётганини кўриб кўрмаганда оларди.

- Бара-бара ака, - деб қолди бир пайт талаба соқовга му-рожаат қилиб. - Хатингиз жуда чиройли бўлса керак, а?

Бунга жавобан Бара-бара талабага қаттиқ тикилиб қолди.

Бу ўринисиз савол муаллимнинг фашини келтирган бўлса керак, норози бўлиб тўнгиллади:

- Почекини бошингта урасанми бунинг...

Хижолат чеккан талаба ўзини оклашга уринди:

- Энди айтаяпман-да... Деворни шундай силлиқ суваган одамнинг рассомлика, чиройли ёзишга ҳаваси бўлмслиги мумкин эмас.

Шу билан гап-сўз тугади.

Шунга қарамасдан, иш барибири оғир эди. Шунча ейил-ган таёқдан кейин, айниқса оч қоринга лойда ишлашнинг ўзи бўлмасди.

Ваъда қилинган икки соатдан кейин нонушта келтирилди ҳар тугул. Бироқ буни нонушта дейишининг ўзи кулгули эди: суюқина чой, тегирмонда тортилган буғдои унига қилин-ган қора нон, тўртта қаттиқ парварда. Ким билади, нима хаёлга борган, ишқилиб Бара-бара зипиллаб ҳовлининг мардикорлар бориши маn этилган тўрдаги тарафига ўтиб кетди ва зум ўтмай ҳовчида оғизи дудланган колбаса бўлаклари ҳамда уч-тўрт бўлак пишлоқ олиб келди. Ҳамон ҳурпайиб, мардикорларни кузатиб ўтирган барзанги норози бўлиб тўнгилла-са-да, индамай кўя қолди.

Булар кечаги зиёфатдан қолган бўлса керак, деган хаёлда аввалига Илес қўл чўзмай турди, аммо ошқозон барибири ўз хукмини ўтказди.

- Кечак... зиёфат зўр бўлдими дейман-да, Бара-бара ака? -

деб сўраб қолди оғзини тўлдириб нон кавшашётган Холмурод.

Шу мазмундаги саволни кутиб турган эканми, баҳтиёрликдан кўзлари сузилиб кетган Бара-бара ўнг қўлининг бошбармоғини юқорига кўтариб “міхдай” ишорасини қилди.

- Сизгаям тегдими ўзи? - савол беришни давом эттирид талаба соқов дастурхонга қўл чўзишини унугиб қўйганига ётибор берганча.

Бара-бара ўзини хижолатта тушгандай кўрсатди - уялин-кириб кулимсирашга уринди. Талаба хужумга зўр берди:

- Қанақа эди, зўрми?

Бунга жавобан тамомила эшилиб кетган Бара-бара лаззатланиб кўзларини юмди ва иккала қўлни кўтариб, ҳавога аёл қоматининг расмини чизди.

Бу орада соқов олдида турган пишлоқ ва колбаса бўлакларини шерикларига олиб берадиган талаба яна сўради:

- Зўр кайф бўлдими?

Бара-бара маастона тарзда бош иргаркан, байни ўша лаззатли дамларни қайта бошидан ўтказаёттандай инграб юборди.

Бечоранинг хурсанд бўлгани шунча эканки, ҳатто кўзларини очиб, олдида колабаса-пишлоқ бўлакларини кўрмагандан ҳам унчалик хафа бўлмади, аксинча, нон бўлакларини нари суриб, мардикорларга мулозамат ҳам қўлган бўлди.

Нонушта тугади ва яна азобли, оғир иш бошланди. Холмурод савол беравериб соқовнинг асабларини ўйнатиб юборганни, ким билди, ишқилиб, Бара-бара яна паровоздай пишиллаб ишлар, унга лой етказиб беришнинг ўзи бўлмасди. Иш суръати сал пасайса соқов норози бўлиб қағиллар ва шуни кутиб тургандай темир тўқали қайшини кўтартган барзанги мардикорлар боши устида пайдо бўларди-қоларди...

Ярим коса ёвон шўрва (Илес қишилоқда буни “шарманда шўрва” деб аташларини эслади) ва бир донадан сосиска (афтидан, буям кечаги зиёфатдан қолган) қўринишидаги тушлик ҳам ўтди.

Мардикорлар адойи тамом бўлиши. Кўз олди қоронгулашиб кетаётган, мана шу лойга қулашга тўйиб-тўйиб ухлашдан бошқасини орзу қўлмаётган, ҳатто оғир жисмоний чар-чоқ туфайли қалтак зарбини ҳам ҳис этмайдиган даражага етган Илесни фақат бир ўй - хотини Барононинг ташвишигина тик тутиб тургандай эди. Нима қилиб бўлса ҳам деворни тутагиши, нима қилиб бўлса ҳам бу ердан кетиши, Барононинг ёнига етиб олиш керак эди. Колгани унчалик аҳамиятли эмас. Колгани кейин ҳал бўлаверади...

Бошқа мардикорларнинг аҳволи ҳам Илеснидан ёмон бўлса ёмон эдик, асло яхши эмасди. Айниқса бутун бадани, юз-кўзи моматалоқ бўлиб кетган, бунинг устига тез-тез ўзига хусумати бор барзангининг зуфумига дучор бўлаётган муаллиминт аянчила аҳволига қарашнинг ўзи азоб эди...

Ховлига намозшом қоронгулиги чўка бошлаган маҳал ишни тутагиши ҳар тутул.

Бели қотиб қолган Бара-бара буқри одамдай энгашиб бориб андавасини ҳандаққа тўлатилган сувда юва бошлади. Базўр қимирлаётган мардикорлар ҳам унга эргашиб андава, пакир, кетмонларни тозалашга киришиши.

Ховлиниг уер-буерида чироқ ёнди.

Бара-баранинг ишораси билан яна вагонга киришиди. Яна кечагидек номига овқат. Фақат бу сафар мардикорларнинг руҳи сал тетикроқ - барзанги алдамаган бўлса, кетар фурсат яқинлашган эди-да.

“Агар алдамас...”

Шу ўй Илесни баттар чарчатар, таъбир жоиз бўлса, дунёни кўзига баттарроқ ёмон кўрсатарди. Нима қилиб бўлса ҳам кетиши шарт. Ишқилиб, Барно тинч бўлсин. Ҳали-ку икки ойча вақт бўлиш керак, лекин билиб бўладими... Ўзия икки кундан бери йўлга қарайвериб, сил бўлиб кетгандир. Ваҳимаси-чи... Илес ўзини мажбурлаб бу ҳақда ўйламасликка тиришади, лекин кўнгилга бўйруқ бериб бўлмас экан...

Мубҳам кутиш билан бир соатча вақт ўтди. Мардикорлар тобора асабийлашашар, миқ этмасдан эшикка илҳақ термули ўтирадилар.

Ахийри машина моторининг туриллаган овози эшитилди. Машина шундоқ вагон ёнига келиб тўхтади. Вагон эшиги очилди ва доимигидек тиниб-тинчимас, ишлаб чарчамас Бара-

бара ҳамроҳлигидаги барзанги мардикорларга юринглар ишорасини қилди.

Колгани фильмлардаги манзарага ўхшади: мардикорларни худди асиirlар сингари саф ҳолида тўғри ўша ўзлари келган машъум “Москвич” будкасига қамашди ва эшикни ортидан бекитиши. Муаллим:

- Кийимлар-чи? - деб бакиришга улгурди, аммо бу ўринли саволга жавоб берадиган одамнинг ўзи йўқ эди: Бара-бара гё қадрдонлари билан хайрлаётган одамдай мунгайиб турар, ўшшайган, нимаси биландир қиличидан қон томандиган жаллодни эслатадиган йилтирибош барзангининг вожоҳатидан эса сира яхшилик кутиб бўлмасди.

Машина яна узоқ юрди. Беш соатми-олти соатми.

Ҳамма жим эди. Ҳатто будка темирига қулоғини маҳкам босганча гё ҳиманидир эшитишга жон-жади билан интилаёттандай кетаётган талаба ҳам оғиз очмади. Машина гоҳ текис йўллардан юрди, гоҳ хотекис, гоҳ ёруғ йўллардан (буни мих билан тешилган беш-олти тешикдан тушган тутам нурдан илғаса бўларди), гоҳ зим-зий зулмат оғушида.

Ниҳоят машина бир жойга келиб тўхтади. Бир муддатдан сўнг будка эшиги очилди. Оёқларини кериб турган барзанги кўл узатиб биринчи дуч келган мардикор бўлмиш Нишонбой акани ёқасидан бўғиб сугуриб олди-да, уни дўқ этказиб йўлга қўяркан, ҳаммага эшитириб вишиллади:

- Бирорвга оғиз очсанг келиб каллангни олиб кетаман! Адресинг бор. Эсингдан қиқарма, сан бошқа юртда бўлдинг, у ёқларда санга ўшҳагнларнинг гапи ўтмайди. Шунинг учун бундан кейин орқангни қисиб юр. Тушундингми?

- Тушундим, ака, тушундим. Туя кўрдингми - йўқ! - деди жон ҳолатда Нишонбой акা.

- Шундай бўлсин! Манави пенсия книжкангни ол-да, биз узоқлаб кетганча нарёқа қараб тур. Агар бу ёққа ўтириладиган бўлсанг келиб каллангни оламан!

- Тушундим, ака, тушундим...

Яна ўн-ўн беш минутга юришгач, машина яна тўхтади. Бу гал барзанги муаллимни сугуриб олди-да, бояги гапларини тақорлadi.

- Инсофинг борми ўзи сенинг? - тутақиб кетди муаллим.

- Ярим кечаси бегона шаҳарда, яна манавинақа кийимда юриб бўладими? Дуч келган биринчи милиса мени обориб тиқиб қўяди-ку! Яна бўйнимга бирон ўғирлик-пўғирликни илиб қўйса-чи?

- Бу санинг проблеманг, олифта! Ма, паспортингни ол...

- Мана проблемам!

Аммо оч, мадорсиз муаллим мушт туширишга улгуролмади - барзанги ўзини хиёл четта олди ва енгил бир ҳаракат билан бир тепища муаллимни нари учирив юборди. Илес беихтиёр олдинга интилди. Аммо барзангининг ёнида пайдо бўлган бошқа бир совуқ башарали қорувли йигит қўлида ярақлаб турган пичоқни кўз-кўзлаши биланоқ Илеснинг ҳовури босилди-қолди.

Машина олдинга силжиди. Афтидан, бир амаллаб ўрнидан турган бўлса керак, орқадан муалимнинг сўқинаётгани, тош отаётгани эшитилди. Шундай тошлардан бири будкага даранглаб келиб тегди. Аммо машина тўхтамади...

Яна ярим соатдан сўнг талабани тушириб қолдириши. Охири навбат Илесга келди. Уни қадайдир кўп қаватли бино ортига ташлаб кетиши.

Илес қорониликда эди, шу сабабли бемалол “Москвич” ортидан қараши мумкин эди. Аммо унга бунинг кераги ҳам йўқ эди. Илес шошилмоқда эди. Энг аввало қаерда эканини аниқлаб олиш керак.

Йўлда одамлар жуда кам учради. Борлари ҳам Илеснинг жулдур уст-бошидан чўчишиб, бунинг устига “Бу ер қаер?” деган фалати саволидан кейин бутунлай алкашга чиқариб қўйиши шекилли, дарҳол ўзларини олиб қоча бошлаши. Хайрият, бир ўрис кампир бор экан, шу Илесга қаерда эканини батағсил тушунтириди.

Туман газлаштириш бўлимидан берилган эски ҳужжатни маҳкам кафтига қисган Илес шаҳарнинг нарити чеккасида жойлашган уйига қараб пойи-пойида йўл олди. Илло бу либосда унга бирон машина тўхташи гумон эди, мабодо тўхтаганда-чи, уйга боргандан кейин ҳисоб-китоб қила олармиди? Албатта йўқ!

Илёс иложи борича овлоқроқ йўллардан юрди, айниқса миршабларнинг кўзига тушиб қолмасликка уринди.

ФАРЗАНД

Уй... зим-зиё эди. Буни кўриб Илёснинг юраги товонига тушиб кетгандаи бўлди. У зиналардан бир амаллаб юқорига кўтарилиди, эшик кўнгирофини қайта-қайта босди.

ЖИМИЛКИ

Илёс кулоғини эшикка босди. “Тиқ” этган товуш эши-тилмади. Ўлъюн сукунат.

Холдан кеттан Илёс шундоқ йўлакка ўтириб қолди. Кўнгил - душман. Хаёлга нелар келмайди. Барно, шўрлик Барно икки кун туз тотмай эрининг йўлига қарагану, сўнг уни излаб кўчага чиқиб кетган бўлса... Шу ҳолида... Кўчада нима кўп - машина кўп... Барно тез юролмаса...

Илёс тишларини синдириб юборгудай даражада бир бирiga босди. Бу улкан шаҳарда на қариндош-уруг бўлса, на таниш-билиш... Оғироёқ жувон кимдан најжот излайди, кимга боради...

Илёс бошини маҳкам чангллаганча инграб юборди:

- Э, бу дунёлариням!..

Илёс майдончадаги иккинчи эшикка қаради. Бу ерда бозорчи эр-хотин яшашидари, уйда ҳам кам бўлишарди. Уларнинг умрлари тижорат сафарларида ўтади шекилли. Илёс бу кўшнилар билан борди-келди қилмайди, ўзини улар даражасида деб билмайди. Шу истиҳолани Барнога ҳам сингдирган. Ҳозир эса...

Илёс эшик кўнгироқчасини босди. Булбул сайроғи эши-тилди ва зум ўтмай эшик очилиб, ўттиз-ўттиз беш ёшлардаги, ҳаво ранг ҳалат кўтиган сулувгина аёл кўринди.

- Кечираисиз... янга, - Илёс ўзининг уст-бошига ажабланниб қараб қолган аёлга вазиятни тушунтириша уринмоқчи эди, бунинг ўрнига тилининг учиди турган савонни берди: - Келинингизни кўрмадинизми?

- Бу... бу сизми, Илёс ака? - ҳайрон бўлиб сўради жувон.

- Мардикорликдан келаётгандим, - гапни калта қилди Илёс.

- Келинингиз уйда йўққа ўхшайди...

- Вой эрқаклар-ей... Бу ёқда хотини пишиб турибди, у ёқда бўлса булар пул излаб юришади... Пул-ку, топилар, хотин топилмайди, дейдиган одамнинг ўзи йўқ буларга... Сизни бутун кўни-кўшнилар аллақандай станциларга бориб излаб келишид-ку... Осмонга учдингизми нима бало... Бу ёқда Барнохоннинг бўлари бўлди-ю... Яхшиям хабар олганимиз... Ўйламайсизми мундоқ... Ишқилиб сиз эрқаклар ҳам бир туриб кўринг-да, ана шунда биласиз хотинларнинг қадрини... - Жаврашдан тўхтаган жувон ичкарига қараб бақириди: - Адаси, қайси родомга обордиларингиз?.. Үнинчими?.. Манга қаранг, Илёс ака, тез чопинг, бугун кундузи хотинингизни дард тутиб қолган экан, пастдаги Нигорахон медсестра билан адамиз... Кейин маҳмалла оқсоқолидан справка ҳам олиб бориб беришиди. “Шу адресда ҳақиқатан яшайди” деган справка бўйса текин қарашаркан... Қисқаси, чопинг ўнинчи родомга. Қолганини кейин айтгиб берармиз... Ҳа, айттандай, - жувон ҳалати чўнгаганин кавлади, - мана, калитингизни олинг. Барнохон бечора ўзлари не аҳволда-ю, яна сизнинг калитсиз кўчада қолишингизни ўйлаб бирам ваҳимага тушадилар-ей....

Илёс зиналардан қандай отилиб тушганини билмайди. Ахир, ҳали икки ойча бор эди-ку. Нима бўлди экан? Наҳотки... Шу каммиди...

Ўнинчий тургукхона унча узоқ эмас эди. Илёс хотини билан бу ерга бир-икки марта маслаҳатга келганди. Шу сабабли у учиб қабулхонага кирди ва ойна ёнида китоб ўқиб ўтирган кексароқ навбатчи жувонни чўчитиб юборди.

- Тиловова... Барно... - деди Илёс ўпкасини босиб ололмасдан, - бугун... бугун тушган... кундузи...

Негадир навбатчи врач Илёснинг бу қилиғига уччалик ажабланмади. Афтидан, турли кўйга тушган оталарни кўра-вериб кўзи пишиб кеттан.

- Тиловова... - Навбатчи кўзойнагини таққач, олдида турган журнални варақлашга тушиди. - Талибова... Тургунова... Ҳа, мана, Тиловова Барно... Йигирма икки ёшда, шундайми?..

Қалт-қалт титраётган Илёс бош иргай олди, холос.

- Ҳўш... биринчи ҳомила экан, шундайми?.. Яхши... Ҳозир кўрамиз... Ие?

Илёс инграб юборди:

- Нима... нима бўлти?

- Нима бўларди? - сал жеркиган оҳангда гапирди аёл.

Сизлар у ёқда юрасизлар маза қилиб, бу ёқда бўлса хотинларинг ўлим билан олишади...

Оёқларидан жон қочган Илёс гуп этиб полга ўтириб қолди:

- Нима... нима бўлти, ахир?

Аёл кўзойнаги оша Илёсга атай жиддий тарзда қаради-ю, бироқ бирдан ўзини тутолмасдан шарақлаб кулиб юборди:

- Дўппингни осмонга от, бола, ўғил бўлти, ўғил. Етти ойлик бўлсанам соғ-саломат туғилиби!

Илёс эшитаётгандарни ҳақиқат эканлигига ишонқирамандай бир зум эсанкираб аёлга тикилиб қолди.

Аёл гапида давом этди:

- Уч кило етти юз... Нақ паҳлавоннинг ўзи!

Ниҳоят онг-шуурига ҳақиқат учқунлари етиб борган Илёс ўрнидан турмоқчи, шундоқ хуҳшабарни айтган жувонга ҳеч бўлмаса миннатдорчилик билдириб қўймоқчи бўлди. Бироқ йигит оёқлари ўзига бўйсунмаётганини, ич-ичидан, юрак-юрагининг тубидан шиддатли бир ҳаяжон тўлқини босиб келаётганини тўйди ва мана шу тўлқин измига ўзини ташлағанча ногаҳон хўнграб йиглаб юборди. Бу деярли икки кунтун давом этган изтироблар, ўртанишлар, азоблару ваҳималарда адойи тамом бўлган жисмнинг ногоҳ дуч келинган баҳтиёрлик қошида лолу ҳайрон, безабон бўлиб қолганининг инъекси эди гўё...

Навбатчи аёл уст-боши жанда, лой парчалари кўриниб турган оёғига эски, ийтиқ калиш кийиб олган, кўринишиям забун бу йигитнинг хўнг-хўнг йиглалига қараб ажабланар, ичкаридан чопиб чиққан ҳамширалар ҳам йигитга ҳайрон бўлиб қарапаш, аммо йигилганларнинг, йигилаётгандарнинг ҳаммаси бир нарсани - бу қувонч кўз ёшлари эканлигини сезиз-англаб турардилар...

Илёс тун бўйи тургукхона атрофида айланиб юрди. Ҳали Барнонинг олдига кириш мумкин эмас экан, лекин унга эрининг келганини айтиб қўямиз, деб ваъда беришиди.

Илёс бири ёргу, бири қоронгу деразаларга телбаларча қувонч билан термулар, зоро улардан бирда жондан азиз Барноси шириндан ширин, жажжигина фарзанди билан тинчина ётганини биларди. Унинг фарзанди. Унинг ўели!

Тургукхонада ҳаёт тўхтамас экан. Неча-неча баҳтиёр оталар тун бўйи келиб-кетишиди. Неча маротаба деразалардан чақалоқ ингаси эшитилди

- Ўлемминг отини ... Баҳтиёр қўяман... У баҳти бўлсин...

- дея шивирларди Илёс ўзига ўзи. Сўнг чукур нафас олганча энтикиб қўярлди: - Яхшиям кўни-кўшнилар бор экан... Худога шукр...

Тонг саҳарга яқин ҳовлидаги ўриндиқقا беш дақиқагина дам олай, кун ёришса ётоқхонага бориб, одам башара бўлиб келаман деб ўтирган Илёснинг беихтиёр кўзлари юмилди ва у қотиб ухлаб қолди. Ҳар қалай, чарчоқ ўз ишини қылган эди...

АРАФА

Кимdir унинг елкасидан оҳиста туртмоқда эди. Илёс чўчиб кўзини очди ва қаршишида турган йигитчани танимади. Бироқ унинг жилмайиб туришими, қарашларими, нима-сидир жуда-жуда таниш кўринди.

Илёс кафти билан кўзларини ишқалади ва ўзининг шу ҳолатда, яна шу либосда ўриндиқда ётганидан бениҳоя изза бўлганчага гўлдиради:

- Ўга бормоқчийдим...

- Ўғил муборак, Илёс ака!

Илёс ҳайрон бўлиб йигитчага бошдан-оёқ қараб чиқди ва ораста кийинган, туфлилари ялтираб турган, ўзини кутлаб турган бу йигитчани ўша, ўзи билан мардикорликда бирга бўлган талаба Холмурод тусмол қиласкан, кўзларига ишонмади.

- Адашмадингиз, Илёс ака, - дея илжайди Холмурод Илёснинг қўлини қаттиқ сиқиб қўяркан. - Айтгандим-ку, ҳали учрашиб қоламис деб... Энди эса табриклайман, Илёс ака. Ўзгингизнинг боши тошдан бўлсин, сизу бизга ўхшаб мардикорликларга чиқиб юрмасин.

- Сиз... - Илёс ҳайрон бўлиб талабанинг кийим-бошига

ишора қилди. - Улгурисиз. Мен ҳали...

Холмурод дарвоза томонга ишора қилди.

- Юнинг, машина кутиб турибди, уйингизгаям обориб қўймиз.

Дарҳақиқат, дарвоза ёнида оқ рангли “Жигули” турган экан.

Йўлда Холмурод анча нарсани гапириб берди.

- Энди, ака, хафа бўлмайсиз, хизматчилик. Кече сизга ўзимнинг кимлигимни айтишга ҳаққим йўқ эди.

Хуллас, биздаги маълумотларга қараганда, беш-олти кишидан иборат жиноий гурух мардикорларни олиб кетарканда, сўнг уларни уриб-тепиб ишлатиб, бир тийин бермасдан кўчага ҳайдаб соларкан. Аёл мардикорларни нима қилишини эса... ўзингиз кўрдингиз.

Ўзим яқинда ўқиши битириб, ишга келдим. Бу менинг биринчи жиддий ишим. Шартли равиша “Йигирма биринчи аср куллари” деб аталган операциянинг шу қисмини менга ишониб топширишди. Ҳали тажрибам йўқ, шунинг учун анча қийналдим...

Биласизми, бизга биринчи бўлиб маълумотни ким берган? Сира тополмайсиз? Еара-бара.

- Йўғ-э, - деб юборди Илёс ажабланиб.

- Ҳа, ишонаверинг. Эсингизда бўлса мен унинг ҳуснихати чиройли, дегандим. Бизгаям икки варакда жуда чиройли хатда ариза юбориби. Ўзи икки йилча бурун Самарқанддан иш излаб келган экан. Ўзингиз кўрдингиз, эшшакдек кучи бор. Ишқилиб, буларнинг қўлига тушиб қолган. Энди кутуломлайди.

Гапнинг қисқаси, Илёс ака, булар бозордан кўринишидан соддароқ, бечора мардикорларни таңлаб олишган-да, усти ёпиқ машинага босиб айланма йўллар билан, баъзан бир йўлда қайта-қайта юриб ўзларининг қурилишига оборишган. Мардикорларни “Сенлар Қозогистондасанлар... Тожикистондасанлар... Қирғизистондасанлар, бу ерда сенларнинг ҳукуқларинг йўқ” деб алдашган. Умуман олганда, иш механизми анча содда: булар шартлашиб бир дангиллама уй қуришга келишиб олишади. Шунинг яраши пулнинг бир қисмини олишади-да, сизу бизга ўшшаган текин мардикорлар эвазига уйни жуда арzonга куриб битказишида. Қарабисзки, пулнинг тагида қолишида...

Бу жиноий гурух анчадан бери фаолият кўрсатиб юргани ҳақида гап-сўзлар олдиндан бор эди. Лекин биз буларнинг қўлига тушган мардикорларни тополмай юрадик. Ҳатто топганларимиз ҳам кўрққанларидан улар устидан бизга ариза ёзib беришмасди. Шунинг учун бу ишга ўзим боришига қарор қилдим. Бўлмаса фургон “Москвич” ҳақида ҳам бизда маълумот бор эди. Лекин бу машина камида ўнта одамга ишончнома орқали сотилган, унинг асл эгаси ҳозир машинаси қаерда, қайси мақсадларда ишлатилиб юрганидан хабарсиз ҳам бўлган. Умуман, бу жиноий гурух аъзолари машиналарини тез-тез алмаштириб туришган.

Худога шукр, эсон-омон қутулдик. Энди қандай ёзганлигимни сўраманг-у, манавини эшишиб кўринг.

Хомурод кафтига жойлашган жимитдайгина курилма тутмачасини босган эди, барзантининг ваҳимали овози эшитилди: “Энантнинг фалонига борасанми?”

- Қисқаси, - деб гапида давом этди курилмани чўнтагига жойлаштган Холмурод, - факт бор, далилни ашё бор, ёзib олишга прокурордан санкция олинган, энди сизлар биттадан ариза ёзив, терговда, судда гувоҳ бўлиб турсаларинг бас, биз бу жиноий тўданинг ҳеч бўлмаса ижрочиларини қамоққа тиқамиз.

Илёс ҳайрон бўлиб Хомуродга қаради.

Холмуроднинг пешонаси тиришиди.

- Э, ака, булар шунча ишни қилиб юрибди-ю, орқасида тиргаги йўқ деб ўйлайсизми? Мен ҳам асли ўзи уларни суваб турган катта-катта валломатлар кимлигини аниқлай деб бу ишга киришгандим. Ниятимга етолмадим. Ҳозирча... Буларнинг илдизи чукур кетганигина сезиб турибман. Булар ўз валломатларини айтмаса керак. Лекин вақти келиб биз уларни ҳам топамиз.

Илёс ташқарига, дераза ойнасидан лип-лип ўтаётган даражатларга қаради.

- Айтгандай, - деб қулиб юборди Холмурод. - Анави муаллим акамиз салкам авлиё ёкан. Ўзи айтганидай бўлибди: уни бу аҳволда учратган биринчи милиционер ўгри ёки дайди гумон қилиб дарров бўлинмага олиб кетибди. Шунинг учун у кишини топишим осон кечди. Жон-жон деб ариза ёзив берди. Медэкспертизадан ҳам ўтказиб қўйдик. Нишонбой акага эса одам кетган. Ишқилиб, у киши тайсалланмаса гўрга эди. Жуда кўрқиб қолган-да бечора... Айтгандай, ўғлинигизнинг отини нима қўймоқчизис?

Илёс Холмуродга ўтирилди. Шу дамда унинг юзи қувончдан ёришиб кетгандай эди.

- Ўғлимнинг отини Бахтиёр қўяман! Бахтиёр бўлсин! Менга ўхшаб мардикорликка чиқиб юрмасин!

- Насиб қисла бундай бўлмайди, Илёс ака, - деди ишонч билан Бахтиёр. - Лекин биз мана шу фарзандларимиз ҳаққи бунақанги қонунбузурларга, жиноятиларга қарши курашишимиш керак.

- Сиз ўйланманг, - деди Илёс ўз навбатида ишонч билан.

- Қанчада ариза керак бўлса шунча ёзив бераман, керак бўлса терговдаям, суддаям иштирок этаман. Бунақанги ифлослар кўпаймасин, эрта-бир кун боламниям мен тушган кўйига туширмасин булар деб қиласман бу ишни! Сиз эса, сиз буларнинг илдизини топинг, ана шу илдизини чопиб ташланг!..

- Шундай қиласмиш, Илёс ака. Лекин буларга қарши кураш энди бошланяпти. Бу кураш осон бўлмайди...

Машина бир пасда милиция бўлинмасига этиб келди. Хонада ўтирган муаллим куличини кенг ёзганча Илёс билан қайтадан кўришиди. Аммо негадир қовоғини осганча ердан кўз узмай ўтирган Нишонбой ака Илёснинг саломига алик ҳам олмади. Холмуроднинг ариза ёзив бериш ҳақидаги таклифи ни эса кескин рад этди:

- Мен, ука, - деб таъкидлари кийим-бошини ўзгартиришга ултурган Нишонбой ака қонталаш юзини яширишга уринганча, - ҳеч нима ёзмайман ҳам, ҳеч қанқанги кўрсатма ҳам бермайман. Мен... уч кундан буён уйдайдим, ҳеч қаёқча чиққаним ҳам йўқ, саниям, буларниям танимайман. Гувоҳларим бор! Гап тамом-вассалом.

Холмурода ялиниб кўрди, жигибијрони чиққан муаллим бақириб берди ҳам, аммо Нишонбой ака “Мен уйдайдим, ҳеч қаёқча борганим йўқ, гувоҳларим бор!” деб тураревди. Ниҳоят уни тинч қўйишиди...

Машина Илёсни ижарада турадиган уйи ёнига ташлаб кетди. Подъезд эшиги ёнида уни уч-тўртта кўни-қўшни кутиб турарди. Илёс танигандай бўлди: учинчи қаватдаги кўшни, кекса муаллима опанинг кўлида бир даста гул. Опа гулни Илёста тутид:

- Ўғил муборак, қўшни! Эшишиб жуда хурсанд бўлдик.

Кўни-қўшнилар баробарига муборакбод қилишга тушиши. Илёснинг кўзларидан тирқираб ёш чиқиб кетди. У ўзига узатилган кўлларни бир-бир сиқаркан, нукул илжаяр ва кўз ёши аралаш:

- Раҳмат... раҳмат... - деб оларди, холос...

(2002 йил)

МУАЛЛИФДАН: Ушбу жўнгина баёндан иборат битикларим журналда эълон қилинишини эшиштагач, воқеа қандай якун топганини билиб қўшиш мақсадида журналист биродаримга қўнгироқ қилдим. Унинг айтишича, қаттагина суд жараёни бўлиб ўтибди. Айниқса Илёснинг кўрсатмалари, шунингдек Бара-бара исмли соқов бир одамнинг ёзив берганлари кўпчилик қатори судьяларга ҳам қаттиқ таъсир қилибди. Мардикорларни ёзив, қул каби ишлатадиганлардан жабр кўрган яна беш-олтига гувоҳ ҳам топилибди. Суд залидан жой олган тўрт айланувчига турли муддатли қамоқ жазолари тайинланибди. Аммо, биродаримнинг айтишича, бу жиноий гуруҳни уюштирган, унинг бошида турганлар ҳозирча очиқда эмиш...

Гули Нигор АВАЗОВА

АРМОНГА МАКТУБ

Айтишларича, афсонавий күш Қакнус сүнгти лаҳзаси яқинлашган сари бунгача бўлмаган шундай бир илоҳий овозда сайрар эканки, охири бутун танаси - жисмижони ўт олиб, ёниб кул бўлар ва худди шу кулдан янги Қакнус боласи кўз очар экан. Яратганинг марҳаматини қаранг.

Сиз ўқишга чоғланаётган мана бу жайдари, юраги шундоқ кўриниб турган шеърий машқлар айни 35 ёшда бевақт ҳазон бўлган истеъоддли шоиримиз Чори Авазнинг зурриёди бўлмиш Гули Нигор Авазованини. Йўқотганни топиб бўлмас. Айни навқиронликда кетганинг доғи аламли, эзгин. Ҳарқалай, топганимиз ўша илдииздан униб чикқани ҳаёт сахий, унинг қайғуси эскиргани сари умиди янги-янги келишини ўқтириётгандек. Истеъод - тафаккур соҳиби бизнинг кўнглумиз яшинаши, ибратланиши учун оламга келади!

Очиғи, бу гапларни таскин-тасалло учун ҳам айтиётганимиз йўқ. Гули Нигорни суюш, кўнглини шунчаки кўтариш учун ҳам демадик. Балки олдин машқлардаги туйғунинг тозалиги, гўзал товланишга уринаётган ташбеҳлар эътиборимизни қозонгач, унинг муаллифига қизикдек. Шунда фикримиз эгиз келди: ҳам таскин, ҳам ҳайратга эга бўлдик.

Истеъод ўзини-ўзи муҳофаза қилар, эътирофларимиздан талтайиб кетмас. Ахир Гули Нигорнинг бу илк уришларида бадиият нуқтаи назаридан нимадир бор, сўзларидағи саҳрои бир тоза эпкин, тасаввур оламидаги кенглика мойиллик, зўриқишиз, самимий мавжланаётган нола хаёлимизни боғлаб олди.

Гули Нигорнинг шеър айтиш ҳифизаси отаси Чори Авазнидек ёник ва гўзал, қисмати эса саодатли, достончи момоларники каби баракали, нуроний бўлсин, илоҳим!

Вафо ФАЙЗУЛЛО



1.

Салом, менинг Армоним,
Бунда қувончли оним.
Уларга ташлаб мени
Айтгин, қайларга кетдинг?

Яна йироқларга
Менсиз фироқларга
Қолиб кетдингми,
Манзилингта етдингми?

Мени соғинмадингми?
Маҳзуна бир синглингни.
Қалбини сенга берган
Қайгуларнинг дўстини?

Кадрдоним Армоним,
Ташрифингта мен муштоқ.
Тоқатсизман. Кўргани
Ўзим истадим бормоқ.
Аслида мен ўзингман,
Ўзингман туни оппоқ.

2.

Армонларга дўст бўлайми
Ё кўз жоламга.
Мен сенда қолайми
Ё ғам-аламга?
Телбavor бу оғоқнинг
Сарҳадидан ҳатлайми.
Ё бўлмаса қалбимнинг
Чўққисидан сакрайми?
Таҳайюл дарёсининг
Тубларига чўкайми?
Осмондаги юлдузларга
Мен ўзимни осайми?

Йўқ,
Керакмас ҳеч бири.

Чўкишни хоҳламасман,
Ўлишни ҳам мен асло.
Бу дунёмни бермайман
Телбavor бўлса ҳамки.

Очун - бу овунчоми,
Ҳаётдир ўйинчоми.

3.

Сўзларимда кўринар ҳамон,
Қалбимни ҳам эгаллаб олди
Қўзларимнинг тубида қолди
Ўша, менинг севгилим - Армон.

Юрагимга оғриқлар солар,
Гоҳида-чи йироқлаб қочар.
Маҳкам қучиб индамай қолар,
Ўша, менинг севгилим - Армон.

Ўтинаман сендан, Армоним,
Кетсанг ҳамки йироқларга сен
Бир умрга кетиб қолмагин,
Ҳаётимнинг мазмуни ўзинг,
Дилгинамнинг кўри ҳам ўзинг,
Ўзинг менинг севгилим, Армон!

4.

Булатлардек тўзғиган очун
Кунларни бағрига олган.
Яхшини ер қаърига солган
Бу шунчалар бағри тор очун.

Булатлардек тўзғиган очун.
Ёмонлари кўпчиб кетарми,
Яхшиларнинг бағрин ситарми,
Армонларим йиглайди беун...

5.

Хаёлларим булатлардек
тўзғиб кетарлар.
Ёмғирдек ер узра
сингиб кетарлар.

Афсус, афсус...
Хаёлларим, дардларим
Бир тўплансак, дер.
Менинг кўнглум - Ер.
Улар эса кўнглимга
Сингиб кетарлар.

6.

Сенга талпиндилар,
Сен индамадинг.
Сени ўтардилар,
Ҳануз оғзингда мум.
Қалбингдан ҳам
Кетмас ҳеч
Қаернингдир оғриқлари.
Шунда ҳам
Шикоят қилмайсан,
Сўзлайдирсан севинчдан.
Тополмаган баҳтингни
Топгандайсан ўйқликдан.

МУҒАННИЙГА

Ботиний таҳайюр چулғаган қалбим,
Эй мутриб, созингдан нур тараляётир.
Оҳангинг уйғотиб мудроқ оғочни,
Илоҳий туйғулар уйғотаётир.

Сен асли Ҳорутсан тальяти инсон,
Оламга куй эмас, зиё сочасан.
Риёлар ўзидан уялар пинҷон,
Куйинг-ла учмоҳга йўллар очасан.

Мени интиқ қилган эй Севинч!

ELIM DEB, YURTIM DEB YONIB YASHASH KERAK!



MUASSISLAR:

O'zbekiston Yozuvchilar uyushmasi,
«Kamolot» yoshlar ijtimoiy harakati

Jamoatchilik kengashi raisi:

Abdulla ORIPOV

Jamoatchilik kengashi:

Allanazar ABDIYEV

Abulqosim MAMARASULOV

Ahmad OTABOYEV

Mirkamol ODILOV

Yo'ldosh SULAYMON

Ahmad USMONOV

Farmon XUDOYBERDIYEV

Botir UBAYDULLAYEV

Sirojiddin SAYYID

Bosh muharrir

Sobir O'NAR

Bosh muharrir o'rinnbosari

Luqmon BO'RIXON

Mas'ul kotib

Akbarali MAMASOLIYEV

Tahrir hay'ati:

Odil YOQUBOV

Abduqayum YO'L DOSHEV

Abdusaid KO'CHIMOV

Abdul G'ani JUMAYEV

Vafo FAYZULLO

Yo'ldosh ESHBEK

G'affor HOTAMOV

Yoshlarning adabiy-ijtimoiy jurnali 1982 yil-dan chiqsa boshlagan.

© "Yoshlik" № 2 (189) 2003 y.

Ushbu son "Yoshlik" jurnali tahririyatining kompyuter markazida sahifalandi.

Sahifalovchi: Saodat RUSTAMOVA

Manzillimiz: 700000, Toshkent, Javoharla'l Neru, 1-uy,
Telefon: 133-40-83
Bosishga 16. 05. 2003 yilda berildi.
Qog'oz formati 60x84 1/8. Nashriyot hisob tobog'i 6,0.
Indeks 822 ISSN 0207-9137 Buyurtma № 68

MUNDARIJA**IJTIMOIY HAYOT***G'affor HOTAMOV.**Farzandlar nigohidagi tuyg'u 1***NAZM***Azim SUYUN.**Ey do'st 4**Bahrom RO'ZIMUHAMMAD.**Ishqni ne deydilar ona tilingda 10**Orif TO'XTASH.**Sening ismingni aytdim — tomdag qizg'aldoqqa 12**Sulaymon SHODIYEV.**Erkalanar sabolar 33***DRAMATURGIYA***Izzat SULTON.**Yangi odamlar 14***NASR***Sobir O'NAR.**Chambilbelning oydalasi. Qissa. 5**Abduqayum YO'L DOSHEV.**Zalolat. Qissa. 34***ADABIY TANQID***Saida YOMG'IROVA.**Jonzotlar — jondoshlarimiz 11***NAVOIYXONLIK***Vahob RAHMONOV.**Birinchi g'isht qiyshiq qo'yilgach... 9***BIRINCHI UCHRASHUV***Guli Nigor AVAZOVA.**Armonga maktub 47***Muqovalarimizda:**

1-betda: xushovoz estrada xonandası SARVARA.

2-betda: Milliy universitet - 85 yoshda.

3-betda: taniqli adabiyotshunos olim Umarali NORMATOV.

4-betda: jahon estrada yulduzi ALSU Toshkentda.

Suratlar muallifi Abdulg'ani JUMA.

Jurnaldan ko'chirib bosilganda "Yoshlik"dan olindi deb izohlanishi shart.

Alisher Navoiy nomli O'zbekiston Milliy kutubxona bosmaxonasida chop etildi.

Manzil: Toshkent, sh. X. Sulaymonová ko'chasi 33-uy.